

**ROMA PROPRIO  
TRIUMPHANS  
NOMINE. AUTORE  
PETRO BENTIO,  
INTERPRETE...**

---


Pierre Bence, Giuseppe  
Renato cardinale Imperiali



BIBLIOTECA NATIONALE VITT. EMANUELE


14
35 K
M 21







bentii, Roma proprio triumphans nomine. 8.  
Parisiis 1662, ben leg.




# ROMA

PROPRIO

## TRIVMPHANS NOMINE.

Autore PETRO BENTIO,  
Interprete Regio.



*Irritat aduersarius nomen tuam in finem.*

Psal. 73.

*Vrbs potens, Vrbs Orbis Domina, Vrbs Apo-  
stoli voce laudata, interpretare vocabulum  
tuum. Hier. lib. 2. aduers. Iouinianum.*



PARISIIS,

Apud EDMUNDUM COVTEROT;

in a Iacobæâ, sub signo Boni Pastoris,  
& Bibliorum Aurcorum.

M. DC. LXII.

CUM PRIVILEGIO ET APPROBATIONE

Ex Bibl.

Ios. Ren. Card.

Imperialis

ALMA

1880

LIBRARY

NOV 11


LIBRARY

LIBRARY

LIBRARY

LIBRARY

LIBRARY



LIBRARY

LIBRARY

LIBRARY

LIBRARY

LIBRARY





EMINENTISSIMO

PRINCIPI CARDINALI

ANTONIO  
BARBERINO,

SANCTÆ ECCLESIAE  
Romanæ Camerario, Magno  
Franciæ Eleemosynario, Ar-  
chiepiscopo Duci Remensi de-  
signato, Primo Franciæ Pari,  
Sanctæ Sedis Apostolicæ Le-  
gato nato, &c.



MINENTISSIME  
PRINCEPS,

*Hoc meum de Roma recens*

*ā ū*

Opusculum, TVÆ EMI-  
NENTIÆ, dedicare & of-  
ferre audeo : exiguum quidem  
munus, si solum respiciatur vo-  
lumen, sed amplum, regium &  
magnificum, si subiectum, de quo  
tractat, diligenter & maturè  
consideretur: Cùmque sis dignissi-  
mus Roma filius ac EMINEN-  
TISSIMVS PRINCEPS:  
Cum sis animo verè regio & pla-  
nè magnifico, regio & magnifi-  
co aspectu illud te excepturum  
omnino spero. Roma est, Roma  
vetus & noua, Roma Caput  
Mundi; Roma Caput Eccle-  
sie Christi, qui totum Mundum  
pugillo continet; Roma excelsa,  
Roma potens, Roma fortis, Roma

terreno & cœlesti exultans Imperio , Roma militans , Roma victrix , Roma triumphans. Sed quo triumphorum genere credit Tua Eminentia hodie Romam triumphare? Proprio triumphat nomine. Triumphus sanè nouus , Triumphus inauditus , & qui prima fronte fortassis tibi videbitur incredibilis. Sed si ex his paucis pagellis , quæ tantum & tam celebrè continent triumphum , aliquot digneris euoluere , verum & legitimum esse triumphum non dubitabis. Roma dignitatis , Roma honoris , Roma autoritatis , Roma certaminum & victoriarum , ut Roma Principi , optimam partem tibi deberi , quis dubitat? Æquum



est igitur & iustum, expetit ipsa-  
met ratio, ut in eius triumphis  
optimam quoque partem capias.  
Respice, quaso, Romam tam ad-  
mirando triumphantem trium-  
pho, illam recipe, illam admitte,  
illam amplectere, illam defende,  
huiusque triumphis authorem me-  
mento protegere: Triumphas cum  
Roma, Triumphas cum Christo,  
Triumphas cum Ecclesia, & si-  
cut Ecclesia Militantis fortissi-  
mum & indefessum militem te  
semper ostendisti, ita brauium  
Æternitatis & coronam consequi,  
& cum Ecclesia Triumphante in  
æternum triumphare queas, à  
Summo, Supremo ac Æterno  
Triumphatore ex toto corde, ex




*tota anima , ex totis visceribus  
optat & precatur.*

TVÆ EMINENTIÆ,

*Humillimus, obsequentissimus  
& indignissimus servus,*

PETRVS BENTIVS.





# PRÆFATIO DE NOMINIBVS.



O prolabi solent  
Hæreticorū præ-  
sumptiones , ait  
Tertullianus , vt  
ea per quæ reuin-  
cuntur nolint ag-  
noscere , sed res-  
puant quodcun-

Lib. de  
Præscri.  
adu. Hæ-  
ret.

que suæ aduersatur doctrinæ , licet  
ex Dei ipsius afflatu pronunciatum sit.  
Si nostri temporis Hæreticis Petri pri-  
matum , potestatem aliasque præro-  
gatiuas , quibus illum donauit Chri-  
stus Dominus ; Si eundem Apосто-  
lorum Principem Romæ sedem con-  
stituisse ; si Romanum Pontificem il-  
lius verum & legitimum esse succes-

In Con-  
uiu.

August.  
lib. 32.  
cont.  
Faust.  
cap. 2.

In Pe-  
nulo.

forem, ideoque Summum Christi Vi-  
carium Ecclesiæque Caput visibile;  
si Romanam Ecclesiam esse Catholi-  
cam & Apostolicam, ac proinde so-  
lam Christi Ecclesiam, extra quam  
nulla prorsus speranda salus, ex Sa-  
cris Bibliis probare aggrediar, quos-  
cunque de his textus in medium affe-  
ram, aut in alium sensum conuertent,  
aut à quodam Monacho adulteratos  
adiunctosve clamitabunt, aut dicent  
cum Luthero se de Bibliis non cura-  
re, nec pluris facere Scripturas quam  
putridam nucem: & fortassis eò de-  
mentix prolabuntur, vt Sacros om-  
nes Libros à quodam malo Deo dicta-  
tos; vt Euangelia ipsa non ab Apo-  
stolis aut aliis Christi Discipulis, sed  
à quibusdam impostoribus, qui multa  
falsa veris admiscuerint, conscripta au-  
deant affirmare, sicut olim Simonia-  
ni, Basilidiani, Marcionitæ, Mani-  
chæi, Bogomiles & Albigenfes.

Si ex Traditionibus eiusmodi pro-  
positionum veritatem desumere con-  
tendam, istud Plauti statim mihi de-  
cantabunt, *Gerra Germanæ, atque adeo*  
*pol lira lira*, profitebunturque cum



eodem Luthero omnes Traditiones  
meras esse fabulas ; nullam aliam in  
Ecclesia Dei tradi debere doctrinam In Con-  
uiu.  
quam purum Dei verbum , hoc est  
Sanctam Scripturam ; aliosque Do-  
ctores , qualescunque sint , cum sua  
doctrina anathemata esse censenda.

Si ex Conciliis id præstare coner,  
nec plus proficiam : Crocitant enim  
isti corui cum Caluino , quoduis Con- Antidot.  
cont.  
A& Cō-  
cilij Tri-  
dentini.  
cilium, in quantum, vt aiunt, Papistis  
constat , reproborum esse leporarium  
aut formicarium , Christianismique  
veluti fecem , sordes aut quisquilias.  
Omnium prorsus Conciliorum , licet  
Generalium , aspernantur decreta :  
Summum Pontificem , cuius autori-  
tate cogi solent, Patresque qui iis ad-  
sunt , tam atrocibus afficiunt contu-  
meliis , vt Diaboli ipsius petulantiam  
exuperent. Eò tandem deueniunt  
impudentiæ , vt Lutherum dicere non  
puduerit , si quod Concilium statue- De form.  
Miss.  
ret aut permitteret vtramque Eucha-  
ristiæ speciem , sē aut vnā , aut neu-  
trā vti velle.

Si ex Patrum autoritatibus hoc  
confirmandum suscipiam , adhuc pe-

ius : Mille probris Sanctos infectantur, mille maledictis incessunt Ecclesiæ Patres, audentque diuulgare eos omnes esse nebulones, insulsos, fatuos, ignaros, amentes, insanos, religionis simulatores, falsos Christi Discipulos, fetida cadauera, Antichristique satellites. Simili petulantia Patres Tridentinos excipit Caluinus, qui nec etiam pepercit SS. Ambrosio & Hieronymo, quorum primum Diabolicas habuisse visiones asserit; alterum vero fuisse inconstantem, furiosum, mente captum, sibi ipsi repugnantem, ac Sanctæ Scripturæ corruptorem impudentissimum.

Si denique Sibyllarum Oracula, si ipsius Ethnicismi Scriptorum testimonia cogitarem adducere, nec illis etiam vellent credere. Tantum est eorum in Romanū Pontificem odium, tanta in Romanam Ecclesiam malevolentia, ut nec ipse Dæmon, licet eorum Doctor & Ductor, apud eos fidem posset obtinere, si quod nos proponimus ille susciperet probandum.

Quò me igitur vertam? quos im-

plorem, Patres Conscripti? Romam ipsam implorabo, ad propriam eius appellationem confugiam, proprium eius nomen examinabo, illius interpretabor vocabulum, diuersas *Rome* nominis aperiam significationes, diuersa eius scrutabor mysteria, elementa ipsa, quibus constat *Roma*, diligenter ponderabo: Ex tam mirabili nomine, tanquam ex limpidissimo fonte, rationes tam claras, argumenta tam valida, iuuante Deo, spero haurire, & quæ quod suscepimus opus tam clarè amque validè confirment, vt Romam, vt Romanam Ecclesiam, vt Romanum Pontificem isti canes non audeant amplius allatrare.

Totius eruditionis fundamentum posuit quisquis Nomenclaturam rerum intelligenter perdidicit. Nominibus rectè perceptis facilè percipiuntur nominata: quippe nomina rerum sunt imagines; & sicut ex imaginis inspectione cognoscitur archetypon, ad cuius similitudinem efficta est, ita & cognito nomine, rei cui tributum est comparatur notitia. Ideo cuiusque rei appellationem Latini dicunt



*Nomen*, quasi *Notamen*, inquit Isidorus, quod Nomen rem suo vocabulo notam efficiat, & rei nulla sit cognitio, nisi sciatur eius nomen. Ideo Græci dicunt *ὄνομα*, quasi *οὗτος νοημα*, ait Plato in Cratylo, id est Entis notitia. Ideo diuinus ille Philosophus vocat Nomen *διδασκαλικόν οργάνον*, hoc est, instrumentum ad docendum idoneum. Aristoteles quoque ad rei cuiuspiam naturam & rationem explicandam nihil æquè valere vt Nomen pluribus in locis apertè fatetur. Hanc autem rerum à Nominibus cognitionem non solum de Vniuersalibus, sed etiam de Singularibus, verbi gratia de hoc aut illo homine, de hac aut illa prouincia, de hac aut illa vrbe, intelligendam esse censent quamplures grauissimi autores: nec dubitauit asserere doctissimus Mamertus, Viennensis Episcopus, hominis proprium Nomen eius naturam, mores ac fortunam sæpius designare. Iurisconsulti quoque scribunt Nomen malum & turpe indicium esse ad torturam: quod licet de fama vt plurimum intelligant, tamen Cicero, Iurisconsultus meâ sen-

Epist. ad  
 C. Solin.



tentiâ satis præclarus, ut ei fides adhibeatur, de appellatione duntaxat, non de fama, intelligendum esse docet: *De nomine*, inquit, *nonnunquam aliquid suspicionis nascitur: Nomen autem cum dicimus, cognomen intelligatur oportet, de hominis enim certo & proprio vocabulo agitur; ut si dicamus idcirco aliquem Caldum vel Calidum vocari, quod temerario & repentino sit iudicio.* Fatentur linguæ Sanctæ periti omnia eius nomina esse veluti exigua volumina, in quibus Entium naturam & historiam sapienti saltem liceat legere. Hoc agnoscit noster Dubartas, cum dicit

Lib. 2 de  
Inuent.

*Saint Dialecte, en toy les Noms propres des hommes.*

*Des Pais, des Citez, sont autant d'Epitomes*

*De leurs gestes fameux, &c.*

Sed quæ hætenus generatim de Nominibus diximus, singularibus quibusdam comprobemus exemplis. Esau rediens venatu, offerensque patri in lecto iacenti de venatione quam ce-

Gen. 27

perat, cum benedictionem sibi subreptam cognouisset, nec matris fraudem, nec patris inscitiam, nec maleuolum fratris animum, nec afflictam sui ipsius fortunam accusat, sed in solo fratris vocabulo tantæ iacturæ causam quærit & inuenit. *Iustè vocatum est nomen eius Iacob; ( id est supplantator ) supplantauit enim me in altera vice : primogenita mea ante tulit, & nunc surripuit benedictionem meam :* In Iacob nomine leges suam ab eo supplantationem, & ex eodem præuidens suos posteros aliosque quamplurimos populos à fratris posteris aliquando supplantatos iri.

Quum Abigail obuiam proficisceretur Dauidi, qui quoniam Nabal eius pueros pessimè excepisset, illius domum veniebat deletum, vt irati illius Principis Placaret animum, maritique petulantiam excusaret, nec à prauis moribus, nec à naturæ acerbitate, nec à superbia, nec ab ebrietate, aut quouis alio fonte, sed ab eius Proprio nomine præcipuas petit excusationes : *In me sit, Domine mi, hæc iniquitas : Loquatur, obsecro, ancilla*

*tua in auribus tuis, & audi verba famule tue: Ne ponat, oro, Dominus meus Rex cor suum super virum istum iniquum Nabal, quoniam secundum nomen suum stultus est: Quasi rescivisset sapiens illa Virago, Davidem re & nomine Dilectum à Domino, summaque ideo sapientia præditum, facile placatum iri, cum animadvertisset Nabal esse stultum secundum nomen, nec sapienti plus esse honori de stulto penas velle repetere, quàm de cane qui illum allatrasset, aut de musca quæ eius sordidasset pallium.*

De Saule Israëlitarum rege idem ac de Nabale fieri potest iudicium. Sicut enim hic erat stultus secundum nomen, ita & ille erat Vulpes, quoniam Hebraicè *saul* significat Vulpem: Nec hic plura occurrunt dicenda, ut probetur ista propositio; Cum ex Saulis agendi ratione, & cum Patruo, & cum Populo, & cum Samuele Propheta, & cum Ionata filio, & cum Davide suo genero, & cum Domino ipso, satis constet eum secundum Nomen veram fuisse Vulpem, minem scilicet dissimulatum, astu-



1. Reg.  
10.

tum, vafrum & dolosum; vultumque hominis tantum habuisse, cor autem vulpinam : quod Deus ipse Samueli voluit significare cum dixit ; *Ne respicias vultum eius , neque altitudinem stature eius , quoniam abieci eum ; nec iuxta intuitum hominis iudico , Homo enim videt ea quæ apparent , Dominus autem intuetur cor.* Et quia vulpinum Saulis animum optimè nouerat Dauid , ideo eius fidei nunquam voluit credere. Suauia quidem ac sanè dulcia sunt hæc verba ; *Nunquid vox tua fili mi Dauid ? Reuertere , fili mi Dauid : Benedictus tu fili mi Dauid ;* & quæ versutorum versutissimum potuissent decipere ; sed quia redolebant Vulpem , eorumque autor erat Vulpes secundum nomen , iis idcirco noluit credere Dauid , imò fugit in terram Philistinorum , dicens : *Aliquando incidam una die in manus Saul : Nonne melius est ut fugiam , & saluer in terra philistinorum ?* Nam ut optimè dixit Phædrus de Vulpe ,

1. Reg.  
26.

Quicumque

*Quicumque turpi fraude semel inno-*  
*tuit,*

*Etiam si verum dicat, amittit fi-*  
*dem,*

Et quisque prudens prudenter agit,  
dum sequitur istud Horatij consi-  
lium,

*Nunquam te fallant animi sub vul-* Epit. 2.  
*pe latentes.*

Cicero in Orationibus, quas Romæ  
in Senatu contra Verrem habuit, qua-  
si argumenta ex nomine proprio pe-  
tita omnium validissima iudicasset, pe-  
culatus de quo accusatus erat ille gras-  
sator, cum etiam ex nomine conui-  
cit, esseque Verrem secundum no-  
men Patribus Conscriptis significavit:  
Verrem scilicet à *Verrendo* dictū, quod  
omnia verreret, & nihil reliqui face-  
ret homo furax: illamque immode-  
ratam latrocinandi & in populum  
grassandi licentiam à Verris consciis  
dictum *Ius Verrinum*, quasi  
s Verrendi: quod unquam, Iudices, Orat. 2.  
quit, huiusmodi exerriculam vlla



Orat. 7. *in provincia fuit? O Verrea præclara!*  
(loquens de quibusdam festis in Sicilia à Verre institutis) *quò enim accessisti, quò non attuleris tecum istum diem?*  
*Etenim quam tu domum, quod fanum adiisti, quod non euersum atque extersum reliqueris? quare appellentur sanè ista Verrea, quæ non ex nomine tantum, sed & ex manibus moribusque tuis constituta esse videantur.* Vnde de Verre postea dixit Iuuenalis,

*Quis Cælum terris non misceat, &  
mare Calo,  
Si fur displiceat Verri, homicida Miloni.*

Quoniam verò Verres etiam significat porcum, idque consuetudinis habeat Verres, ut rostro totum effodiat agrum, ne vlla bestia post illum aliquid inueniat pascendum, ita & à Verre porco plurima in Verrem hominem argumenta deducit noster Orator:

Orat. 9. *Quid facimus, inquit, in Verre, quem in luto volutatum totius corporis vestigiis inuenimus? sed repente è vestigio ex homine, tanquam aliquo Circeo po-*

*calo, factus est Verres. Et quia porcos  
sicut & alias victimas immolare Sa-  
cerdotum munus erat, ideo in Ora-  
tione sexta loquens de siculis dixit;  
Sacerdotem execrabantur, qui Verrem* <sup>Oraz. 6.</sup>  
*tam nequam reliquisset.*

Apud Flauium Vopiscū Miluius Gal-  
licanus arguit Valerianum Imperatorē,  
quod Probum imberbem fecisset Tri-  
bunum; sed de nomine adolescentis  
illi respondet Imperator: *Miraberis  
fortassis, inquit, quod ego imberbem* <sup>Vopiscus.</sup>  
*Tribunum fecerim, contra constitutum  
Diui Adriani; sed non multum mira-  
beris, si Probum adolescentem cogitas  
verè probum: nunquam enim aliud mi-  
hi, quum eum cogito, nomen occurrit.  
Nec Valerianum fefellit opinio, quam  
de Probo conceperat: Is enim postea  
ob suam probitatem Imperium obti-  
nuit, in eoque administrando tam pro-  
bè se gessit, vt Senatus decreto æter-  
num hoc probitatis monumentum de-  
functo fuerit erectum: Hic Probus  
Imperator verè probus situs est, Victor  
gentium barbararum, victor etiam ty-  
rannorum. De eodem Probo simile  
quid scribit Ægnatius: *Nec fefellit* <sup>Ægnat. lib. 2.</sup>*

inquit, *Omen nominis, cùm hoc illi cognomen esse potuerit, ut si non illi fuisset Probi nomen, cognomento hoc appellari potuerit.*

Marco literis significauit Verus Auidium esse Imperij auidum, idque auiditatis ex nomine comperisse affirmat: quo deinceps experientiâ comprobato scripsit Marcus Faustinae Verum re sicut & nomine esse verum: *Verus, inquit, de Auidio mihi verum scripserat, quod regni esset auidus, auereturque imperare.*

Lāprid.

De Imperatore Seuero legimus apud Lampridium eum semper fuisse seuerum, seuerum in milites, seuerissimumque iudicem contra fures.

De Copronymo narrant Scriptores Græci eum secundum nomen, quod est stercoreis nomen, stercoreum fuisse principem, moribusque stercoreis hominem. Inter alios scribit Theophanes illum Imperatorem caballinis stercoreibus & lotio summo opere delectatum; & adeo delectatum, ait Theophrastus apud Nicetam, ut stercore bestiarum singulis ferè diebus velleret oblini, familiarioresque suos aulicos

Theo-  
phanes.  
Theophrastus.  
Nicetas.

ad tam sordidam vunctionem cogeret,  
quò sicut stercoreum gerebat vocabulum,  
& stercoreus esset homo, ita  
& eius aula etiam stercora redoleret.

De Lutero simile quid scribit Bredembachius, cum videlicet verè fuisse Lutherum, Lutosum Hæreticum, & luti tam studiosum, ut seruum, quod eius pallium iam à sex mensibus luto illitum deterfisset, semel fustibus exceperit. Et quia lutum & stercus ferè sunt idem, stercoris æquè ac luti amicum fuisse legimus, ac tam amicum, ut stercoreis vocibus, tanquam Orationis cultibus, sermones adornaret, stercoreusque Propheta vocari meritus sit. De hoc Andreas Decianus, Luteri contemporaneus, hoc lepidum nobis reliquit Epigramma.

*Stercora cum præ se ducat quacunque  
Luterus,*

*Oreque spurciloquo nil nisi stercus  
habet:*

*Num, rogo, stercoreum dices hunc esse  
Prophetam?*

*Qualia verba viri, talis & ipse  
vir est.*



Capito-  
linus.

Nonne Macrinus erat Macrinus,  
id est Macellarius seu Ianio? Vt Ma-  
crinum secundum nomen uerè fuisse  
macellarium & Ianionem fuisse cre-  
damus, sufficiat nobis istud Capitoli-  
ni testimonium : *Macrini domus*, in-  
quit ille Scriptor, *macelli specie cruen-*  
*tabatur sanguine vernacularum.*

Hæreticus Curbicus, qui postea  
Manes & Manichæus voluit appella-  
ri, nonne fuit Curbicus secundum  
nomen? aut potius Cucurbita, Cu-  
cubita ventosa, Cucurbita inanis,  
Cucurbita insulsa, Cucurbita insipi-  
da; homo videlicet bardus, homo  
stupidus, ineptus & inconditus, qui  
tam inania, tam insulsa, tam inepta  
& incondita protulit, ut si iam pro-  
ferrentur, nec ipsæ Cucurbitæ ea vel-  
lent audire. Et verè Manes, verè  
Manichæus, verè *Μανικός*, verè insa-  
nus, verè furiosus, verè mente ca-  
ptus, qui tot ineptias, qui tam absur-  
da rationique tam contraria scripsit,  
ut à Furore, ut à Furiis ipsis videantur  
fuisse dictata.

Quid de Caluino? *Calvinus* dedu-  
ctum est à Verbo *Caluo* seu *Calvor*,

quod idem ac *Decipio* seu *fallo* significasse constat ex Antiquis, v. g. Plautus, Pacuvius & Accius.

*Nam ubi domi sola sum, sopor manus caluitur.*

*Sed quid conspicio? nunc me lactans caluitur, etas.*

*Sed memet calor; vos istum, ut iussu ocus abstrahite.*

Verè Calvinus Deceptor fuit secundum nomen. Deceptor qui sua falsa doctrina decepit oves Domini: Deceptor, de quo incauti, qui ab eo fuerunt decepti, possunt dicere quod de Iacob dixit Esau, *Iustè vocatum est nomen eius Calvinus, nam caluit & decepit nos, nostramque tulit benedictionem.* Sed si Calvinus, si Deceptor, etiam & Calumniator, quippe secundum Isidorum à *Calor* deducitur *Calumnia*: Et si Calumniator, ideo etiam & Diabolus censendus est; quoniam Græcè *calumni* dicitur *καλοῦν*, & *Calumniator* *καλοῦν*, verumque à verbo *καλοῦν*, quod Latini vertunt *Calumniari*. Ex ipsius autem Calvini scri-

ptis constat eum fuisse Diabolum, id est Calumniatorem : calumniatur Ecclesiam, calumniatur Scripturas, calumniatur Patres, calumniatur Concilia, calumniatur Reges ; calumniatur Romanum Pontificem, Summum in terris Christi Vicarium ; calumniatur ipsummet Christum, quem in desperationem adactum fuisse dicit, cum in Cruce hæc protulit verba, *He- li, Heli, Lammaſabathani* ? hoc est, *Deus meus, Deus meus, ut quid dereliquisti me* ? Nec parcit eius calumnia ipsimet Deo, quem facit autorem peccati.

Antagoras, cum Thebaicam Historiam, quam conscripserat coram Bœotiiſ recitaret, neque illi aures præbere comperiſſet, præ ſtomacho clauſit Librum, dixitque ; *Δικαίως καλεῖσθε Βοιωτὸν βοῶν γὰρ ὥτα ἔχει* ; Meritò vocamini Bœoti, boumenim aures habetis. Nec immerito Bœotiis ſimile quid exprobrauit : Ob cælum enim craſſum, ſub quo naſcebantur, erant bardi ac ſtupidi quaſi boues. Vnde annotat Horatius de homine bardo ac ſtupido olim fuiſſe dictum,

*Beotum crasso iurares in aëre natum.* Epist.  
lib. 3.

Ex antiquo Græcorum nomine, quod  
fuit *Iones*, corruptum ab Hebræo  
*Iauanim*, id est *Deceptores*, inuenie-  
mus Græcos semper fuisse dolosos,  
fraudentos, & nullius fidei homi-  
nes, omnibusque planè populis sus-  
pectos, etiam dona ferentes, vt his  
versibus annuit Troianus Laocoon  
apud Virgilium:

*An vlla putatis* Aeneid.  
*Dona carere dolis Danaum? sic notus* 2.  
*Vlysses?*  
*Quicquid id est, timeo Danaos, do-*  
*naque ferentes.*

Istud vitium iis obiicitur ab Euripi-  
de ipso, licet Græco,

Πιστὸν Ἑλλὰς οἶσεν ἑσέυ  
*Gracia nequaquam nouit fidem.*

Inde adagium, *Græca fides*: Et vt opti-  
mè scripsit Polibius; *Apud Græcos, si*  
*cui vel vnum duntaxat talentum cre-*  
*ditum sit, adhibitis decem autographis,*



*totidemque sigillis , duploque pluribus  
testibus , fidem non seruant. Ideo Au-  
sonius de Philone , suo mancipie di-  
cit, Mutuatur ad Græcam fidem , hoc  
est, vnunquam restituat. Et de Græ-  
corum mala fide aliud ortum adagium,  
Græca fide emere seu vendere , hoc est  
præsenti & numerata pecunia. Hoc  
testatur Plautus in Asinaria, vbi Le-  
na Clarea sic loquitur :*

*Diem , aquam , Solem , Lunam , no-  
ctem , hæc argento non emo :  
Cetera quæ volumus vti Græca mer-  
camur fide.*

Ideoque scribit Herodotus Athenien-  
ses , forsan quod cæteris Græcis plus  
haberent generositatis, Græci nomi-  
nis omnino puduisse, nec Græcos ap-  
pellari voluisse.

Vult quis scire qui olim fuere , &  
qui iam sunt Hebræi , comperiet ex  
nomine eos semper fuisse , & adhuc  
esse peregrinos , errabundos , & de  
regione in regionem perpetuò tran-  
scuentes. *Heber* enim, vnde dicti sunt  
*Hebræi* , Latinè sonat *Peregrinus* seu

*Transiens.* Vnde dixit Dominus Abrahamo , illustrissimo sanctissimoque istius peregrinantis familiæ filio , *Scito* Gen. 15. *quod peregrinum futurum sit semen tuum in terra.* Et licet ex eius mandato in hac aut illa regione quiescat, vult vt in ea quiescens etiam in ea peregrinetur : *Ne descendas in Ægyptum,* Gen. 26. *sed quiesce in terra quam dixero tibi, & peregrinare in ea.*

Dubitatur quis & qualis sit Angelus, eius nomen consulat, hocque illi reddet oraculum,

*Angelus est Angelus , cui nunquam  
fidere fas est,  
Dum sibi dicit Ave , sicut ab hoste  
caue :*

Similis illi bono Euclioni , de quo loquitur Plautus,

*Altera manu fert lapidem , panem  
ostentat altera.*

Angelus quidem , sed malus , & ex numero eorum quos vidit Ioannes, exeuntes ex fumo putei abyssi , habentes caudas similes Scorpionum, scilicet à tergo , & quales vsus Dæ-

mones solet depingere. Quosdam autem Anglos eiusmodi caudas gestare, idque iis accidisse ex eo, quod per ludibrium Thomæ, Cantuariensis Archiepiscopi, equo caudam obtruncassent, ex sequenti patet Disticho.

*Fertur equo Thoma caudam obtruncasse  
Britannos,  
Hinc Anglos caudas constat habere  
breues.*

Indeque illis obtigit *Caudatorum* agnomen; & quia in cauda latet venenum, ideo

*Angelus est Anglus cui nunquam fi-  
dere fas est,  
Dum tibi dicit aue, sicut ab hoste  
caue.*

Hoc autem dictum sit pace tot bonorum Anglorum, qui in eo infelici regno adhuc inueniuntur.

Quid plura? Deus ipse fatetur Moy-  
si, se illum ex nomine cognoscere,  
*Novi te ex nomine*: nec tantum Moy-  
sem, sed & omnes homines, ut quo-

rum nomina scripta sunt in eius libro, Ps. 138.  
 maximè Electorum, quibus dicit, *Gau-*  
*dete quod nomina vestra scripta sunt in*  
*Celis.* Ipsemet Moyses, cum domino  
 dixit, *Si dixerint mihi quod est nomen*  
*eius, quid dicam eis?* Deum nisi ex  
 nomine posse cognosci censuit. Id-  
 circo Filius dicit Patri, *Pater clari-* Ioan. 12.  
*fica nomen tuum: Narrabo nomen tuum* Psal. 21.  
*fratribus meis: Manifestavi nomen* Ioan. 17.  
*uum hominibus, quos dedisti mihi:*  
*Notum eis feci nomen tuum, & notum* Ibidem.  
*faciam.*

Tanta denique Nominis ad Nomi-  
 natum relatio, vt passim in Scriptu-  
 ris Nomen sumatur pro Nominato,  
 idemque sit delere nomen hominis ac  
 delere ipsum hominem: *Dimitte me vt* Deut. 9.  
*conteram eum, & deleam nomen eius de*  
*sub Celo: Occisa sunt in terra mota no-* Apoc. 11  
*mina hominum septem millia.* Urbium  
 autem, sicut & hominum, fortunam,  
 dominium, incrementum, euersio-  
 nem, restitutionem, aliaque præci-  
 pua, tum prospera cum aduersa, quæ  
 ex Dei decreto iis sunt euentura, ex  
 Nominibus posse conjici, id luce cla-



rius secundo ostendemus Capite, va-  
riisque comprobabimus exemplis.





# INDEX CAPITVM, quæ hoc continentur opere.

**D**E ROMÆ Nomine varia Scri-  
ptorum sententia. CAPVT I.  
pag.1.

ROMA nomec esse ex afflatu Dei, Deum-  
que providere, non solum ut Electi  
electioni, sed & ut Sanctuaria sancti-  
tati congrua habeant nomina. CA-  
PVT II. p.10

ROMA nomen sublimitatis. CAP.III.  
p.36.

Vnae habeat ROMA ut sit Roma, id  
est, Excelsa. CAP.IV. p.45.

ROMA nomen Pastoralis dignitatis.  
CAP.V. p.57

Septem ROMÆ Montium nomina, ad-  
mirandaque quæ sub iis continentur  
arcana. CAP.VI. p.71

ROMA nomen Fortitudinis. CAP.VII.  
p.91.

Vnde habet ROMA ut sit Páum, ut sit  
Fortis, aut potius ipsamet Fortitudo.  
CAP.VIII. p.99

ROMA nomen Celeritatis. CAP.IX.112

*ROMA fama, gloria laudisque vocabu-  
lum. CAP. X. p. 117*

*Vnde habet ROMA ut sit Roma, id est,  
Laudabilis. CAP. XI. p. 129*

*ROMA quasi Ruma, id est Mamma  
imò Tonitruum, ideoque Roma Ma-  
ter censenda, Dominaque tonans ac  
fulminans, CAP. XII. p. 143*

*P<sup>ri</sup>um quasi P<sup>ru</sup>um, id est Vicus seu Ruina,  
quod est nomen inclinationis & hu-  
miliationis. CAP. XIII. p. 156*

*Quæ de ROMA in Roma Anagramma-  
tismi ratione lateant Mysteria. CA-  
PUT XIX. p. 175*

*Arcana, quæ de ROMA in Roma Si-  
glarum ratione possunt reperiri. CA-  
PUT VLT. p. 191*



ROMA



# ROMA PROPRIO TRIVMPHANS NOMINE.

---

DE ROMÆ NOMINE  
*variæ Scriptorum Sententiæ.*

## CAPVT PRIMVM.



SCVT DE ROMÆ conditore non conueniunt Historiographi, ita nec de nominis autore. Aliqui, vt puto temerè, vel à Romano Vlissis filio, vel à Romanesso Herruscorum Principe, vel à Romi Latinorum tyranno Romæ nomen in-



ditum fuisse scribunt.

Alij, & verisimilius, Romo huius nominis tribuunt impositionem : iisque fauet ex Sibyllis vna, quæ ideo Romanos vocat *Ρώμη* *μῦσος*, Romi filios. Verum de ipsius Romi ortu non vno modo sentiunt antiquitatis Scriptores. Apollodorus in Euxenide Romum *Æneæ* ac *Launiæ* credit filium : Alcinus, *Albæ* neptis *Æneæ* : Antigonus *Italicæ* Historiæ scriptor, Iouis : & anonymus quidam, *Emathionis* Regis *Macedoniæ*. *Ximenez* & *Garibay*, Hispanici Chronographi, forsan vt inde patriæ aliquid gloriæ concilient, Romum Testæ, Hispaniarum Regis, filium fuisse contendunt : affirmantque præterea eundem Romum alteram in Hispania ciuitatem condidisse, quam etiam de suo nomine Romam appellauit : sed priorem illam appellationem postea mutatam in Valentiam, quod veteribus Latinis idem esset *Valentia* ac Græcis *Ρώμη*, id est robur, virtus ac fortitudo. Et *Cumanæ* Historiæ scriptor, ea fortassis nisus vel deceptus synonymia, principio Romam à viribus agentis Valentiam vocatam fuisse scripsit, istudque nomen ab Euandro, qui cum magna Græcè loquentium turba in Italiam appulerat, in Romam postea conuersum.

Alij non à Romo, sed à Roma Romam nomen duxisse tradunt : sed quænam & qualis fuerit illa Roma, adeo variant qui de illius origine monumenta nobis reliquerunt,

vt ex iis aliquid certi vix possit asseuerari. Agathocles, Cisyenarum rerum scriptor, Ascanij; sed Fabius Pictor Itali filiam existimat. Pictori assentitur Cato: Scribit enim in suis Originibus Romam Itali filiam post Aborigenes Palatium tenuisse. Clinias Romam Telemachi filiam, Æneæque coniugem fuisse putat. Adeius, filiam Euandri: Marianus, Esculapij: Ocampus, Atlantis Kitini: Callias vero, rerum ab Agathocle gestarum scriptor, Latini Regis Aboriginum; quamuis sint qui autument non filiam, sed sororem Latini tantum fuisse, ac vtrumque habuisse genitores Vlissem & Circen. Lembus Heracledes Romam fuisse arbitratur Iliensem quamdam mulierē, quæ dum Troiani regionem exploratum iuissent, sociis iactationis maritimæ pertæsis, vt naues, quibus in Italiam appulerant, exurerent suasit; quod nulla iis relicta vltius nauigandi spe, in eo terrarum tractu confidere cogerentur. Inueniuntur etiam qui asserant Romam fuisse illam insignem vatem, quæ ad sedem in ea Italiæ regione locandam suis speciosis prædictionibus Euandrum adduxit. Imò sunt qui affirmant, nominis similitudine haud dubiè persuasi, Romam accepisse nomen à Roma, illa Nachoris concubina, de qua fit mentio Geneseos capite vigesimo secundo: Gaham, vnum ex eius concubinæ natis, ad Latinas oras appulsum, prima vrbs Romæ iecisse fundamenta, eamque proprio geni-

trici vocabulo Romam appellasse.

Sextus Pompeius Festus, omnium veterum auctoritates aspernans, huius impositionis gloriam ascribit Romulo, rationemque eandem profert, cur ille Princeps Romam potius quam Romulam urbem suam vocarit: *Romulus*, inquit, *eam nominavit Romam potius quam Romulam de nomine suo, ut ampliore vocabuli significatione prosperiora patrie sua ominaretur.* Qua in re, si Festo adhibenda sit fides, satis prudenter egit Romulus: *Romula* enim diminutivum est à *Roma*, sicut à *bucca* *buccula*, à *parva* *parvula*. *Roma* autem significat. Excelsam & Fortem, ut tertio & septimo Capitibus ostendemus, & proprium diminutivorum est primitivorum diminueret significationem. Ita ut si pro *Roma* *Romulam*, forticulam & subexcelsam tantummodo dixisset, hacque humili appellatione urbi nascenti humilem duntaxat fortunam esset ominatus. Quippe, iuxta vetus adagium, Nomen omen habet; bonum, si bonum; malum, si malum. Quoniam Augusto occurrerat rusticus quidam, nomine *Eutiches*, id est Felix, equitans in asino, qui vocabatur *Nicos*, id est Victor, de duobus tam egregiis nominibus Imperator ille certissimam Victoriæ spem animo præsumpsit, alteraque die, licet hosti viribus impar, cum eo ausus est congredi prælio, & illum vicit. Pompeius è contrario, in acie Pharsalica victus à Cæsare, fuga quæ-

Glycas  
in Anagl.

Val.  
Max. l. i.  
cap. 5.



rens salutem, quantumvis reparandæ fortunæ aliquantula restaret illi spes, solum quia in Cypro speciosum quoddam conspexit ædificium, nomine *κακοβασία*, id est malum Regem, animo cecidit omnino, & quasi à prauo rege, nimirum Ptolomeo, in quem ob infinita ei collata beneficia maiorem restaurationis spem reponebat, se proditum & occisum iri præsentens, dolorem quem ex diro nomine & omine conceperat, gemitu patefecit. Regilianus, quia regium nomen habuit, idcirco ab exercitu Rex & Imperator salutatus est, proprioque nomine adeptus est dignitatem, quam virtute & armis fortè non esset assecutus. Consul Collatinus, etsi ad expulsionem Tarquinij plurimum contulisset, quia nihilominus sicut & superbus ille dicebatur Tarquinius, ideo & Consulatum remittere, & patriis sedibus exire coactus est. Dubium igitur non est, quin nominandi, qualecunque sit, siue homo, siue vrbs, aut aliud; permagni interfit bonum, egregium ac fortunatum nomen consequi. Quippe nomen huiusmodi ad egregia suscipienda nominatum excitat, illique & Stellarum, & Fortunæ ipsius beneuolentiam videtur conciliare. Quod cum probè nossent antiquitatis sapientes illi duo, Pythagoras & Plato, idcirco id consilij dabant parentibus, vt filiis egregia semper nomina curarent imponi, quò scilicet egregiorum nominum frequentissima auditione ad recta

Treb.  
Pollio.

Flor. l. i.  
c. 8.



vitæ vocarentur officia. Prauum enim nomen & turpe prauitate ac turpitudine suum animum, quantunvis excelsum, deprimat, illique paulatim propriam contagionem solet communicare, ita ut aliquid egregij aut molliori, aut cogitare non auit, & Cælum Fortunamque veluti pudeat aspectu benigno illum intueri. Cum itaque Romulus Romam potius quam Romulam suam nominauit Urbem, probabile est eò illum respexisse, non solum ut patriæ fausto nomine omnia ominaretur fausta, sed ut Ciues, cum Romanorum, cum Excelsum nomine audirent se compellari, assidue cogitarent excelsa: ut cum Fortium vocabulo animaduertent se esse insignitos, in pace, in bello, in prosperis, in aduersis, in omnibus fortes semper se præbere recordarentur, nihilque auderent molliori, quod tanti nominis splendorem obscurare, quod tanti vocabuli maiestatem deturpare posset.

Seruius ad hunc Maronis Æneidos primi locum,

*Heic iam ter centum totos regnabitur annos  
Genie sub Hectorea: donec Regina Sacerdos,  
Marte graui, geminâ partu dabit Ilia prolem.  
Inde Lupa fuluo nutricis regmina lætus,  
Romulus excipiet gentē, & Manoria condet  
Mœnia, Romanosque suo de nomine dicet.*

scribit illius Romæ primi Regis verum &

genuinum nomen fuisse Romum, & Romulum quodam blandimenti genere tantum dictum. *Remus*, inquit, *prior sex vultures vidit, Romus postea duodecim; qua res bellum creauit, in quo extinctus est Remus, & à Romi nomine Romani appellari: ut autem pro Romo Romulus diceretur, blandimenti genere factum est, quod gaudet diminutione.* Hæc Seruij sententia probatu facilis est ex nomine gentis à Romulo conditæ. Si enim proprium eius nomen fuisset Romulus, cur & quomodo Urbis incolas de suo nomine Romanos dixisset? Habita ratione vocabuli, seruatisque Originum legibus, debuisset dicere vel Romulanos, vel Romuleos, vel Romulidas. Nulla quippe analogiæ ratio, (quod Virgilij pace sit dictum) cur à *Remusio* deducatur *Romanus*, nec vlllo prorsus modo potest consistere talis etymologia, nisi quod de Ciuitate dixit Festus de Ciuibus etiam dictum intelligatur: Romulum videlicet suos nominasse Romanos potius quam Romulanos de suo nomine, ut ampliori vocabuli significatione iis ominaretur prosperiora. Marianus verò, quem alio nomine, & quasi per syncopen, quidam vocant Marinum, Romulum condidisse & nominasse Romam omnino negat: Imò probat multò ante Romulum Romam fuisse conditam, & ab ea nomen illum acquisiuisse.

Quid plura? quot capita, tot de Romæ vocabulo sententiæ. Nec solum de autore,

Lib. 3.  
cap. 6.

sed & de tempore ipso, quo vrbi istud nomen inditum est, vix aliquid certi potest decerni. Nam de nomine primario variant Scriptores; & vtrum ab initio illa Vrbs domina Romæ nomen, aut aliud quoddam obtinuerit, haud satis constat. Affirmat Festus ex Gergithio primò vocatam fuisse *Cephalon* à Teucro quodam, Ænæ comite, qui hoc appellatus est nomine. Plinius *Saturniam* quondam dictam tradit, idémque perhibet Ovidius Fast. 6.

*A patre dicta meo quondã Saturnia Roma est,  
Hæc illi à Cælo proxima terra fuit.*

Solin.  
ib. 1.

Ab Erithreo, Politiano, & aliis etiam annotatum præter *Romam* adhuc illi alia duo fuisse nomina: nimirum *Anthusam*, id est, Florentem, à verbo *αἰδέω*, quod Florere significat: & *Amaryllida*, vel ab amore, vel, ut ait Nannius, ἀπὸ τῆς αἰνέσεως, hoc est ab Incili; ab incilibus videlicet, quibus Argei campi palus siccata est: sub quò postremo nomine à Virgilio ipso celebratam fuisse memorat Seruius: Narratque Solinus istud nomen apud Romanos & sacrum & arcanum fuisse, nemini licitum tantum nomen euulgare, & Valerium Soranum, quod ausus esset illud prodere, capite plexum.

Sed (mira res dictu) *Roma* nomen, sicut & *Roma* vrbs suos æmulos & inimicos habuit: Nec per Neronem & Commodum Im-



peratores , nec per Ataulphum Gothorum Regem stetit , quominus illud omnino fuerit extinctum. Primus enim Romam de suo nomine *Neropolin*, alter quoque de suo *Commedianam* ; tertius vero de nomine gentis *Gothiam* dici constituerat. Verum hæc , & alia quæ diximus , vocabula , licet Romæ & eius sorti non incongrua , cum autoribus tamen sepulta sunt , almæque Vrbi solum Romæ superfuit vocabulum. Sicut *Roma* Vrbs quæcunque superauit Vrbes , ita & *Roma* nomen alia quæcunque superauit nomina ; eaque superauit , quoniam omnium validissimum ac fortissimum , vt quod ipsius Virtutis , quâ nihil validius aut fortius , proprium est vocabulum.





## ROMA NOMEN ESSE

*ex afflatu Dei, Deumque providere,  
non solum ut Electi electioni, sed  
ut & Sanctuaria sanctitati con-  
grua habeant nomina.*

## CAPVT II.

**V**Ndecunque ortum sit *Roma*, & à  
quocunque Urbium Reginæ istud  
nomen fuerit impositum, certum est  
illam nec augustius, nec sublimius, nec emi-  
nentius, nec felicioris ominis nomen obti-  
nere potuisse, & quod eius fortunæ aut ma-  
gnitudini rectius conuenire quiuisset. *Roma*,  
ut sequentibus Capitibus sumus ostensuri,  
significat *Excelsam, Fortem, Velocem, Glo-  
riosam, Laudabilem, Matrem, Dominam*  
& *Fulminantem*: quæ cum sint epitheta su-  
per omnia epitheta, possumus dicere, si de  
urbibus tantum habeatur ratio, *Roma* esse  
nomen super omne nomen, nullamque vi-  
quam urbem tam glorioso nomine donatam,  
nec donandam. Et cum animaduerto qua-  
tuor duntaxat elementis, quibus constat  
*Roma*, totam pene ipsius Romæ historiam

contineri, de nomine tam admirabili nihil aliud mihi occurrit sentiendum, nisi quod ab æterno æterna Sapientia Romæ *Roma* nomen destinasset: quod ab ipso Dei spiritu excitatus sit, qui tam egregium imposuit nomen: quod eo ipso momento, quo Urbis conditor nascentem Urbem nominare meditaretur, diuino impulsus sit afflatu, ut hoc potius quam quoduis aliud nomen illi tribuere quodammodo coactus fuerit.

Ex Nominibus, secundum Platonem in Cratylo, alia sunt diuina, alia humana. Diuina vocat diuinus ille Philosophus illa nimirum nomina, quæ quoniam nominatis quàm rectissimè conueniunt, diuinitus videntur instituta: Et hoc ipsum est, quod significare voluit eruditissimus Homerus, cum dixit Deos autem quamdam vocare *Chalciden*, urbem *Baticam*, fluuium *Xanum*, Hectoris filium *Astyanacten*, quos homines vocabant *Cymindin*, *Myrinen*, *Scamandrum* & *Scamandrium*. Vniuersalia rectè & congruè sapienti facile est nominare, quippe sapiens rerum vniuersalium naturam & essentiam probè nouit: sed singularia seu indiuidua, hunc nimirum aut illum hominem, hanc aut illam mulierem, hanc aut illam urbem nomine nominare proprio, quod scilicet nominati moribus aut fortunæ conueniat, quodque illi euentura significet, hoc opus, hic labor est.

*Nam diuinare est nomen componere, quod sit  
Fortuna, morum vel necis indicium.*

Inquit Aufonius: & nisi diuinus interueniat afflatus, nullus mortalium hoc præstare posse sibi arroget. *Roma* augustius est nomen, nominatæque Urbis & fortunæ & prærogatiuis nimis congruum, quam ut ab alio quam à Deo ipso potuerit imponi.

RA-  
PHAËL.

Tob. 3.

Tob. 5.

Deus ipse curat ut Angelis, ut hominibus, quos vocat ad aliquod peculiare munus seu ministerium, muneri & ministerio conuenientia sint nomina. Angelus, cuius munus est infirmos, & alios malè habentes curare, ideo vocatus *Raphaël*, quod interpretatur *Medicina Dei*, nimirum à radice *rapha*, id est *mederi, curare, ac sanare*; & *El*, quod primum Dei nomen est apud Hebræos. Quia igitur *Raphaël* secundum nomen est medicina Dei, cum Tobias senex factus esset cæcus, & Sara Raguelis filia malè cruciaretur à Dæmone, qui iam illi septem occiderat maritos; Idcirco, ait Scriptura, *Missus est Angelus Domini, sanctus Raphaël, ut eos curaret ambos.* Mox ingressus domum Tobix, & quasi in ipso limine, pristinam breui restituere salutem illi pollicetur; *Forti animo esto, in proximo est, ut à Deo cures.* Tobiam, Tobix filium, Rages proficiscentem comitatur, ut in tam longinqua peregrinatione sit illi non solum ductor, sed &



medicus ac medicina; *Ego sanum ducam, & sanum tibi reducam filium tuum.* In itinere, tanquam eruditissimus ac intelligentissimus medicus, quamplurima & reconditissima Medicinæ arcana comitem docet; *Exentera piscem hunc, & cor eius, & fel,* Tob. 5.  
*& iccur repone tibi; sunt enim hæc necessaria ad medicamenta utiliter.* Et quia, ut iam diximus, Raphaël est medicina Dei, ideo scribunt Patres hunc Angelum curasse plagam, quam in circuncisione Christus accepit. Tob. 6.

Angelus, nuntiuseve Incarnationis Domini- GA—  
 nicæ; vocatus *Gabriel*, id est, *Vir Deus*; BRIEL.  
 non solum quod à creatione mundi delectus esset legatus, qui omnes omnino de Verbi Incarnatione in mundum legationes obiret; sed etiam ut proprio nomine rationem misteriumque suæ legationis præferret; ut Christi duplicem declararet naturam, diuinam scilicet & humanam, utque Legati missi & Regis mittentis, & Regis nascituri exprimeretur vocabulum, nimirum *Emmanuel*, quod interpretatur *Nobiscum Deus*. Vnde Proculus Episcopus in Homilia Constantino- poli habita coram Nestorio, ad ipsum Nestorium sermonem conuertens: *Reuerere*, inquit, *nomen Archangeli, qui nuntium illum latissimum apportauit Mariæ, qui Gabriel est appellatus, dictus Gabriel, id est, Homo-Deus, nomine ipso significans nuntium, quem apportat; quoniam is quem euangelizat, Chri-*



*stus Deus & Homo erat nasciturus.*

ABRA-  
HAM.

SARAH.

Serm. 51.

ISAAC.

ISRAEL.

Gen. 32.

Præcipit Dominus Abram, ne ultra vocetur *Abram*, id est, Pater excelsus, sed *Abraham*, id est Pater excelsæ multitudinis, quoniam multarum gentium patrem constituerat eum. Præcipit quoque, ne amplius uxorem vocet *Sarai*, id est Dominam meâ, seu Dominam domus meæ, ut exponit Hieronymus; sed *Sarah*, id est, absolutè Dominam, Abram in Abraham, & Sarai in Sarah commutans, utrique addito *He*, quæ est litera Verbi in sancto & ineffabili Tetragrammato, ut dilatandus genere nomine ante dilataretur, inquit Petrus Chrysologus; ut & ipsa ante cresceret nomine quam cresceret pignore: ut Christi, qui secundum carnem ex iis esset nasciturus, symbolum tesseramque propriis exhiberent vocabulis, ac in amborum nomine sicut in carne esset Domini pactum in fœdus æternum.

Vult ut vocetur *Isaac* filius, quem paritura est Sarah; Quoniam Isaac significat Risum, & ex eo risus filio, aut saltem ex eius semine oriundus esset Christus, Angelorum atque hominum risus, gaudium & exultatio.

Iacob cum esset in castris, à vespere usque mane cum Angelo luctatus, iubetur ab eo, ut nequâquam appelletur nomen eius *Iacob*, id est Supplantator, sed *Israël*, id est Præualens Deo; quoniam, subiungit diuinus Athleta, *Si contra Deum fortis fuisti, quanto magis contra homines præualebis?*

Tribus circiter sæculis antequam nascere-  
tur pius ille Rex, qui abominationes, quas  
fecerant Israël & Iudæ Reges, erat ablaturus,  
Ieroboam per Prophetam significat prom-  
misso Regi fore nomen *Iosias*, id est, Ignis  
Domini: *Altare, altare! Hæc dicit Domi-* 3. Reg.  
*nus: Ecce filius nascetur domui David, Iosias* 13.  
*nomine, & immolabit super te Sacerdotes ex-* 4. Reg.  
*celsorum, qui nunc in te thura succendunt, &* 23.  
*ossa hominum super te incendet:* quoniam  
quasi ignis Domini, è cœlo emissus, idolo-  
rum excelsa, fana, lucos, altaria ac Sacer-  
dotes combusturus esset.

\*Vult ut filius vocetur IESVS, id est He- IESVS.  
braicè SALVATOR, & Græcè *Medicus*, præ-  
cipitque per Angelum Gabrielem, & Ma-  
riæ & Iosepho, ut illum hoc & non alio  
appellent vocabulo, *vocabis nomen eius Ie-* Matt. 1.  
*sum*; quod secundum nomen, & iuxta Pro- Luc 1.  
phetarum vaticinia, esset Deus saluans & Isa. 45.  
sanans, veniretque in mundum & Saluator Isa. 63.  
& Medicus: Saluator, ut populum suum Zacch 9.  
saluaret à peccatis eorum: Medicus, ut Na- Matt. 4.  
turæ humanæ, iam à tot sæculis malè ha- Matt. 9.  
bentis omnes languores ac infirmitates cu-  
raret.

Vult ut Filij Præcursoris nomen sit *Ioan-* Luc. 1.  
*nes*, id est Gratiokus, seu qui habet gratiam, IOAN-  
& in quo residet ipsamet gratia, tanquam NES.  
in proprio domicilio; & non *Zacharias*,  
ut instabant vicini & cognati, licet Genito-  
ris esset vocabulum. Illud Domini decre-

tum voce significauit Mater, vt audirent præsentēs; *Nequaquam, sed vocabitur Ioannes*: Scripto euulgauit Pater, vt legerent absentes; & *postulans pugillarem, scripsit dicens, Ioannes est nomen eius*. Ioannis nomen, gratiæ vocabulum proculdubio debebatur filio, qui gratiæ tantum erat filius, qui ab vtero completus gratia, quique præ cæteris cunctis hominibus apud Dominum tantam inuenerat gratiam, vt Christi Domini, omnium gratiarum fontis & originis, præcursoris primique legati munere fungi meritus sit. Vnde ipse Ioannes de seipso dicit apud Isaïam; *Dominus ab vtero vocauit me, & de ventre matris meæ recordatus est nominis mei*. Verè Ioannes gratiæ filius, non carnis, ac mera Dei gratia, non partu effectum est, vt ex hominibus nasceretur Angelus Domini; vt pareret in senectute, quæ in iuuentute fuerat sterilis, aperireturque os & lingua eius, qui iam à nouem mensibus permanerat mutus.

MA-  
RIA. Vult vt Filij Genitrix MARIE nomen obtineat: & licet de hac impositione Scriptura nullam faciat mentionem, arbitrantur tamen Baronius & Ribadeneyra, eundem nuntium, qui Mariæ & Iosepho IESV nomen, qui Zachariæ & Elizabethæ *Ioannis* vocabulum reuelauit, Ioachimo & Annæ etiam præcipisse, vt nominarent *Mariam* Virginem, quæ tanti Filij Mater esset electa. Rabbi Haccados, ante Christum Hebræorū

Doctor



celeberrimus ac sanctissimus, Messiae genitricem nuncupandam *Mariam* conceptis verbis asserit: idque probat ex principio septimi versus Capitis noni Prophetiarum Isaiae, quod Hebraicè sic habet, *Lemarbeh hamisrai*, id est, secundum vulgarem versionem; *Multiplicabitur eius imperium*: cuius textus si Metathesi leguntur elementa, reddunt *Miriam Sara*, id est, *Maria Domina*, positis scilicet duobus *He*, qui sunt in *Lemarbeh hamisrai*, pro *Iod*, quod est in *Miriam*: Valet enim *He* quinque, & bis quinque faciunt decem, numerum per *Iod* significatum: ut nimirum indicaretur Mariam, Matrem Messiae, fore Dominam Vniuersi, simulque cum principatu Messiae eius principatum multiplicandum. Addit praeterea Mariam permanсурam Virginem, Iustitiae doctorem parituram, iuxta Ioëlis vaticinium, & tanti Doctoris signum fore *Tau*: eaque tria mysteria significari per tres literas quae supersunt, nimirum *Beth*, *Lamed*, & *Tau*. Prima enim vtuntur Hebraei, vt significant *Bethul*, id est, *Virgo*, quod *Beib* huius nominis inceptiuum sit elementum. Per alteram intelligunt *Doctorem*, quoniam eorum lingua *Lamed*, significat doctrinam. Vltima vero Christi ipsius expressum est signum, quo signantur qui ab eo sunt electi, vt habetur Ezechielis nono; *Signa Tau super frontes virorum gementium, &c.* Hanc Haccadi coniecturam confirmat, quod de Argonautis scribit Cedrenus. Ar,



gonautæ, inquit, tempore quo Iudices Populo Israëlitico præfuerunt, cum Iasone, Theſſalo, Poluce, Hyla, Telamone ac reliquis in Colchidem nauigauerunt, quicum per fauces in Ponticum mare transire vellent, Cyzicum, Hellesponti Dominum, nauali prælio ipsos prohibere conantem interfecerunt, ac Cyzicum, urbem Hellesponti primariam, ceperunt. Mox cognito Cyzicum sibi genere propinquum fuisse, veniâ postulatâ, templum condidere, atque ad oraculum, quod est ante Pithias thermas profecti, Phæbum Apollinem rogauerunt, vt sibi ediceret, cui ea ædes consecranda esset, responsum iis est in hanc sententiam:

*Aſidua ſublime decus virtute parate,  
Atque vnum, ſic mando, Deum, qui cuncta  
gubernat,  
Cœleſti reſidens ſolio, colite atque timeſte.  
Illius æternum natum antequæ ſacula Verbum,  
Nescia Virgo Viri quondam pariu tenera edet,  
Qui velut igniferis impulſa ſagitta procellis,  
Edomitum reddet Patri pro munere mundum.  
Huius, quam Maria nomen manet, alma  
genitrix  
Agnosceſt templum proprium, ſibi ritè dicatum.*

Licet autem Haccadi autoritas, licet Cedreni testimonium, licet Baronij sensus, licet Ribadeneyræ iudicium non consideretur, credibile tamen est, imo credendum, MARIE VO-

cabulum nomen esse ex Dei ipsius impositione. Hoc fatetur, hoc agnoscit doctissimus Idiota libro suarum Contemplationum de Virgine, capite quinto, ubi cum Virgine loquens, sic ait: *Dedit tibi, Maria, tota Trinitas nomen, quod post nomen Filij tui est super omne nomen, ut in nomine tuo omne genuflectatur, cœlestium, terrestrium, & infernorum. Hoc nomen super omnia Sanctorum nomina reficit lapsos, sanat languidos, illuminat cæcos, penetrat duos, ungit agonistas, jugum diaboli extrudit. Tanta virtutis & excellentia est, ut ad eius invocationem cœlam rideat, terra lateatur, Angeli congaudeant, demones contremiscant, & infernus conturbetur.* Et rectè quidem Idiota. Si enim Deus voluit nominare, non dico Filium, sed eius Præcursores, quænam ratio potest afferri aut excogitari, cur Præcursores Filij nominato, Matrem hominibus nominandam voluisset relinquere? Dignior nempe Mater Nuntio aut Præcursores; essetque summi providentis providentiæ quid iniuriosum dicere, Deum de ventre Matris recordatum nominis Præcursoris, & oblitum esse nomen Genitricis. Ad hæc: *Maria* augustius est nomen, nominatōque convenientius, quam ut ab alio quam à Deo potuerit primo pronuntiari. Siquidem *Maria* significat Dominam, Magistram, Exaltatam, Illuminatricem, Stellam maris, Mare amarum seu Amaritudinis Mare; imò mare ipsum, (*Mare*

enim in plurali facit *Maria*, quod est Mariæ nomen) & secundum quosdam Spiraculum: quæ omnes voces seu epitheta sunt signa prerogatiuarum, quibus Christi genitrix decoranda fuit; symbolâque similitudinis, quæ inter tantum Filium & tantam Matrem inuenta est.

I. Filius Dominus qui dominantium supremus est Dominator, haud dubiè Matrem postulabat Dominam. Quia igitur Christus Dominus, & Dominus noster, ideo & Maria est Domina, & Domina nostra. Ab Ecclesia hoc salutatur nomine: Ita ab Athanasio, à Basilio, à Iacobo & Chrysostomo in suis Liturgiis, *Δεσποινὴ ἡμῶν*: Ita à Gallis, *Nostre Dame*: Ita ab Hispanis, *Nuestra Señora*: Ita ab Italis, *la Madonna*: Nec solum hominum, imò & Angelorum Domina Cœlique Regina. Reginam Ester, cum adiit Regem Assuerum, duæ comitabantur ancillæ, quarum vna Dominam sequebatur, defluentia vestimenta colligens; alteri ipsa Ester præ deliciis innitebatur: isque duplex comitatus, secundum Bonauenturam, duplicis Mariæ Dominationis, in naturam scilicet Humanam & Naturam Angelicam, perfectus fuit typus: *Dua*, inquit, *ancilla, quarum Domina est Regina Maria, sunt Angelica & Humana creatura. Humana est famula illa, quæ sequitur Dominam suam, in mundo colligens vestimenta domine, hoc est virtutes & exempla Maria: Angelica vero est illa altera, su-*

D. Bonauent.  
in  
speculo  
Virg.



*per quam in Calo inniuitur.* Et rectè quidem Bonauentura; quidni enim super Angelicam naturam innitatur ea, quæ super ipsum dilectum innixa graditur? *Quæ est ista quæ* Cant. 3.  
*ascendit de deserto, deliciis affluens, & innixa super dilectum suum?*

II. Filius Magister, & qui ut homines doceret Magister veniebat in mundum, Matre Magistra opus habebat. Christus Magister, Maria Magistra. Ideo Ignatius Mariam vocat Magistram nostræ religionis: Ideo Rupertus Magistrorum Magistram illam appellat, ac meritò: Nam, ut dicit Hieronymus, Maria Apostolos & Euangelistas, qui tot erant magistri, de multis mysteriis, quæ illos latebant, informauit.

III. Filius exaltatus Matrem poscebat exaltatam. Christus exaltatus à Patre, quia seipsum exinaniuit, formam setui accipiens; quia humiliavit semetipsum, factus obediens usque ad mortem. Maria exaltata, quia se humiliavit sicut & Christus, ancillæ nomen sibi atrogans, *Ecce ancilla Domini*; eo scilicet tempore, quo nomine Domini illam salutauit cœlestis punitus, unde de seipsa postea cecinit in Cantico, *quia respexit humilitatem ancilla sue, ecce enim ex hoc beatam me dicent omnes generationes.* Phil. 2.  
 In humiliatione autem in venit exaltationem: Eo enim momento, quo se Domini ancillam professa est, *Ecce ancilla Domini*, statim facta est Domina, locutæque cum Angelo tanquam Domina; *Fiat* Luc. 1.



*mihi secundum verbum tuum* : hoc imperaturo sermone significans eam esse veram dominam, meritóque ac iure dominæ titulum sibi vindicare, quæ est ancilla Domini, cum hoc seruitutis genus quoduis sublimius superet imperium.

IV. Filius, lux hominum, lux vera quæ illuminat omnem hominem venientem in hunc mundum, imò ipsius mundi lux, lucis quoque Matrem habere debuit; Matrem illuminatricem, quæ sicut Filius miraculis, ita & toti mundo illuceret meritis & exemplis; vt dicit Diuus Bernardus, qui idcirco Mariam appellat Euangelistarum illuminatricem.

Apoc. 22.

Malach.

4.

V. Christus, luminare maius, quod præ est diei, id est iustis: Christus Stella, stella splendida & matutina; imò Sol Iustitiæ, qui hominibus nomen Domini timentibus ortus est. Maria quoque luminare, sed luminare minus, quod præ est nocti, id est peccatoribus, quorum ipsa est aduocata. Maria Stella, Stella orta de Iacob, Aurora consurgens, pulchra vt Luna, electa vt Sol, fons vnde ortus est Sol Iustitiæ Christus Deus noster: Fenestra Cæli, vt dicit Fulgentius, sermone de Laudibus Mariæ, per quam Deus verum fudit sæculis lumen, per quam vniuersa è Cælo lux vniuersis communicatur mortalibus. Maria Stella maris, vt canit Ecclesia, ad cuius lumen proram dirigunt fideles; qui per procellosa huius vitæ Maria nauigant, vbi tot prædantur pyrata, vbi tot occurrunt Syr-

Num. 24.

Cant. 6.

res, vbi tot inueniuntur Carybdes & Syllæ, in quas singulis horis impingerent nauigantes, naufragiūque facerent, nisi Maria Stella eos antecederet, nisi Maria seipsam gereret nauclerum, nisi aduersus prædones exhiberet se protectricem, nisi navis ipsa teneret gubernaculum, ac in salutis portum cum curaret dirigere. Vnde dicit Diuus Bernardus: *Nomen Virginis Maria, quod interpretatum Maris Stella dicitur: Ipsa est præclara & eximia Stella, super hoc mare magnum & spatiosum subleuata, micans meritis, illustrans exemplis. O quisquis te intelligis in huius seculi profluvio magis inter procellas & tempestates fluctuare quam per terram ambulare, ne auertas oculos à fulgore huius sideris, si non vis obrui procellis: respice Stellam, voca Mariam.*

Bern:  
Hom. 2.  
de B.  
Virgine.

VI. Iesus Medicus in mundum magnus venit Medicus, vt sanaret mundum qui iacebat ægrotus. Maria Myrrha electa, Cinnamonum aromatizans, odoris dedit suauitatem, & ex ea Filius, supremus Medicus, per Incarnationem in eius vtero sibi confecit pretiosum illud balsamum, quo nostra curauit vulnera; sacram illam theriacam, sacrum illud antidoton, sanctum illud alexipharmacum, quo à mortifero Draconis toxico nos feliciter conseruauit. Ideò de illa dicit Sponsus; *Vadam ad montem Myrrhæ & ad Collem iheris: Odor vnguentorum super omnia aromata: Messui Myrrham meam cum aromati-*

Ecccl. 24.

Cant. 4.

Cant. 5.

Cant. 5. *bus meis. Ideo de seipsa ipsamet dicit Spon-  
so; Manus mea stillauerunt myrrham, & di-  
giti mei pleni sunt myrrha probatissima.*

VII. Christus est mare immensum, mare  
Angelis iucundum, iustisque semper placi-  
dum; mare illud vitreum, super quod Apo-  
stolus vidit stantes eos qui vicerant bestiam,  
& imaginem eius, & numerum nominis eius,  
habentes cytharas, & cantantes Canticum  
Moyfis serui Dei, & Canticum Agni. Sed  
dæmonibus ac peccatoribus amarum est ma-  
re, omninoque procellosum. Sicut enim in  
mari rubro Pharaon cum equitibus, ita & in  
Christi mari Dæmon cum peccatis submer-  
gitur: in Baptismo scilicet, quem ideo Pau-  
lus comparat mari rubro, vnde submersis  
Egyptiis incolumes euaserunt Hebræi; *Patres  
nostrum omnes sub nube fuerunt, & omnes mare  
transierunt, & omnes in Moyse baptisati sunt  
in nube & mari: quam similitudinem etiam  
vsurpauit Origenes, cum dixit; Tu bap-  
tizaris in Christo, in aqua & Spiritu sancto,  
scias insectari post te Ægyptios, id est spiri-  
tuales nequitias, sed in descendis in aquam.  
& euadis incolumis; Ægyptij vero sequentes  
demerguntur in abyssum. Maria sicut &  
Christus etiam mare est, mare totius gra-  
tiæ, in quod fluunt omnia gratiarum flumi-  
na, in quo virtutum conuentus reuerendum  
sibi consecrauit thalamum. Sicut enim præ-  
cepit Deus, vt congregarentur aquæ in lo-  
cum vnum, congregationesque aquarum ap-*

1. Cor.  
10.

Orig.  
Hom. 5.  
in Exod.

Petrus  
Dam. ser.  
in Assu.  
Virg.



pellauit Maria; ita & voluit, vt omnes gratiæ in Virgine congregarentur, & gratiarum omnium congregationes Maria dicerentur:

Ad quod probandum affert Diuus Bonauen-

Eccl. 17.

tura istud Ecclesiastici; *Omnia flumina intrant*

Bonau.

*in mare: Omnia, inquit, flumina, id est omnes*

in spec.

*gratia, intrant in Mariam, flumen gratia*

Virg.

*Angelorum, flumen gratia Patriarcharum,*

*flumen gratia Apostolorum, flumen gratia*

*Martyrum, flumen gratia Confessorum, &c.*

Sicut autem Mare rubrum Pharaoni fuit ama-

rum, quod in eo perierit cum exercitu, ita

& Maria Draconi, illi scilicet magno ser-

Apoc. 12.

penti, qui dicitur Diabolus & Satan, verè

fuit amatum mare, per eam enim oppressus

est eum suis Angelis, illique caput contritum,

vt Deus ipse post creationem ipsimet prædi-

Gen. 3.

xerat Draconi, *ipsa conerer caput tuum.*

VIII. Doloris filius, cuius dolori nun-

Ierem. 8.

quam fuit par dolor: amaritudinis filius,

Thren. 2.

cui in Cruce vinum cum felle mixtum bi-

Mat. 27.

bendum propinauerunt, cui dederunt inef-

Psal. 68.

cam fel, & quem in siti sua potauerunt ace-

to, doloris quoque & amaritudinis obtinuit

Matrem, cuius animam doloris gladius per-

transiuit, iuxta Simeonis vaticinium; & ita

pertransiuit, vt Hieronymus & Anselmus as-

seuerent Mariam dolorum magnitudine om-

nes omnino Martyres superasse: Vnde no-

mine illius exclamat Propheta; *Dolor meus* Iere 8.

*super dolorem, in me cor meum moriens.*

IX. Christus spiraculum, spiraculum vitæ



per quod spiramus, & in quo, secundum Apostolum, viuimus, mouemur & sumus.

Thre. 4. Ideò Propheta vocat Christum *Spiritum oris nostri*, & rectè: Sicut enim non potest aliquis viuere, si illi halitus omnis & respiratio impediatur; ita ablato nobis Christi auxilio spiritualiter non possumus viuere, quoniam ipsemet est spiritus oris nostri, & halitus ipse quo respiramus & viuimus. Maria spiraculum, spiraculum hominis, spiraculum peccatoris, per quod, vt dicit Idiota, in spe veniæ & gratiæ respirat peccator. Sublato enim Virginis patrocinio, perinde atque anhelitu intercluso, peccator diutius non potest viuere.

Lib.  
Cont. de  
Virg.  
cap. 5.

PE-  
TRVS.  
Ioan. 1.

Christus ipse Principis Apostolorum nomen, quod erat *Simon*, in *Cephnam*, id est, *Petrum*, commutari voluit; *Tu es Simon, filius Iona, tu vocaberis Cephaz*, quod interpretatur *Petrus*: huiusque mutationis Simoni ipsi dat rationem; *Ego dico tibi quia tu es Petrus, & super hanc Petram edificabo Ecclesiam meam. Cephaz*, iuxta Hieronymum & Optatum, Syriacè significat *Petram*, Græcè *Caput*. Christus est Caput Ecclesiæ: *Petra* vnum est ex celeberrimis ipsius Christi nominibus, quo nihil frequentius in Scripturis, quodque illi etiam tribuitur à Sibylla, quæ illum vocat *καλὸν λίθον*, id est, lapidem pulchrum & bonum, seu felicem, vt vertit Castalio:

Mat. 16.

*Tunc erit indicium subito mortalibus agris,  
Cum lapis Ægypti felix seruius ab oris  
Venerit.*

Sibyll.  
Orac.  
lib. 1.

Quia igitur Christus est Caput Ecclesiæ, illiusque Petra angularis & fundamentum, ideo suam dignitatem suumque ipsius nomen communicauit Simoni; ideò Petrum id quod ipse erat voluit nominari, vt assumptas in consortium vnitatis indiuiduæ suo loco esset Petra, fundamentum & Caput Ecclesiæ vniuersæ. Rectè dicit Ambrosius, *Quia Petra Christus, Simon nuncupatus est Petrus, vt qui cum Domino fidei societatem habebat, cū Domino haberet Dominici nominis unitatē* Nolu-  
uit illum amplius vocari Simonem, quoniā *Simon* significat *Obediens*; Obediens autem nomen erat indecens Apostolo, qui Apostolorum Princeps, qui discipulorum Coryphæus, qui fidelium cætus vertex, qui ouium Domini supremus Pastor, qui Ecclesiæ Caput, qui Christi Domini Summus Vicarius erat electus; ideòque nulli obedientiam præstaturus, nisi ipsi Christo, cuius erat Vicarius, nec ab alio iudicandus quam à Domino, qui cum constituerat summum dispensatorem super familiam suam.

D. Leo.

Hom. 48.

Luc. 22.

Primus Martyr vocatus *Stephanus*, id est, *Corona*, qui vt primus meruit pro Christi nomine subire conflictum, ita & omnium Christi militum martyrij coronam primus meruit consequi. Quid plura? Hoc habent merita

STEPHANVS.

In Luc. cap. 1. Sanctorum, ait Ambrosius, ut à Deo nomen accipiant.

Nec solum Deo curæ est ut sancti & electi sanctitati & electioni congruentia habeant nomina, sed & loci ipsi, quos vult sanctificari, & quos elegit in Sanctuaria. Ideo Ciuitas, quæ prius *Luzā*, vocata *Bethel*, id est Domus Dei, quod illic Iacob in somnis viderit scalam, cui innitebatur Dominus, & per quam ascendebant Angeli: quoniam in eo loco altare crexit Domino, lapidemque illi consecrauit in Domum; quasi Ecclesiæ Christi, quæ est vera Domus Dei, typum ex tunc voluisset adumbrare.

Ideo Ciuitas, in qua conceptus & incarnatus est vnicus Dei Filius, vocata *Nazareth*, id est Sanctificata & Separata, si scribatur per *Zain*; Florens, Coronata & Custodita, si per *Thsade*. *Sanctificata Nazareth*, quoniam in terra sanctificata partem suam possessurus erat Dominus: quoniam in Ciuitate sanctificata, in sanctificato scilicet sanctificatæ Virginis vtero, tabernaculum sanctificauit Altissimus, & Sapientia Æterna in Ciuitate sanctificata similiter requieuit: quoniam Nazareus Nazareorum, quoniam sanctificatus sanctificatorum, quoniam Sanctus Sanctorum illic seipsum sanctificauit, ut nos essemus sanctificati. Et quia Nazareth in Incarnationis sanctuarium, sui que ipsius præcipuum in terris domicilium sibi selegerat Dominus, æquū & iustum fuit, ut sanctificata esset illa domus,



quæ tam sanctum excepit Dominum : Scriptum est enim , *Domum tuam decet sanctitudo Domine* ; dedecissetque eum , qui est ipsa sanctitas , & in cuius manu sunt omnes sancti , habitare in domo quæ non fuisset sanctissima.

Psal. 92.

Deut. 33.

*Separata* Nazareth , Mariæ scilicet & Iosephi sanctificata illa domus , in qua Incarnatus est Christus sanctissimus : separata à propriis fundamentis , separata ab Angelis , qui ne ab Infidelibus pollueretur tam Sanctum Sanctuarium , ex oppido Nazareth in agrum Picenum , fidelium solum , iussu Domini transtulere.

*Florida* Nazareth , quippe in ea floruit Virga Aaron , illic egressa est Virga de radice Iesse , & flos de radice eius ascendit , super quem requieuit Spiritus Domini : Quippe fuit lectulus floridus , in quem Sponsa , ut secum requiesceret , iuuitavit Sponsum. Et quia Florida Nazareth , ideo & *Coronata* . Coronata fragrantissimis floribus , ac tam floridè coronata , ut de illa possit dici istud Sapientia , *In perpetuum Coronata triumphat* : Eius enim Corona est Christus ipse , flos qui de Virgæ Iesse ascendit radice. Et quia triumphat , & est veluti arcus triumphalis , quâ toties ingressi & egressi sunt Christus Victor & Maria Victrix , ideo *Laurei* assignata est illi sedes , ut scilicet lauris abundet omni tempore , quibus ipsamet appareat redimita , quibusque tanti Victores laureas

Isai. 11.

Cant. 1.

Sap. 4.



commodiùs sibi possint contexere.

*Custodita* Nazareth, sacra videlicet illa domus, in qua Maria, sanctissima Virgo de Spiritu sancto concepit Saluatorem: Custodita ab Angelo Gabriele, illius perpetuo custode electo: Custodita à Domino ipso, quem zelus tam sanctæ domus comedit omni tempore: Custodita tam sollicitè, vt ex ea ne minimum lapillum ab vilo, licet deuoto, vnquã siverit auferri; vt misere perierint omnes impij, qui in illius sacratissimi adyti damnum aliquid ausi sunt moliri.

BETH-  
LEHEM

Idèò Ciuitas, in qua natus est Iesus, vocata *Bethlehem*, id est Domus Panis, quod in terra illa Vrbs, post Virginis genitricis vterum, fuit prima Domus Christi Domini, qui est Panis Angelorum, Panis cœlestis, panis super substantialis, panis vitæ qui de cœlo descendit, sicut de seipso ipsemet postea dixit; *Ego sum panis vitæ; qui venit ad me non esuriat: Ego sum panis viuus, qui de Cœlo descendi; vtque cantat ad Ecclesia; Ecce panis Angelorum, ecce cibus viatorum, &c.* Quoniam vero, vt scribit Goropius in sua Hermathena, *Bethlehem* ferè idem est ac *Bethlamb*, quod Cimbrorum ac Germanorum linguâ significat, lectum Agni, idèò natalis illa Christi Ciuitas *Bethlehem* & *Bethlamb* obtinuit nomina, quia vt prima fuit domus Christi Panis, ita & fuit etiam primus lectus Christi Agni: primæ cunæ, in quas fuit repositus Agnus Dei, qui tollit peccata mundi:

Ioan. 1.

primum cubile, in quo iacuit Agnus, terræ Isai. 16.  
 Dominator: primus thorus, in quo requie-  
 uit Agnus, qui quoniam esset Dominus do- Apoc. 17.  
 minantium, & Rex regum, omnes mundi  
 deuicit potestates.

Ideò Ciuitas, in qua mortuus & sepultus IERV-  
SALEM.  
 Saluator, vocata prius *lebus*, id est Concul-  
 catio; postea *Salem*, id est Pax; postremò  
*Ierusalem*, id est Visio Pacis; quia, vt dicit  
 Hieronymus, Paulę & Eustochij nomine ad  
 Marcellam scribens, paulatim peruenimus  
 ad finem, & post conculcationem ad pacis  
 visionem erigimur, sicut obtigit huic vrbi,  
 quæ ex quo *Salomon*, id est pacificus, in ea  
 natus est, factus est in pace locus eius: quia Psal. 75.  
 inibi, præsertim prædicationis & signorum  
 tempore, sæpius quam alibi visus est Chri-  
 stus, Deus Pacis, in cuius virtute facta est Psal. 121.  
Matt. 9.  
 pax inter Deum & Homines; Princeps pacis,  
 qui ante omnia hoc à suis exigit obsequium,  
 vt pacem habeant inter se; Pater pacis, cu- Mat. 5.  
 ius Patris qui volunt vocari Filij, & Filij  
 beati, debent esse pacifici: quia illic passus  
 est, qui est pax nostra, & reconciliatio no- Eccl. 44.  
Mich. 5.  
Luc. 1.  
Rom. 5.  
1. Cor. 5.  
 stra in tempore iracundiæ; qui est pax ipsa,  
 pax hominibus bonæ voluntatis; Pax omnium  
 qui crediderunt in eum, per cuius mortem  
 Deo sumus reconciliati, & Deus nobis re-  
 conciliatus est. Sed quia Ierusalem Iesum,  
 Legatum paciferum, Patris Æterni Plenipo-  
 tentiarium, supremumque inter Deum &  
 Homines Pacis mediatorem, audire noluit,

nec pacis subire conditiones, idè pax recessit ab ea, nec fuit amplius in pace locus eius, sed in bello; bello tam cruento, vt in vltimo, quod contra Romanos sustinere voluit, perierint suorum duodecies centena millia. Ex *Salem* & *Ierusalem* facta est iterum *Iebus*: Ex pace & pacis visione facta est misera, luctuosa ac deploranda conculcatio. Quia superba & contumax causa est conculcare principem pacis, qui illi benignus pacem attulerat, obtulerat & prædicauerat; quique singulis diebus in plateis, in ædibus, in templo pacem ipsam exhibuerat conspiciendam, idè conculcauit eam Dominus; conculcauit eam Vespasianus; conculcauit eam Titus, Christi Iesu mortis vltor præcipuus, furorisque Domini maximus minister; eius muros adæquauit solo, eius ædes redegit in cineres, eius ciues inte necione deleuit; & miseri, qui tantæ calamitati superfuere, in seruitutem morte ipsa duriores adacti sunt.

GOLGO-  
THA.

Ideo appellatus *Golgotha*, id est Caluaria, mons ille vbi Dominus Iesus Christus fuit Crucifixus; quoniam, vt dicit Hieronymus, nomine Paulæ & Eustochij Marcellam adhortans, vt relictâ Româ ad sancta loca se conferat, ibi esset antiqui hominis Caluaria; vt secundi Adam, id est Christi, sanguis de Cruce stillans, primi Adam & iacentis protoplasti peccata dilueret, & tunc sermo ille Apostoli compleretur; *Excitare qui*

Eph. 5.

dor-



*dormis, & exurge à mortuis, & illumina-*  
*bit te Christus: Utque, addit Blasius Vie-*  
*gas, ipsa sanguinis Christi cum Adami capi-*  
*te coniunctio totius generis humani, quod*  
*ab Adamo tanquam capite descendit, ablu-*  
*tionem & pro peccato satisfactionem decla-*  
*raret, quæ passione Christi continebatur. Un-*  
*de optimè dicit Tertullianus:*

Vie. in  
 Apo.  
 cap. 12.  
 sect. 25.

Lib. 2.  
 Carm.  
 cont.  
 Matc.

*Hic hominem primum suscepimus esse se-*  
*pulchrum.*

*Hic patitur Christus, præ sanguine terra ma-*  
*descit,*

*Pulvis Adæ ut possit veteris cum sanguine*  
*Christi*

*Commixtus stillantis aquæ virtute lanari.*

Ideo Vrbs, quæ Caput Mundi, quæ Orbis  
 Christiani Metropolis, quæ Ecclesiæ Catho-  
 licæ constituta est Sedes, vocata *Roma*, id est **ROMA:**  
 Hebraicè *Excelsa*, & Græcè *Fortis*, seu *For-*  
*titudo*; meritòque tanto donata est nomine:  
 Excelsis quippe viribus opus fuit Ciuitati il-  
 li:

*Quæ tantum alias inter caput extulit Vrbes,*  
*Quantum lenta solent inter Vibarna Cupressi:*

Quæ virtutis excelsitate totum orbem suo  
 subiecit imperio; quæ fortitudinis sublimi-  
 tate Dei Altissimi ac Fortissimi facta est Ec-  
 clesia & Sponsa; & cui denique, tanquam



fortissimæ, in terris aduersus inferorum potestates fortiter ac indefinenter militandum erit, donec cum Christo Sponso in æternum triumphet in Cœlis.

Licet ex Dei afflatu non essent nominatæ Vrbes, vbi conceptus, vbi natus, vbi passus est vnicus eius filius, verisimile tamen est simili honore Romam præcipuè voluisse afficere. Ecclesia enim est Sponsa Christi, & Roma ipsamet Ecclesia est. Quæ autem ratio, cur Dominus nominato Præcurso, cur nominato Oeconomo, filij Sponsam ex solo hominum arbitrio nominari sinisset? Quò Nuntio & Vicario charior est Sponsa, eò maiorem idcirco de nominanda Sponsa curam habuisse, licet non ex fide, ex pietate tamen & reuerentia hoc possumus ac debemus credere. Hoc igitur posito, nimirum quod *Roma* sit nomen diuinitus institutum, de Romanæ Urbis gloria, de Romanæ Ecclesiæ Romanique Pontificis prærogatiuis tractaturi, nemini videatur mirum, si Romæ ipsius nomine eas suscepimus comprobandas. Si enim, vt dicit Cyprianus libro de Sina & Sion, nominum interpretationes nominatorum designant veritatem, quanto magis id notitiæ præstabunt, quæ à Deo afflata, quæ Dei ipsius ore aut iussu rebus fuerint imposita? Poëtæ, cum aliquod magnum aggrediuntur opus, Musam inuocare solent, sicuti Virgilius in ipso *Æneidos* exordio,

*Musa mihi causas memora, quo numine laeso,  
Quidve dolens Regina Deum, tot vulnere  
casus*

*Insignem pietate Virum, tot adire labores  
Impuleris.*

Ego autem de Roma, eiusque gloria & prærogatiuis scripturus, ipsam inuocabo Romam, supplex illam compellabo, dicamque illi cum Diuo Hieronymo: *Vrbs potens, Vrbs Orbis Domina, Vrbs Apostoli voce laudata, interpretare vocabulum tuum.* Vrbs Excelsa, Vrbs Fortissima, Vrbs Dominatrix Orbis, Vrbs omnium ferè hominum voce laudata; Roma Ecclesia Dei, Roma Sponsa Christi, Roma Cathedra Petri, Roma Vicaria Cœli, expone mihi, quæso, nomen tuum, explana mihi tuum vocabulum, illustra mihi tuam appellationem, aperiri mihi illius arcana, & reconditissima quæque sub tam exigua vocola ac tam parua literarum caterua latent, mihi retere, quò de te quid te dignum posteritati relinquam, omnesque tuos aduersarios tui proprii nominis iaculis, tui proprii vocabuli telis ac sagittis confodere valeam.

Lib. 2.  
ad vers.  
Iouinia-  
num.

# ROMA NOMEN

*sublimitatis.*

## CAPVT III.

**R**OMA apud Hebræos excelsitatis, altitudinis sublimitatisque nomen est: Eorum enim linguâ *Roma* significat Excelsam, Altam & Sublimem, quæ sunt tria synonyma: Ita exponit Diuus Hieronymus libro secundo aduersus Iovinianum: ita explanant sanctissimæ omnes linguæ huius Interpretes, videlicet à radice *Rum*, id est, Attollere seu Exaltare. In prima enim coniugatione Hebræi dicunt *Ram*, altus fuit, eleuatus est: In secunda *Romem*, eleuauit, exaltauit, erexit: In voce passiuæ *Romam*, eleuatus est, exaltatus est: ita Fungerus in suo Etymologico. Et fortassis Latinæ linguæ Scriptores eiusmodi rationem habuere, cum similia Romæ tribuerunt epitheta, sicuti Virgilius *Æneid.* I.

*Multa quoque & bello passus, dum conderes  
Vrbem,*

*Inferretque Deos Latio: Genus unde Latinum,  
Albanique Patres, atque Alta mania Roma:*



Ab infantia, ab iucunabulis vsque Alta fuit Roma, fuit Excelsa, fuit Sublimis; imò Altissima, infinitè Excelsa, ac perfectè Sublimis, quia exstructa super montibus septem: qui numerus, vt docent Numerorum Speculatores, est numerus infinitatis, numerus summæ perfectionis, numerus excelssimæ excelssitatis. Hæc ipsa fuit ipsorum Augurum sententia: Ex septenis quippe montibus, in quibus primò ædificata fuit Roma, futuram eius prædixerunt excelssitatem. Inde postea Romanis dies Festus, quem ideo *Septimontium* dixere, quod in honorem istorum septem montium esset institutus. De hoc Festo mentionem facit Plutarchus in Quæstionibus Romanis, quæst. 69. qua in quæstione dicit Septimontium Festum institutum fuisse propter collem septimum Romæ adiectum, eoque die abstinuisse veteres ab usu vehiculorum, quæ trahebantur iumentis. Ideo Scaliger septem illos montes cœlestia vocat pignora.

*Vos septem gemini, cœlestia pignora montes:*

Excelsa pignora per quæ iurauerat Excelsus Romam se aliquando exaltaturum super omnes totius Orbis Vrbes, & cum ea excelsum initurum fœdus. Sicut enim Septenarius excelssitatis, ita & fœderis nomen est. Idcirco Abraham, re & nomine Pater Excelsus, fœdere cum Abime-



lech percusso, dedit illi septem agnas, ut coram Altissimo fœderis cum eo percussi in perpetuum sibi essent testimonium. Idcirco qui est Excelsus super omnes excelsos Ecclesiæ septem Sacramenta reliquit, quæ sponsaliorum cum ea initorum fidelibus æternum forent monimentum. Excelsa Roma, multiplicique excelitate excelsa: Excelsa nomine, Excelsa situ, Excelsa virtute, Excelsa imperio, Excelsa sanctitate, Excelsa dignitate.

I. Excelsa Roma nomine, quoniam *Excelsa* proprium est eius vocabulum, nullusque terræ inueniatur angulus, ubi excelsum Excelsæ vrbis nomen sicut & ipse Sol non fuerit & non sit cognitum.

II. Excelsa Roma situ, quia super montibus ædificata: quia quouis tempore ædificiorum excelitate excelssimas omnes superauit Vrbes; & ita superauit, ait Plinius, ut si quis situs excelstitati tectorum excelstatem addat, tantam inde concipiat æstimationem, ut in toto Orbe nullius Vrbis altitudinem & magnitudinem Romæ altitudini magnitudinique potuisse comparari fateatur. Atque inter tot tamque excelsa excelsæ Ciuitatis ædificia adeo excelsum præcipuè visum est Capitolium, ut Cassiodorus affirmare non dubitaret, eos Capitolia celsa conscendere, qui excelssimorum virorum excelssima superare videantur ingenia. Claudianus ædium Romanarum tantam admirans altitudinem, Romæ nihil in terris altius æther posse capere confitetur.

*Quâ nihil in terris altius æther,  
Cuius nec spatium visus, nec corda decorem,  
Nec laudem vox ulla capit.*

Et quid mirum, si Sidonius mundi verticem  
vocat Urbem, cuius excelsa templa, secun-  
dum Rutilium, excelsitate Cœli excelsita-  
tem fere adæquarunt.

*Exaudi Genitrix hominum, genitrixque  
Deorum!*

*Non procul à Cælo per tua templa sumus.*

III. Excelsa Roma virtute, excelsa forti-  
tudine, excelsa robore quippe Virtutis, Forti-  
tudinis Roborisque ipso decoratur nomine,  
quod est Πόλις, virtutis excelsitate adeo excel-  
luit, fortitudinis altitudine adeo valuit, ro-  
boris sublimitate adeo potuit Excelsa, Alta  
Sublimisque Roma, vt tot sæculorum spa-  
tio, quot montes intra muros continet, ex-  
celsissimas, altissimas, sublimissimasque omnes  
vrbes sibi subiecerit.

*Verum hac tantum alias inter caput extulit* Virg.  
*Urbes,* Eclog. 1.

*Quantum lenta solent inter Viburna Cupressi.*

Ideoque Κατ' ἑξοχήν, *Urbs* vocata, quasi reli-  
quæ terrarum Urbes, Romanæ excelsitatis &  
amplitudinis habita ratione, Urbium nomen  
C iij

non mererentur amplius : quasi illa excelsissima atque amplissima Vrbs , cuius idem ac Orbis spatium , Orbis potius quam Vrbs nomine digna videretur nuncupari.

IV. Excelsa Roma imperio : Romę tam excelsa fuit imperandi ratio , tam altus eius dominandi modus , tam sublimis à subactis populis obsequium exigendi facilitas, vt cum ea natum esse videretur Imperium ,

*Aeneid.* *Tu regere imperio populos, Romane, memento,*  
*6. ( Ha tibi erunt arces ) pacisque imponere*  
*morem,*

*Parcere subiectis & debellare superbos:*

Vt omnibus terrarum excelsissimis potestatibus deuictis ac prostratis, ad summum tandem totius Orbis imperium sese extulerit, Mundique Caput meruerit salutari : Quod postremum sublimissimum sublimitatis fastigium , nec solum à Capite humano , in fundamentis , dum Iouis templum exstrueretur, reperto, verum etiam ex nomine ipso illi fuerat promissum. Nam refert Festus ex Gergithio, authore vetustissimo , quem de Æneę in Italiam aduentu scripsisse dicit, Romam initio appellatam *Cephalon*, id est, Caput. Quid multa ? Eò vsque processit Romani Imperij excelsitas , eò peruenit eius altitudo ac sublimitas, vt Cœlum vsque perueniret, quę est vniuersę machinę excelsissima & altissima pars, in qua Excelsus ipse,



in qua Altissimus sedem sibi voluit parare: in qua Romanus Pontifex, Summus Altissimi Vicarius, aperiendi & claudendi, ligandi & soluendi potestatem habet sicut & ipse Dominus. Hanc summam in cœlis potestatem à Ioue ipso, Ethnicis hominum Deorumque Patre habito, Æneæ sub nomine Romano Pontifici promissam fuisse fortassis intellexit Virgilius, cum Iouem Æneæ Matrem sic alloquentem fecit Æneidos I.

*Parce metu Cytherea: manent immota tno-  
rum*

*Fata tibi: cernes Urbem, & promissa Lavini  
Mœnia, sublimemque feres ad sidera Cœli  
Magnanimum Æneam.*

In fatis erat, ut binum Roma consequeretur imperium, Imperium scilicet terrestre, & Imperium cœleste. Hoc illi portendebat Aquila biceps, quam in insigne sibi delegerat: Nec solum Aquilæ duplex caput, verumetiam duplex regnum. Regnat enim hæc volatilium Regina in Cœlo & in Terra, & in utroque regno æquale in subditas aues imperium exercere à Natura ipsa illi concessum est. Roma terreno diu potita imperio, cœleste tandem imperium adepta est. Et fortassis hoc Romæ Imperium Cœleste præsenferat idem Maro, cum Patrem Anchisen Æneam filium sic alloquentem induxit Æneid. 6.



*Viden' ut gemina stant vertice crista ,  
 Es pater ipse suo superum iam signet honore ?  
 En huius, gnate, auspiciis illa incluta Roma  
 Imperium terris, animos equabit Olympo.*

Idem fortasse sensus Erinnæ, celebris illius Poëtriæ, quam sub Pompeio floruisse ferunt, & de qua meminit Lipsius lib. 1. de Magnitudine Romana, cap. 2. Ita enim Romam affatur illa vates.

*Filia Martis, mihi Roma salve,  
 Aureo Regina decorata cultu,  
 Qua vel in terra stabiles Olympi  
 Incolis atces.*

V. Excelsa Roma sanctitate, & adeò excelsa, etiam dum esset Ethnica, ut sicut in toto terrarum Orbe nihil Româ maius, ita & nihil sanctius potuisse inueniri scripserit Liuius: *Nulla*, inquit, *unquam Respublica nec maior, nec sanctior, nec bonis exemplis ditior fuit.* Eo tempore sanctitatis adeo studiosam fuisse Romam legimus, ut, ne vllum nisi bonum ac sanctum haberet Ciuem, Censores instituerit, qui Ciuium obseruarent mores, qui an sanctè viuerent, inquirerent, viderentque ne quis eorum sanctitate Romana quid indignum perpetraret. Quasi in mediis tenebris, quibus obuoluta erat Roma, excelsioris sibi futuræ sanctita-

ris aliquis illi radiusculus interluxisset: Quasi  
Excelsa Vrbs se Domum Dei Excelsi, eius-  
que sanctissimæ Ecclesiæ sedem aliquando  
fore præsensisset: Quasi ædes, quæ tam ex-  
celsum & sanctum Dominum, quæ tam ex-  
celsam & sanctam Dominam, quæ tam nu-  
merosum excelsorum sanctorum comitatum  
erant excepturæ, hac morali ciuilique san-  
ctitate ex tunc voluisset sanctificare. Nec  
reuera fefellit illam sublimioris sanctitatis  
expectatio. Contigit enim, vt quæ prius  
in mundo fuerat sanctificata, in Christo po-  
stea sanctificata fuerit; & adeo sanctificata,  
vt per excellentiam *Sancta* vocari merita  
sit, ac meritò. Verè namque Sancta, quæ  
tot Sanctorum fuit Mater: Verè Sancta, quæ  
tot Sanctorum sanguine fuit in augurata: Ve-  
rè Sancta, quæ Sanctorum Ecclesiæ Princi-  
pum purpurata fuit cruore: Verè Sancta,  
quæ Sancti Domini salutata est Ecclesia: Ve-  
rè Sancta, quæ tot Sanctas Sanctorum reli-  
quias continet, quæ tot sancta asseruat pi-  
gnora, vt verè possit dici Terræ Sanctua-  
rium, ac totius Orbis Sanctum Sanctorum.  
Nec immeritò de Roma cecinit Prudentius  
in Hymno de S. Laurentio.

*Vix fama nota est abditis  
Quam plena Sanctis Roma sit,  
quam diues Urbanum solum  
Sacris sepulcris floreat.*

VI. Excelsa Roma dignitate, excelsa munere, excelsa prærogatiuis; imo excelsissima. Dignitatibus tam excelsis ornata est, muneribus tam altis fungitur, prærogatiuis tam sublimibus fruitur, ut nec possibile nec fas sit aliquid sperare sublimius. Illa enim sola omnia hæc obtinuit à Domino, ut sit Mundi Caput, ut sit Orbis Christiani Metropolis, ut sit Ecclesia Dei eiusque filiorum Mater, ut sit Sponsa Christi illiusq; Supremi Vicarij Sedes; ut sit Cathedra Petri, qui est Petra super quam fundata est Ecclesia; ut sit Ouile Domini, ut sit Ouium Summi Pastoris tugurium, ut sit Fidei arx & propugnaculum, ut sit ianua Cœli cœlestisque regni clauium custos: quæ dignitates, quæ munera, quæ prærogatiuæ superant omnem excelsissimam dignitatem, omne altissimum munus, omnem sublissimam prærogatiuam, quæ animo fingi aut cogitatione depingi possent.





VNDE HABEAT ROMA,  
 vt sit ROMA, id est,  
 Excelsa.

## CAPVT IV.

**R**OMA secundum nomen Excelsa est, & adeo Excelsa, vt eius excelsitatem nec penna possit scribere, nec lingua proferre, nec animus concipere. Sed vnde, quæso, tanta excelsitas? Vnde tanta altitudo? Vnde tanta sublimitas? *A Petra*, & meritò de se Roma potest dicere istud Prophetæ Regis; *In Petra exaltauit me, & nunc exaltauit caput meum super inimicos meos.* Psal. 26. Qui est Altissimus super omnem terram, qui exaltatus est super omnes Deos, Psal. 96. qui excelsus est super omnes gentes, & super omne regnum hominum; qui Cælo, qui Stellis ipsis excelsior est, Romam & Caput eius, Summum Pontificem, exaltauit in Petra: nec in vna tantum, sed in duplici Petra. Psal. 112.

Exaltata est Roma in Christo Iesu, qui est *ἀντίλιτος*, vt dicit Dionysius, Petra ipsa, Petra velut idealis Ecclesiæ fundandæ, & in æternum stabiliendæ. In Christo Iesu, qui



Isa. 29.

est Lapis electus, Lapis probatus, Lapis pretiosus, Lapis in Sion positus, Summus angularis Lapis, in quo est salus nostra. In Christo Iesu, qui est altissima Petra, vnde Pater Altissimus dulcissimas eduxit aquas, de quibus biberent qui in aridis huius mundi desertis perigrinantur. In Christo Iesu, qui est Lapis abscissus de monte sine manibus, qui percussit statuam, & factus est mons magnus, & repleuit vniuersam terram. Si autem exaltata est Roma in Filio, etiam exaltata est in Patre. Pater enim & Filius vnum sunt, & quia vnum sunt, ita & vna quoque sunt Petra. Hoc nos docet ipsa Lingua Sancta, quæ ideo sub vno vocabulo *Eben*, id est Petra, Patrem & Filium complectitur. Tribus enim elementis constat *Eben*, nimirum *Aleph*, *Beth*, & *Nun*: Si primo secundum iunxeris, habebis *Ab*, id est Pater; Si secundo tertium, habebis *Ben*, id est Filius.

Mat. 16.

Exaltata est Roma in Petro, qui est altera Petra, Petra solida, Petra inconcussa, Petra immobilis, super quam Christus, altissima & angularis Petra, suam ædificauit Ecclesiam: *Tu es Petrus, & super hanc Petram ædificabo Ecclesiam meam.* In Cephæ, & per Cephæ, (quod interpretandum est Petra æquæ ac Petrus iuxta vsum receptum à Græcis, qui Πέτρα & Πέτρος in discriminatim vtuntur, vt Petram significant) facta est Roma *Cephalon*, Κεφαλήν τοῦ κόσμου, Caput Mundi, quod facta sit Sedes Cephæ, cui Dominus tanquam

Capiti totum Orbem commisit regendum, cum dixit, *Pasce oves meas*. Pastori enim incumbit gregem regere sicut & pascere: probabilèque videtur *Cephalon* Gergithij & Festi à *Cepha*, potius quam à κεφαλοι deductum esse. Quinimo *Cephars* & κεφαλοι, vnum & idem esse comperio. Sicut enim *Cephas* Syriacè significat Petram, ita & Gracè significat Caput. Illud testatur Hieronymus in Caput secundum Epistolæ ad Galatas: Hoc animaduertit Optatus libro secundo contra Parmenianum. Quoniam *Cephas*, qui Petra & Caput est Ecclesiæ, Romæ suam constituit Cathedram, ut in ea in perpetuum sederent Romani Pontifices eius successores, ideo in *Cepha* & per *Cephā* Roma facta est ipsamet Ecclesia, Ecclesia scilicet Christi: Ideo, ut dicit Mantuanus, facta est Cœli Ianitrix & Vicaria, ceterisque omnibus decorata prærogatiuis, quibus & decoratus est ipsemet *Cephas*.

In Christo Petra, in *Cepha* Petra exaltatum est Romæ *Cephas*, exaltatum eius Caput, quia *Cephæ* successor est. Quoniam verò Romanus Pontifex *Cephæ* successor est legitimus, ideo & prærogatiuarum *Cephæ* legitimus est hæres: ideo Caput Corporis Ecclesiæ: ideo Ecclesiæ Sponsus, eiusque ædificij fundamentum: Ideo summus Sacerdos, ac omnium Sacerdotum Princeps: ideo Episcopus vniuersalis, & Summus Christianorum Pontifex: ideo Apo-

stolicæ Sedis Præsul : ideo Rector Domus Dei, & eius vineæ Custos : ideo fidelium omnium Doctor : ideo supremus Pastor Ovis Domini : ideo Pater Patrum, ideo Pater per excellentiam. Ideo Papa, quod idem est ac Pater; sed Pater amabilis. Pater suavis, Pater benignus, qui intimo amoris sensu filios complectitur, qui peccantes suauiter corripit, qui prodigos domum redeuntes benignè excipit. Siquidem Græcè Πάππα, seu Παππας significat Patrem, voxque amoris est ac suauitatis, quâ pueruli balbutientes, & Patri blandientes, illum solent compellare. Hoc vocabulo Patrem vocat filia apud Homerum, Παππα φίλι : Eoque utitur Philemon Comicus apud Atheneum, Χαῖρε Πάππα φίλτατε. In vtriusque Petre virtute Summus Pontifex, Romæ & Romanæ Ecclesiæ Caput, exaltatus est super inimicos suos : exaltatus super Imperatores & Reges, Romanæ Sedis autoritati infensos : exaltatus super Pseudopapas, super falsos Patriarchas, super Schismaticos, super Lutheranos, super Calvinistas cæterosque Hæreticos, quos Prophetæ Ieremias sub Moabitarum nomine omnes inuitat, vt Geneuam aliásque prauorum dogmatum Ciuitates derelinquant, & habitatum veniant in Petra, id est in Ecclesia Romana, vt quæ sola Catholica & Apostolica est; vt quæ sola fundata est super Petram firmam & immobilem, super Christum Petram, super Petrum Petram, extra quam  
petram

Odiss. 6.



Petram nullam prorsus salutem sperare licet;  
*Relinquitte Ciuitates, & habitate in Petra* Iere. 15.  
*habitatores Moab.*

Proprium est Petre, vt sit asylum, vt iis  
 qui ad eam confugiunt sit perfugium & sa-  
 lus. Ne moriatur Moyses, videns faciem  
 Domini, Dominus ponit eum in foraminibus  
 Petre, donec transeat gloria sua. Cum  
 Dauidi nuntiatum esset eum quære Saulem  
 vt interficeret, statim descendit ad Petram. Exod. 33  
 Aquila pullorum salutem reponit in Petra: 1. Reg.  
 Scribit enim Plinius, & post eum Diuus 23.  
 Hieronymus, hanc volatiliu reginam, ne Plin.  
 pullis serpentes noceant, in nido lapidem 1. 10.  
 Etitem collocare. Herinaceis ipsis refugiu cap. 2.  
 est Petra. Quia lepuleculus, plebs inualida, Hieron.  
 in cap.  
 in Petra suum collocat cubile, idcirco à Sa- ab. Isai.  
 piente Sapientibus ipsis habetur sapientior. Ps. 103.  
 Sapiens igitur Ethnicus, sapiens Hæreticus, Prou. 30.  
 sapiens Schismaticus, qui scandali & repro-  
 bationis Ciuitatibus derelictis confugit ad  
 Petram, qui in Petra suum ponit nidum, &  
 in ea habitat omnibus diebus vitæ suæ. Tunc  
 enim temporis verè potest dicere cum Pro- Psal. 89.  
 pheta Rege; *Expectans expectaui Dominum,*  
*& intendit mihi, & exaudiuit preces meas,*  
*& eduxit me de lacu miserie & de luto fœcis,*  
*& statuit supra Petram gressus meos.* Id con-  
 filij præuaricantibus dat ipse Deus, cum di-  
 cit per Prophetam, *Ingredere in Petram, &* Isai. 2.  
*abscondere fossa humo à facie timoris Domi-*  
*ni.* Nulla namque salus, nulla fortitudo,

nulla virtus , nullum robur extra Petram ,  
 quia Petra ipsa , qui est Christus , est nostra  
 salus , nostra fortitudo , nostra virtus & no-  
 strum robur. Nulla sanctitas nisi in Petra ,  
 quia , vt iam diximus , Petra est Christus ,  
 & in Christo solo sumus sanctificati & vocati  
 sancti. Nulla exultatio absque Petra , quia  
 neminem exaltat Paterni per Filium , qui  
 cum Patre est vna Petra. Nullus in cœlum  
 aditus nisi per Petram , quia Christus , altissi-  
 ma & angularis Petra , est supremus Cœli  
 Dominus : quia Petrus , Ecclesiæ fundamen-  
 talis Petra , est regni Cœlorum Ianitor ,  
 ideoque clauium Custos , qui solus aperiendi  
 & claudendi supremam habet potestatem.  
 Nullum denique nec ab Angelis ipsis expe-  
 ctandum patrociniū , etiamsi multa quis  
 operetur bona. Qui per bonorum operum  
 scalam in Cœlum vult ascendere , in Petra  
 prius debet requiescere Ita enim requiesce-  
 bat Iacob , cum in somnis vidit scalam stan-  
 tem super terram , & cacumen illius tan-  
 gens Cœlum , Angelosque Dei ascendentes  
 & descendentes per eam , & Dominum in-  
 nixum scalæ. Quia Christus est lapis altis-  
 simus , per quem omnia facta sunt : quia est  
 lapidicina , vnde nos lapilli , sicut & aliæ  
 creaturæ , sumus excisi , si quæramus Do-  
 minum & velimus inuenire , in Petra quæ-  
 ramus eum est necesse. Scriptum est enim ;  
*Qui queritis Dominum , attendite ad Petram ,*  
*vnde excisi estis.* Cum Protomartyr Stepha-

Gen. 28.

Isa. 51.

nus dixit falsis testibus, qui eum postea lapidauere; *Ecce video Cælos apertos, & Filium* AG. 7.  
*hominis stantem à dextris Dei*; Idem omnino est ac si dixisset: Dura ceruice homines, ac incirconcisis cordibus & auribus, audite! Ecce mox vestris obruar lapidibus, en citò vestris contundar petris: In Petra autem saluabit me Christus, qui est mea petra, meum robur & mea salus: In petra exaltabit me, qui est altissima petra, super Cælos exaltata: per petram iam mihi aperti sunt Cæli: En video petram angularem, quam inique reprobauistis, & in eius virtute regnum Cæleste breui me ingressurum spero.

Qui vult ergo saluari, qui vult exaltari, qui vult in Cælum ascendere, habitet & requiescat in petra: seruet mandata Dei, qui est altissima petra: Confiteatur Christum, qui est summa angularis petra: Audiat Romanam Ecclesiam, quæ sola fundata est super petram inconcussam: Obediat Petro, qui est petra ipsa, super quam fundata est Ecclesia, & in cuius petræ foraminibus hæc speciosa dilectissimaque Christi Sponsa Sponso dilectissimo suam ostendit faciem: Obtémperet Romano Pontifici, qui est legitimus Petri successor, ideóque Christi supremus Vicarius, & sub Christo capite inuisibili Ecclesiæ caput visibile. Schismatici & Hæretici utcumque Christum consententur, fateor; sed inde non sequitur, quatenus viuunt & moriuntur tales, eos posse saluari. Ad sa.



litem non vna tantum, sed dux requiruntur petra. Ut quis saluetur, Christum petram primariam non sufficit agnoscere, agnoscendus est etiam Petrus petra secundaria, agnoscendusque Romanus Pontifex legitimus Petri successor. Aquila ipsa, cui à  
 Apoc. 12. Ioanne Apostolo comparatur Ecclesia, in duplici petra pullorum quærit & inuenit salutem. Lapis enim ærites, quem in nido collocat, ut eos à serpentibus seruet incolumes, non simplex, sed duplex lapis est: quippe intra se, quasi in utero, alterum lapidem dicitur gestare; qui secundus lapis intus sonat, cum primus concutitur.

Christi, Petra angularis & altissimæ, figura quidem fuit mirabilis illa petra, nimirum petra Horeb, ex qua Moyses in Raphadin dulces eduxit aquas, ut de iis biberent Israëlitæ. Ita docet Paulus ipse, Moisaicæ legis egregius & fidelis interpretes;  
 Exod. 17. *Bibebant de spiritali eos consequente petra;*  
 1. Cor. 10. *Petra autem erat Christus:* Agnus, terræ dominator, quem ad Ecclesiam emittendum à Petra multis ante sæculis prænuntiauerat Propheta; *Emitte agnum, Domine, Dominatorem terræ, de Petra deserti ad Montem Filie Sion.* Sed Roma ipsa diu ante Christi aduentum, ambarum Ecclesiæ petrarum, Christi scilicet & petri, verissima apud se habuit symbola, nimirum petram Manalem, & petram Terminalem.

De petra Manali sic scribit Varro libro 2.

## *triumphans nomine.*

de Vita Populi Romani. *Iuxta templum Martis, extra portam Capenam, erat Manualis Lapis, quem cum propter nimiam siccitatem in Urbem deferrent; sequebatur statim pluvia, hinc cum, quod aquas manaret, Manalem Lapidem dixeret.*

Petra Terminalis, quam Virgilius Æncidos nono vocat *Capitolij immobile saxum*, erat simulachrum ipsum illius falsi numinis, quod Romani vocabant *Terminum*, & qui, dum Iouis inauguraretur templum, defano seu facello in Monte Tarpeio sibi consecrato se commouere noluit. Huius Termini meminit Ovidius Fastorum secundo.

*Quid noua cum fierent Capitolia, nempe Deorum*

*Cuncta Ioui cessit turba, locumque dedit.  
Terminus, ut memorat veteres, inuentus in ade,  
Restitit, & magno cum Ioue templa tener.*

De eodem Termino sic scribit Liuius libro 1. Liuius  
lib. 1.  
*Et ut libera à ceteris religionibus area esset tota Iouis, templique eius quod in edificaretur, exaugurare fana sacellaque Tarquinius statuit, que aliquot ibi a Tatius Rege primum in ipso discrimine aduersus Romulum pugna vota, consecrata inaugurataque postea fuerant. Inter principia condendi huius operis mouisse numen ad indicandam tanti Imperij molem traditur Deus. Nam cum omnium sacellorum exaugurationes admitterent aues, in Termini*

cabant æternitatem: æternitatem scilicet Romanæ Ecclesiæ, pro cuius Capite & petra fundamentali Christus fundator rogauit vt non deficiat fides eius, sed in perpetuum maneat vsque ad consumationem sæculorum.

Quid Petra Manalis aliud quam Christus? Sanctissima & sacratissima petra, in Caïphæ atrio & Pilati prætorio percussa; in ligno exaltata, sicut à Moyse exaltatus fuerat serpens in deserto; in cruce clauis & lancea scissa, vnde ortus est fons aquæ viuæ, de cuius aqua qui bibit non sitit in æternum: vnde fluxit sanguis, qui lauit nos à peccatis nostris: Vnde manauit balsamum aromatizans, quod vulneribus nostris præsentissimum fuit remedium: vnde stillauit ros, qui siccas & aridas irrorauit animas: vnde descendit pluuia, quæ cupiditatis & libidinis extinxit ignes: vnde exundauit torrens voluptatis, quo Dominus suos poturus est electos: Vnde tanquam à torculari desiliit vinum illud nouum, quod in domo Patris Æterni fidelium corda in æternum est latificaturum.

Quid Petra Terminalis aliud quam Petrus? quid Roma aliud quam Ecclesia, ab ipso Christo, Petra Manali, super solidam, firmam, inconcussam & immobilem Petri petram ædificata, & in æternum duratura, aduersus quam nec ipsius Inferi portæ vnquā poterunt præualere. Altissimus in æternum



Matt. 7.

fundauit eam. Fundamenta eius æterna, quia super petram solidam sunt fundata: Fundamenti enim æternitas in petre soliditate reposita est. *Vir sapiens edificauit domum suā super petram, & descendit pluuia, venerunt flumina, & flauerunt venti, & irruerunt in domum illam, & non cecidit, fundata enim erat super petram.* Quæ autem petra solidior Christo? quæ firmior petro, cui Christus ipse est petra, fortitudo, robur & Saluator?

Ex supradictis sequitur Ecclesiam Romanam, quæ sola Catholica & Apostolica est Ecclesia, super duplicem petram esse fundatam; primò super Christum petram, secundò super Petrum petram: ita ut illa sit petra super petram, seu lapis super lapidem: quod Christus ipse voluit significare, cum dixit Iudeis, *Non relinquetur Lapis super Lapidem.* Hæc enim proferens verba, non solum de Templi euersione videtur locutus, sed & de Ecclesiæ Sedis ex Ierusalem in Romam translatione; quæ Ecclesia, ut iam diximus, est Lapis super Lapidem.



# ROMA NOMEN PASTORALIS dignitatis.

## CAP. V.

**R**OMA Pastoritium quoque nomen est, seu Pastoralis dignitatis vocabulum. Montes enim Hebræis dicuntur *Ros*: Ita Hieronymus libro secundo aduersus Iovinianum; *Roma*, inquit, *fortitudinis nomen est apud Græcos, ut sublimitatis apud Hebræos, quibus Ros montes significat.* Et à *Ros* factum *Reim*, id est, Pastores. Galli in hoc Hebræos secuti, Pastores nominauerunt *Bergers*, quasi Montanos, à Germanico seu Francico *Bergen*, quod Montes significat.

Omni tempore Montes Pastorum fuerunt delicię montiumque pascua gregibus pascendis aptissima credita. Moyses cum de medio rubi in flamma ignis apparuit ei Dominus, in monte Horeb Ietro soceri sui pascebat oues. Dominus ipse suas oues, quas idcirco suos greges vocat: (*Vos autem greges mei, greges pascue mea, homines estis*) in montibus se pasturum pollicetur; *Visitabo oues meas, in pascuis uberrimis pascam eas, & in montibus excelsis Israël pascua earum: Ibi requiescent*

Exod. 3.  
Ezech. 34.  
Ezech. 34.

*in herbis virentibus pascuntur super montes*

1. Pet. 5. *Israël.* Christum Dominum, qui cum Patre  
 Heb. 13. vnus est! Pastor, quique bonum Pastorem seipsum profitetur; quem ideo Petrus Pastorum Principem, & Paulus Ouium magnum Pastorem appellat, quandiu in terris commoratus est, hominumque vsus consuetudine, montibus etiam oblectatum testantur sacra Evangelistarum monumenta. Adhuc in utero genitricis reclusus, vt Præcursoris matrem, aut  
 Luc. 1. potius Præcursores inuideret, cum matre abiit in montana Vt tentaretur à Diabolo, assumptus est in montem excelsum valde.  
 Matt. 4. Mutos, cæcos, claudos, debiles, & alios multos in monte curauit. Panibus quinque &  
 Matt. 15. piscibus duobus saturatis virorum quinque millibus, absque mulieribus & paruulis, vt oraret, in montem solus ascendit. Coram  
 Mat. 14. Petro, Iacobo & Ioanne in Monte transfiguratus est. In Monte Oliuarum, vt consueuerat, priusquam à Iuda in manus Iudeorum traderetur, orauit. Crucifixus est in monte  
 Matt. 17. Caluario. Post resurrectionem in monte Discipulis apparuit. Eo denique die, quo reuersus est ad Patrem, prius in Montem Oliuarum se contulit, indeque, præsentibus & intuentibus Apostolis, in Cælum ascendens ab oculis eorum se subtraxit.  
 Matt. 28.

Ratio ipsa postulabat, vt super Montes ædificata esset Roma, non solum vt situ sicut & nomine appareret Excelsa, verum etiam vt incolis grata & iucunda esset habitatio.



Romę ipse conditor Romulus Pastor fuit , immò Pastorum princeps & dux.<sup>1</sup> Eius primi Ciues, secundum Lium & Florum, omnes Latini, Albani Tusciſque Pastores. Reges, Consules Imperatorésque omnes, quos habuit, quia Reges, idè & Pastores fuere, aut saltem debuerunt esse. Qui enim regit oues, eas debet pascere. Eam ob causam vocat Homerus Regem Agamemnonem Ποιμένα λαῶν, Pastorem populorum: quam appellationem Gullelmo & Ademaro Principibus etiam tribuit Torquatus Tassus in sua Ierusalem liberata: Cant. 1.

*Poi dno Pastor di Popoli spiegaro  
L'inſegne lor, Guiglielmo ed Ademaro.*

Idè *Pastorum* vocabulo Scriptura intelligit hominum Reges sicut & ouium Pastores. Idè qui est Rex Regum & Dominus Dominantium, Regem Cyrum sui Pastoris cohonestat nomine. Idè Dauidem ex pascuo in regiam vocat, ex ouili in solium effert, pedum in sceptrum & tugurium in palatium illi commutans, quò simili mutatione disceret ille Pastor, quò disceret ille nouus Rex, ac cum eo discerent omnes Reges, nullum esse bonum Regem, nisi qui bonus Pastor est; nullum oues Domini bene scire regere, nisi qui scit eas bene pascere. Ideo à Græcorum οὐλῆ, id est Ouile, Latini dixerunt *Aula*, vt Palatium seu Ædes Regias signifi-

Jerem. 3.

Ierc. 23.

Isai. 44.

carent ; quò inde condiscerent Principes ,  
supremo pollentes imperio , eorum aulam  
esse ouile sicut & basilicam ; populos qui-  
bus præsunt , esse oues sicut & subditos , o-  
mnésque omnino Reges ex Regis regum Pa-  
storisque pastorum mandato munere pastoralis  
sicut & regio fungi debere.

Ius ipsum exposcebat , vt super montes  
exstructa esset Ciuitas illa , quæ magni Pasto-  
ris magnum ouile , quæ tanti Pastoris Supre-  
mi Vicarij sedes , quæ lumen Gentium ali-  
quando esset futura. Super gregem vigilare  
debet Pastor. Vbique excubitores , vbique  
pharos constituat , vbique faces accendat o-  
mnino necesse est. Quæ autem excubando  
montibus aptior specula ? Quis explorando  
tutior situs ? quæ vigilando securior statio ?  
quæ pharis statuendis facibusque accenden-  
dis magis idonea terrarum portio ? Quis eri-  
gendis Pastorum tabernaculis commodior lo-  
cus ? Petrus , Apostolorum Princeps , Gre-  
gisque Domini supremus in terris Pastor ele-  
ctus , quasi montes Pastoribus commodissi-  
mas stationes iudicasset , cum Iesum , Summū  
Pastorem , in monte Tabor tanto fulgore  
tantoque splendore transfiguratum conspe-  
xisset , præ timore , aut potius præ gaudio  
statim exclamauit. *Domine , bonum est nos  
hic esse , si vis faciamus hic tria tabernacula ,  
tibi unum , Moyse unum , & Elie unum.* Quasi  
dixisset bonus ille discipulus : Domine , scio  
quia tu es magnus Pastor ouium ; Scio quia

Mat. 17.

Marc. 9.

Moyſes populi tui Paſtor fuit in deſerto; Scio quia coram te magnus Propheta fuit Elias; ſcio quia Dominus oues ſuas in montibus paſcere pollicitus eſt: Si paſtorali munere etiam nos decorare decreuiſti; Si vis Domine, extendamus, erigamus, figamus hic noſtra tabernacula. Quis enim in toto terrarum Orbe regendis, paſcendis, fouendis, defendendis ac protegendis ouibus monſi commodior iſto? Vbi tanta rectitudo ad regendum, vbi tanta excelsitas ad excubandum, vbi tantum lumen ad explorandum, vbi tanta vbertas ad paſcendum, vbi tantus amor ad fouendum, vbi tantum bracchium ad defendendum, vbi tanta virtus ad protegendum: vbi Domine tu ipſe ades, tu qui es Rex regum & Rector rectorum, tu qui Cœlis ipſis excelsiores es, qui es mundi Lux, qui es Iuſtitia Sol; qui es totius vbertatis fons, perfectiſſimi amoris centrum, & omnium in te ſperantium fortitudo, bracchium, robur, ſalus & Saluator.

Magnus Paſtor Ouium Ieſus in monte Thabor noluit erigere tabernacula: Iudeæ omnino reliquit montes, quia Iudei reproba-uerunt petram, in qua ſola eſt hominum ſalus. Poſuerat quidem Dominus in Sion lapidem ſummum, lapidem angularem, lapidem probatum, electum & pretioſum, vt in eum qui credidiſſent non confunderentur: Sed quia non crediderunt qui habitabant in Sion, ideo Lapis, qui eſt Ieſus Chriſtus, dereliquit montes Ieruſalem, cuius

Mat. 9.  
Rom. 9.



que Ciuibus & incolis factus est Lapis offensionis & petra scandali. Idcirco dedit eos  
 Iere. 26. Dominus in vexationem vniuersis regnister-  
 ræ, in maledictionem & stuporem, in sibi-  
 lum & in opprobrium cunctis gentibus, ad  
 quas eiecit eos.

In montibus Bizantinis seu Constantino-  
 politanis noluit confidere, quia eius Ciuita-  
 tis Imperatores & Patriarchæ defecerunt à  
 Romano Pontifice, Christi Summo Vicario  
 ac legitimo Petri Successore. A Petra reces-  
 serunt, sicut & Iudæi reprobauerunt lapidem,  
 ideoque similis fors illis obtigit. Adduxit  
 enim Dominus super eos Gentem de longin-  
 Deut. 28. quo ad similitudinem aquilæ volantis cum  
 impetu, cuius linguam non potuerunt in-  
 telligere : gentem procacissimam, quæ nec  
 detulit seni, nec paruulorum miserta est, &  
 cui demum dati sunt in sibilum & in oppro-  
 brium. Constantinopolitanis Imperatoribus  
 ablatum est Imperium, periit eorum memo-  
 ria, in fumum euauit eorum dignitas, ac  
 tantæ Maiestatis tantique splendoris nec mi-  
 nima tantum superest scintillula. Ablata est  
 Patriarchis autoritas, ablata reuerentia, a-  
 blata libertas ipsa, iique ac eorum Episcopi  
 vilissimæ gentis vilissima facta sunt mancipia.  
 Romanum Pontificem insectentur Hæretici  
 quantum velint, Petri successorem contume-  
 liis afficiant, Romanæ Ecclesiæ filios diue-  
 xent, dilanient eius Episcopos, exenterent  
 eius Sacerdotes, Græcorum fors, Iudæorum

maledictio manet gentem & regnum, quæ Romanæ Ecclesiæ se subiicere recusarint: & de illa sola intelligendum est quod scripsit Propheta, *Gens & regnum quod non seruerit tibi peribit.* Isa. 60.

Vbinam ergo terrarum æterna sibi & Sponsæ Ecclesiæ erexit Christus tabernacula? Roma, Romæ soli is seruabatur honos: idque præsensisse videtur, qui *Ierusalem* in *Ierolimam* commutauit. Siquidem *Ierolimam*, anagrammatismo lectis eius elementis, hunc reddit sensum, ROMÆ SOLI: Sed superest I, quod cum sit secunda persona Imperatiui verbi IRE, abigentis esse signum possumus dicere. Quasi proprium huius Ciuitatis nomen eam sic esset allocutum. Ierolimam, I. ROMÆ SOLI: Dominus creauit nouam Ierolimam, nouos Cælos fecit & nouam terram; non erunt in Isa. 65. in memoria priora, nec ascendent super cor: I, Abi, apage hinc; Non eris amplius quæ fuisti, non eris amplius Ciuitas Domini, Ciuitas Dei, Ciuitas Veritatis, Ciuitas Sancta, Mons Domini exercituum, Mons sanctificatus: Dominus recedet à te, ex monte Sion mouebit tabernaculum, Romam illud translaturus, vt in eius montibus habitet in æternum. Hoc voluit significare Christus ipse, cum dixit, *Non relinquetur lapis super lapidem.* Marc. 13. Ecclesia enim, vt superiori ostendimus Capite, est Lapis super Lapidem; & Christus dicens, *Non relinquetur Lapis super Lapidem*, pe-

rinde est ac si dixisset : Ecclesia mea : quæ est Lapis super Lapideum, & cuius sedem Ierosolymæ constituere decreueram, non relinquetur hic, quoniam reprobauistis Lapideum à quo & super quem ædificata est; sed illam translaturus sum Romam, ut ea Ciuitas, sicut Imperij iam supremum est solium, ita & in posterum Ecclesiæ meæ sit suprema Sedes. Talem fuisse voluntatem Domini constat ex Malachiæ Capite primo; *Non est mihi voluntas in vobis, dicit Dominus exercituum, & munus non suscipiam de manu vestra: ab ortu enim Solis usque ad occasum magnum est nomen meum in Gentibus, & in omni loco sacrificatur, & offertur nomini meo oblatio munda.* Et hoc ipsum est quod Phariseis significauit Christus, cum dixit; *Auferetur a vobis regnum Dei, & dabitur Geniti facienti fructum eius.* Ideò Paulus proposuit in Spiritu, transita Macedonia & Achaia, ire Ierosolymam, dicens; *Quoniam & postquam fuero ibi, oportet me & Romam videre.* Ideò dixit ei postea Christus; *Constans esto, sicut enim testificatus es de me in Ierusalem, sic te oportet & Roma testificari.* Hoc etiam licet coniecere ex nomine Montis, ad quem Propheta Isaias Agnum,] terræ dominatorem optabat emitti : *Emitte Agnum, Domine, Dominatorem terræ, de Petra desiri ad montem Filie Sion.* Mons enim Sion, cuius vocabulum à Diuo Hieronymo interpretatur *Arx*, prius vocabatur *Moria*, id est, *Excelsa*

Malach.  
1.

Matt. 21.

Act. 19.

Isa. 16.



*celsa*, vt exponunt Septuaginta Geneseos vigesimo secundo Capite, & postea tandem dictus est *Golgotha*, id est *Caluaria* seu *Caput*. Hoc igitur posito, nimirum quod *Moria* idem sit ac *Excelsa*, etiam & idem erit ac *Roma*, quod vocabulum, vt superiori ostendimus Capite, apud Hebræos radicaliter significat Excelsam. Si *Sion* sonat *Arx*, & *Golgotha Caput*, etiam & *Roma* erit *Sion* & *Golgotha*, cum *Roma* sit *arx Ecclesiæ*, Orbisque Christiani *Caput*: Cum, inquam, intra muros complectatur ipsummet *Caluariæ* montem, *Capitolinum* scilicet, in quo, dum *Iouis* extrueretur *Templum*, inuentum est illud *Caput humanum*, aut potius *Caluaria*, vnde molientes ædem *Romam Imperij* sedem terrarumque *Caput* fore sunt ominati. Ita vt *Prophetæ* vaticinium, *Emitte Agnum, Domine, Dominatorem terræ, de Petra deserti ad montem filia Sion*, de *Roma* nobis liceat explicare æquè ac de *Ierúsalem*, quæ rectè *Petra deserti* dici potest; quoniam deseruit & reprobauit *Agnum*, terræ dominatorem, qui est *Petra*, in qua est hominum *salus*: quoniam in ea, tanquam in *petra ingrata*, aut *deserto petreo & arenoso*, non potuit germinare *semen Verbi Diuini*, quod in eius agro tam abundanter seminauit *Christus bonus agricola*. Idcirco de illa emissus fuit *Agnus terræ dominator ad montem Moria*, ad montem *Sion*, ad montem *Golgotha*, *Romam* videlicet, quæ est *Moria*,

quoniam Excelsa ; quæ est *Golgotha* , quoniam Ecclesiæ & Mundi Caput : Cui Capi-  
 ti, nimirum Summo Pontifici , qui est mons  
 & arx Ecclesiæ , subest Roma ipsa , tanquam  
 filia , sicut olim monti Sion subfuit Ierosolyma.  
 Ierosolymæ omnino euenit quod Esau euenisse  
 legimus. Quantumuis Ierosolyma Româ esset antiquior , ideoque ad hæreditatē  
 patris legitimè posset aspirare , quia nihilominus  
 vendidit primatum , quem illi concedebat natalium  
 prærogatiua , Romæ licet iuniori , obtrigit benedictio  
 Patris Æterni , nimirum vt eius esset domus & Ecclesia , vt Christum  
 ipsum suis exciperet tabernaculis , vt ministrarent illi reges terræ , afferrentque gloriam  
 & honorem in illam ; vt suggeret lac gentium , vt Regum mamillis lactaretur , & vultu in terram demisso adorarent Summum  
 eius Pontificem , eiusque deoscularentur pedes : vt denique Regni Cælorum teneret clauēs , ne in illud absque eius licentia ullus omnino posset intrare. Eam ob summam benedictionem , quam illi conciliauit Mater Ecclesia , cuius sedes est , obtinuit vt suo populo scilicet Christiano , licet natu minori , seruiat populus Iudaicus , licet natu grandior. Et hoc est quod ab Angelo Rebeccæ fuerat pronuntiatum ; *Dua genies sunt in vtero tuo , & duo populi ex ventre tuo diuidentur , populusque populum superabit , & maior seruiet minori.* Quid plura ? Christus ipse , Agnus terræ dominator , post resurrectionem

Isai. 60.

Isai. 49.

Gen. 25.

nem, eo ipso die quo Cælos ascendit, priusquam ascenderet, in tantæ rei monumentum isti petroso monti pedum impressit vestigia, & ita disposita, vt ex eorum dispositione faciem Christi ad Occidentem conuersam, Romanam Urbem spectasse liceat colligere, ad quam ipse, tanquam Ecclesiæ Caput, geminos & illustres oculos, Petrum Apostolorum Principem, summumque in terris Vicarium electum, & Paulum gentium Doctorem missurus erat.

Videamus iam, quinam sint illi sanctissimi Romæ montes, Vbi Christus sibi & Ecclesiæ Sponsæ fixit tabernacula. An Palatinus & Quirinalis? An Exquilius & Viminalis? an Cælius & Auentinus? an Capitolinus aut aliquis alius? Nullo prorsus modo. quinam sunt igitur? Pontifex Romanus, quoniam solus & legitimus Petri successor est, ipse est mons Ecclesiæ. Duplici autem ratione hæc Petro debetur prærogatiua. Petrus est mons Ecclesiæ, quia Vicarius Christi, qui cum esset lapis angularis, eius factus Dan. 2. est mons magnus, qui impleuit vniuersam terram: quia Petrus est petra, super quam Christus fundauit Ecclesiam: quia Petrus, quatenus petra; est mons imò singulæ petræ sunt montes, vt constat ex Sacris Scripturis, quæ ideo Excelsitatem, Eminentiam, Cacumen, Verticem & Summitatem, propria montium attributa, petris tribuunt sicut & ipsis montibus: *Mons* quippe dictus



*ab eminendo*, & quia Petra eminet mons dici potest: nec tantum Petra, sed vniuersè quodcunque eminet, veluti æstuantis maris fluctus, quem idcirco vocat Virgilius *præruptum aqua montem*: veluti prægnantis vterus, vt patet ex Danielis loco superius citato; *Abscissus est*, inquit, *lapis de monte sine manibus*, id est, vt communiter exponunt Patres, abscissus est Christus de vtero Virginis sine manibus, & sine opera hominis; nisi tamen malimus per montem intelligere Virginem ipsam, quæ propter excellentiam altitudinemque perfectionis & sanctitatis dicatur mons sicut & Filius. Petrus est mons Ecclesiæ, quia est eius Caput, Caput scilicet secundarium sub Christo, Capite primario, altissimo monte & Petra angulari. Caput enim respectu aliorum corporis membrorum mons est, & mons in quo Microcosmi regina suos tenet excubitores, qui omnia quæ in Macrocosmo peraguntur obseruent, illique referant dum postulauerit. Ideo Angelus, vt Ioanni Apostolo mulieris super bestiam sedentis mysterium reuellet, dicit; *Septem Capita septem montes sunt, super quos mulier sedet*. Ideo Sponsus Cantorum septimo sponsæ caput comparat monti Carmelo, monti proculdubio excelssimo, ad cuius radices iacent Episcopi, quasi cliui, quasi montes & petreæ minores, quæ quodcunque habent excelssitatis & soliditatis à Summo obtinent Pontifice, supre-

Dan. 2.

Apoc. 17

mo monte & suprema petra. Neque fit iniuria Christo, ait Bellarminus, ex eo quod Petrus & Petri successor fit Caput Ecclesiæ, imo potius augetur eius gloria. Papa enim, Petri successor, Ecclesiæ caput est, non cum Christo, sed sub Christo, vt alibi diximus. Non autem fit iniuria Regi, si dicatur Prorex esse Caput regni sub Rege, quin potius amplificatur eius honos. Omnes enim qui audiunt Præregem esse Caput sub Rege, mox cogitant Regem esse Caput nobiliori modo. Adde quod in Scriptura Christus ipse, qui de se ait, *Ego sum lux mundi*, idem dixit Apostolis, *Vos estis lux mundi*, nec tamen sibi ipse iniuriam fecit. Denique quod est nomen augustius quam Dei? Et tamen non semel in Scripturis homines dicuntur Dij, sine vlla iniuria veri Dei; *Ego dixi Dy estis, & filij Excelsi omnes*. Nulla ergo erit iniuria Christo, Capiti Ecclesiæ, si alius sub ipso dicatur etiam Caput.

Bellar.  
lib. 1. de  
Pontif.  
Rom.

Ioan. 8.  
Matth. 5.

Psal 81.

Altaria etiam sunt montes Ecclesiæ, & quia montes, ideo in sacris ædibus instar montium sunt eleuata, dictaque ideo altaria, quod reipsa *altæ sint aræ*, quod altaria petrae sint, & petrae montes, vt superius annotauimus. In his montibus Christus bonus, imò optimus pastor, pro ouium salute per Sacerdotum manus in sacrificium quotidie vult offerri. Super hos montes sanctissimos erecta & fixa sunt eius tabernacula, in quibus cum Ecclesia Sponsa pascit oves, & pas-

cet in æternum. Sed bone Deus ! quàm mî-  
 rifico pascendi modo pascit eas , & quàm ad-  
 mirando pabulo ! Proprio corpus in escam  
 dat : proprium sanguinem in potum præbet :  
 pane cælesti , ipsoque Angelorum pane satu-  
 rat : aquam æternæ vitæ porrigit bibendam,  
 de qua qui bibit non sitit in æternum. In  
 brachio congregat agnos , in sinu suo leuat,  
 fœtas ipse portat , in ipso sponsæ gremio fo-  
 uet , vberaque Dilectissimæ benignus admo-  
 uet , quò ex iis veritatis salutisque lac omni  
 tempore possint defugere.

Quoniam verò , vt principio huius Capi-  
 tis diximus , *Roma* pastoritium nomen est,  
 quoniam à montibus obtinuit Roma vt esset  
 Ciuitas Pastoralis , priusquam. igitur operis  
 concepti filum vltius protendamus , quos  
 ambitu Roma continet montes attingamus  
 leuiter , aperiamusque pro viribus arcana,  
 quæ sub vocabulis , quibus appellantur , de-  
 litescunt.





SEPTEM ROMÆ MON-  
tium nomina, admirandaque quæ  
sub iis continentur arcana.

CAP. VI.

**P**ALATIVM septem Romæ Mon-  
tium princeps habitus, forsan quia  
primus incolis frequentatus fuit. Si  
enim Eutropio licet credere, Romulus, Ro-  
mæ conditor, urbem exiguam in Palatino  
monte primò constituit. Veteres Latini, ut  
annotavit Fungerus in suo Etymologico, sum-  
ma Montium iuga vocarunt *Palatia*, Græ-  
ci *παλαια*; vnde Hetrusci dixerunt *Palantium*,  
ut Cælum significarent. Verum Næuius, alij-  
que quamplurimi Originum indagatores,  
*Palatium* dictum volunt à Verbo *palare*,  
quod pro *errare* dixerunt Antiqui: aut po-  
tius à *balatu ouium*, quod ante Urbis ex-  
structionem oves balantes illic errarent &  
pascerentur. Vnde fortassis dixit Ovidius;

*Hic, ubi nunc Roma est, Orbis caput, ar-* Fast. 5.  
*bor & herba,*

*Et pauca pecudes, & casa rara fuit.*

*Hic, ubi nunc Roma est, olim fuit ardua*  
*sylva,*

*Tantaque res paucis pascua bobus erat :*

Etymologia profecto consideratu digna, Origo haud dubiè mystica ; imo vaticinium præclarum, quod Roma aliquando futura esset Ouile : sanctum Ouile, in quod Romanus Pastor, ut Summi Pastoris Summus Vicarius, Oves Domini passim errantes ac balantes collecturus erat : Nec tantum Ouile, imo pascuum vberimum & pingue, in quo solo Christi greges verbi Dei veritatisque virentes herbas essent depasturæ.

Refert Festus ex Agathocle, post Æneæ in Italiam aduentu Romam, eius Ducis neptem, in Palatini montis vertice Fidei templum inaugurasse : Certum proculdubio præsagium Romam Fidei, Fideique Catholicæ fundamentum, petram, sedem & arcem aliquando fore.

Quoniam vero in hoc monte prius inhabitant Reges, inde postea cuiuscumque Regis ædes Latini dixerunt *Palatium*, Hispani *Palacio*, Itali *Palazzo* : nec dubium quin nostri Galli *Palais* ab eadem deduxerint originem. Scriptura ipsa domum regiam vocat *Palatium* : Hoc nomine domum Salomonis appellat, domum Assueri & domum Nabuchodonosoris. A *Palatio* item dicti *Palatini* Imperij proceres, ut qui ob dignitatem & dominium in Palatiis sicut & Reges ipsi mereantur habitare.

Iure & merito Palatium habuit Roma,

quæ tot Regum regia, quæ tot Basileon basilica fuit. Palatio, & quidem amplissimo, opus habuit illa Ciuitas, quæ electam Dominam eiusque natos, quæ Domini Dominantium Sponsam, quæ tantæ Sponsæ summum Præfectum, quæ Ecclesiastici Imperij Imperatorem Palatinosque hospitio debuit excipere: Quæ terræ Dominis hospitio exceptis, Summi Pontificis, Cœli ipsius Domini, tandem facta est domicilium & sedes. Quis autem, nisi Hereticus contumax & petulans, audeat inficiari Cœlorum esse Dominum, imo Terrarum, qui in cœlis & in terris ligandi & soluendi supremam habet potestatem? Sed quoniam qui est istius sacri Palatij Dominus, est etiam Ouium Pastor, (quod forsan prænuntiavit Maro, cum dixit in Ecloga quinta,

*Daphnis ego in syluis, hinc usque ad sidera notus,*

*Formosi pæcoris custos formosior ipse.)*

ideo in monte exstructum, quò commodiùs Pastor oues pasceret, quò excelsior illi esset specula, quò vigilans super gregem longiùs exploraret, quò meliùs oues balantes audiret, quò pereuntibus adesset citiùs, & faciliùs in ouile reduceret errantes. Et quia Pastor est, ideo & in ipso Palatio etiam constitutum est Ouile: In quo ouili singulæ oues, quælibet pro sua dignitate, suum conse-



Ioan. 74.

quantur domicilium. Ecclesiæ enim ouile est ipsa domus Dei, & in domo Dei multæ sunt mansiones. Quia verò *Palanium*, quod à Palatio deductum superius ostendimus, Hetruscorum lingua significabat Cælum, inde possumus inferre montem Palatinum esse Cælum terrestre. Roma enim, quia Ecclesia Dei est, ideo & Sponsa Christi: Æquum autem erat vt Cælum haberet Palatium illa Sponsa, cuius Sponsus in Palatium & sedem Cælum ipsum sibi constituerat. Sed de his plura inferius, in Articulo de Monte Cælio.

## MONS ESQVILINVS.

**E**sqvilius, alias Esquilæ seu Exquilæ, vocabulum corruptum est ab *Excubia*: Romanæ enim Historiæ Scriptores ab excubiis à Romulo illic collocatis hunc montem appellationem sortitum tradunt. Hoc etymon agnoscere videtur Ouidius Fastorum tertio,

*Adde quod excubias ibi Rex Romanus habebat,*

*Qui nunc Exquilias nomina collis habet.*

Mons igitur Exquilius est mons excubiarum: hoc quæ nomen est quasi Propheta, quasi Præco cælestis, Romani Pontificis auri-  
bus die nocteque hunc inculcans sermonem; *Excubia, excubia, excubia; Ex-*

*cubior excubato!* Quia Roma est mons, in quo Christus bonus pastor, & Ecclesia eius dilectissima sponsa, sua in perpetuum fixerunt tabernacula: quia mons est, in quo Pastor æternus suum in æternum constituit ouile, ut in eo veritatis ac salutis herbas pascant oves: quia Pontifex Romanus tanti Pastoris gregum in terris supremus est Pastor, ideo ouium sibi commissarum custodiæ inuigilet omnino est necesse. Oportet ut ipse obeat excubias, ut ipse excubitoris vigilisque defungatur munere, ut ipse stativas lustret custodias, videatque ne dormiant vigiles in statione constituti; ne segnitie sopiantur Cardinales, Patriarchæ, Archiepiscopi, Episcopi, Abbates, Parrochi, Congregationum Præpositi, alique omnes, quibus ouium aliqua pars custodienda pascendaque fuerit commissa. In Ecclesiæ fines quotidie excurrunt Infideles: eius agros, eius Prouincias frequentibus excursionibus occupant Hæretici, Infidelibus longè infensiores hostes: In insidiis est Diabolus, Lupus Inferni, ac tanquam Leo rugiens circuit quærens quem deuoret: quia Pastor Romanus ouilis Domini supremus est Pastor, illique, veluti membra Capiti, subsunt Ecclesiæ cæteri Pastores, ideo illi præcipuè incumbit vigilare & excubare: nec tantum vigilare & excubare, sed obseruare sedulò, cum subpastores gregis sibi custodes adiungit, an Episcopali officio, an speculatorio &

excubitorio munere , an pastoralis dignitate mereantur decorari. Quia , inquam , Ovis est primus pastor , idcirco super eum gregem suum primò requireret Dominus , & ovium , quæ Pastorum incuria inertiaue perierint , ab eo prima exigetur ratio.

## MONS QVIRINALIS.

**A**liqui , forsan ut ipso huius Montis vocabulo plenam potestatem supremamque autoritatem à créatione Mundi Romæ promissam fuisse significarent , Quirinalem à *Quyros* dictum opinati sunt ; habita scilicet significationis ratione : Græcis enim *Kupes* plenam potestatem supremamque autoritatem significat. Alij à *Curibus* , ( unde fortassis *Curia* & *Cura* ) Sabinorum Metropoli , istud nomen deductum volunt. Sed Varro scribit Quirinalem appellatum à *Quiris* , quod pro hasta , telo seu sagitta dixerunt vetores Sabini. Quirinalis igitur , si vocabuli spectetur origo , est mons plenæ potestatis , mons supremæ autoritatis , mons curiæ & curæ , mons telorum & sagittarum.

In toto terrarum Orbe quænam , quæso , Romanæ Ecclesiæ potestate plenior potestas ? Quæ Romani Pontificis autoritati superior autoritas ? Vbinam gentium inuenietur potestas , ubi autoritas , licet suprema , quæ Sanctæ Romanæ Sedis potestati & autoritati audeat se conferre ? Solus Romanus Pon-



tifex, quatenus Petri legitimus est successor, domus Dei supremus est Rector : Ipse solus omnium Patriarcharum supremus est Patriarcha : Ipse solus omnium Episcoporum supremus est Episcopus : Ipse solus in omnes Christi Ecclesias supremam habet potestatem : Ipse solus Catholicæ totius Ecclesiæ supremus est Iudex, & ad eum solum Patriarcharum, Episcoporum, aliorumque Pastorum appellationes possunt deferri. Ipse solus cogere & confirmare potest Concilia. Ipse solus Reges & Imperatores creandi facultatem habet, nec ulli Episcopo quempiam in Regem aut Imperatorem vngere & coronare licet, nisi vngendi & coronandi potestatem, formamque in vntione & coronatione seruandam ab eo prius acceperit. Quid plura? Romani Pontificis autoritas & Angelicam & Humanam quamcunque superat auctoritatem. Angeli serui & ministri sunt Dei, Romanus verò Pontifex eius supremus est Vicarius; nec dubium quin Vicarius pleniorrem habeat auctoritatem quam simplex seruus aut minister. Reges sicut & alij fideles Christiani Romani Pontificis sunt filij; & quia eorum pater est, ideo in eos paternam habet auctoritatem, quæ autoritas omnium auctoritatum plenissima est censenda. Regum autoritas fines habet, sed Romani Pontificis autoritas nullis finibus determinata est. In Tetrīs viget, in Cœlis valet, & in his sicut in illis ligandi ac soluendi supremam habet

potestatem : Imò in Inferis , è quorum piaculari carcere lustralibusque flammis animas autoritate sua potest liberare.

Fieri autem non potest quin multas & vigentes habeat curas , qui tanta donatus est autoritate. Ratio postulat , vt seriò seduloque curet Pastor , cui tot ouium commissa est cura. Romano Patri sanctissimo subsunt Populi , subsunt Principes , subsunt Reges , subsunt Imperatores , sed filiali subiectione subsunt , ideoque de eorum salute paterna illi curandum est cura : Ideo curiam habeat est necesse , quæ probissimis ac integerrimis curialibus , quæ vigilantissimis fidissimisque constet curatoribus , quorum studio & cura in tot tantisque curis propriam curam possit subleuare.

Tela & sagittæ fulminum symbola semper fuisse. Ideo Ethnicismus Iouem , fulminum Deum creditum , telas sagittasque manibus gestantem effinxit. Romanus Pontifex , Altitonantis supremus Vicarius , verè Quiris est , & Romanæ Ecclesiæ Cardinales & Episcopi , quatenus illi adsunt tanquam Patres Conscripti , verè sunt Quirites. Verè Quirinalis est , qui tot Quirinalium supremum est Caput. Verè fulminans , qui tot fulminantium est princeps ; fulminandique supremam potestatem ab altissimo fulminante illi concessam esse , nec tantum ex pietate , sed ex fide omnino credendum est. Quoniam verò

fulgur ac tonitruum præcedunt fulmen, ideo priusquam fulminet, fulgurare & tonare debet, cunctanterque tonare, ac cum mora. Id consilij suo proprio nomine dat illi Roma: Si enim, literarum inuerso ordine, legeris *Roma*, habebis *Mora*. Antequam igitur fulminet debet fulgurare, debet tonare, debet admonere, debet arguere, debet corripere, debet obiurgare, debet hortari, debet ad resipiscentiam inuitare, omniaque hæc cunctanter ac cum mora facere: Hoc est ipsius Pauli consilium ad Timotheum; <sup>2.Tim.4.</sup> *Prædica, inquit, Verbum, instā oportune, importunè; argue, obsecra, increpa in omni patientia & doctrina.* Vbi autem nulla resipiscendi spes adest: Vbi ouis errans Pastoris clamantis, & ad ouile inuitantis, vocem non vult audire: vbi contumax despiciatui matrem habet Ecclesiam, iure & meritò tunc fulminat; imò ex officio fulminare debet, nisi à supremo fulminante ipsemet velit fulminari. Ita præcipit ipsorum fulminum Dominus: *Si Ecclesiam non audierit, sit tibi* <sup>Mat.18.</sup> *sicut Ethnicus & Publicanus.*

Antequam Romam se contulissent Sabini, *Agonium* aut potius *Agonem* Quirinali nomen fuisse autor est Festus: quod quidem <sup>Lib.15.</sup> nomen, sicut & Quirinalis, suum quoque continet mysterium. Nec solum mons Quirinalis fuit Agon, sed & tota Roma, cuius montes, cuius amphiteatra, cuius circi, cuius plateæ, cuius compita, cuius vici, cu-



ius singulæ ædes fuerunt tot agones, in quibus tot gloriosa edita sunt certamina; in quibus tot generosi Athletæ, aduersus Tyrannos viriliter luctantes, fortiterque decertantes, proprii sanguinis effusione martyrij lauream, victoriæ palmam, æternæque gloriæ coronam feliciter sibi compararunt. Illustres illos agones etiam ominabatur Palatij vocabulum, Quidam enim volunt *Palatium* deductum esse à verbo *παλαίω*, id est luctor, vnde *παλαῖστρα*, quod cum *ἀγών* est synonymum, amboque latinè significant luctationem, & locum ipsum, vbi luctantur agonistæ. Roma, vt iam probauimus, est Ecclesia Christi, & quatenus Ecclesia Christi, amplius & vniuersus est Agon, in quo per totum orbem contra persecutores, contra mundi potestates, contra Draconem, Serpentem antiquum, qui vocatur Diabolus, & contra Hæreticos, vltimi huius hostis Angelos & Equites, quasi indefinenter Fidelibus luctandum est, legitimèque certandum, si brauium æternitatis incorruptamque gloriæ coronam velint accipere: quippe Ecclesia, vt in Cælis triumphet, in terris militet omninò est necesse.

Αποκ. 12.

## MONS CAPITOLINVS.

**C**apitolium , à Capite humano , dum Iouis exstrueretur Templum , in fundamentis reperto nomen accepisse narrant Historici : & ex Capite sic reperto molientes ædem Romam Imperij sedem fore , terrarumque Caput ominatos. Illud humanum Caput casu repertum inter horrenda & monstra reponit Florus , sed meâ sententiâ insul-  
sè , & absque vlllo prorsus fundamento. Licet enim annorum serie verum comprobatur sit omen , quid ideo horrendi , quid monstruosi , quid portentosi , si terram defodientes hominis reperirint caluariam ? Majus haud dubiè prodigium , longèque horribilius monstrum , si bouis aut veruecis caput reperissent. Siquidem homines , saltem ij qui in terris obeunt , ferè sepeliuntur omnes ; sed boues & verueces , valdè pauci , cum in ipsis hominum visceribus , aut canum & luporum aluis vt plurimum sortiantur sepulchrum. Verisimilius igitur credendum Capitolij nomen quodam diuini numinis impulsu huic monti fuisse impostum , quò Romani bono essent animo , quò nomine nihil facerent indignum , discerentque Excelsum Romam aliquando tam excelsè elaturum , vt Caput Orbis prius facta , Ecclesiæ tandem Catholicæ Caput salutanda foret.

Sed ante inuentionem Capitis humani à Saturno *Saturnium* hunc montem dictum fuisse ferunt, annotauimusque supra, in primo scilicet Capite, Romam ab eodem fonte vocatam etiam fuisse *Saturniam*.

Saturnus autem Mythologis Tempus est, imò Temporis autor : Græcè enim dicitur *Κρονός*, quod proprium est Temporis vocabulum. Mons itaque Saturnius idem est ac mons Temporis, & quia Montes sunt arces, si Temporis Mons, etiam & illius arx cendendus est. Roma, quæ Saturnia quoque est, id est Temporis Vibs, Temporis montem & arcem, quasi perpetuitatis pignus, intra muros complectitur, vt intelligant homines Romam, licet in tempore natam, non obituram nisi cum tempore, & cum obierit ipsummet tempus. Quia verò per Saturnum etiam intelligitur temporis conditor, qui est Deus ipse, ideo Ciuitas Saturnia idem ac Ciuitas Dei, & mons Saturnius idem ac mons Dei : Mons autem Dei illius est domus & Ecclesia : Ergo Roma, quoniam Ciuitas, mons & Ecclesia Dei, ideo eius duratio temporis durationem est exuperatura ; Romana scilicet Ecclesia, quæ quatenus sponsa Christi post consumationem sæculorum cum Christo sponso in æternum triumphatura est in Cœlis.

Sed quare *Capitolium* mutatum in *Campidoglio* ? non caret mysterio hæc vocabuli mutatio. *Campidoglio* vox Italica, quæ per-



inde est ac si dicerem *Campo di doglia*, id est Campus doloris. Monumentum profecto dolorum, monumentum calamitatum, monumentum internecionum, monumentum direptionum, monumentum euerfionum, monumentum incendiorum, quæ à propriis Ciuibus, quæ à propriis Imperatoribus, quæ à Barbaris toties perpeffa est Roma. Tot tantorumque dolorum vnum duntaxat hic sufficiat exemplum afferre. Audiamus Hieronymum de Romæ à Gothis expugnatione loquentem in vita Marcellæ. *Hæret vox*, inquit, & singultus intercipiunt verba dictantis: *Capitur Vrbs*, qua totum cepit Orbem: immo fame perit antequam gladio, & vix pauci qui caperentur inueniunt. *Ad nefandos cibos erupit esurientibus rabies*, & sua inuicem membra laniarunt, dum mater non parcit lactenti infanti, & suo recipit utero, quem paulo ante effuderat.

*Quis cladem illius noctis, quis funerafando* Aeneid.  
*Explicet? aut possit lacrymis aquare la-*  
*bores?*

*Vrbs antiqua ruit, multos dominata per*  
*annos;*

*Plurima perque vias sternuntur inertia pas-*  
*sim*

*Corpora, perque domos & religiosa decorum*  
*Limina.*

Monumentum denique persecutionum, quas

sub Tyrannis per totum Orbem toties passa est Ecclesia, quas patitur adhuc, & quas vltimis temporibus tandem passura est sub Anti-Christo.

## MONS VIMINALIS.

**M**ons Viminalis, secundum Festum, à *Viminibus* nomen obtinuit. Priusquam enim illic inædificarentur ædes, Viminale tantummodo virgetum dicitur fuisse. In eo monte Ioui ædificatum consecratumque templum, ac ipse Iupiter à Viminibus *Vimineus* vocatus. Quisnam, amabo, Propheta, quis Vates, quæ Sibylla, quod Oraculum, quis Angelus (ut ita dicam) ligandi soluendique potestatem, quam postea Christi & Petri beneficio consecuta est Roma, hoc nomine clarius aut veriùs potuisset prænuntiare? Quid aliud namque Vimen quam ligameu seu vinculum? & ad quid quam ad ligandum idonea sunt vimina? Roma igitur, quia Christi Ecclesia, quia sedes Petri, cui regni Cælorum claues dedit Christus, est mons Viminum, & Pontifex Romanus, Petri successor, Iupiter Vimineus, supremus Ecclesiæ Viminum Dominus, id est censuratum, quibus Viminibus seu censuris data

MAT. 16. est ei suprema ligandi potestas; *Quodcunque ligaueris super terram eris ligatum & in Cælis*; & ab iis postea soluendi, eum scilicet ingemuerit ligatus, peccatumque confessus

fuerit ; Et quodcumque solueris super terram  
erit solutum & in Cælis.

## MONS CÆLIVS.

**M**ons Cælius idem ac mons Cæli. Nam  
sicut à *Delos Delius* , ita & à *Calum*  
*Calius* deductum est : A Cælio monte *Ca-*  
*limonium* appellata secunda Urbis regio. Et  
forfan Athenæus Romam vocauit *Vranopo-*  
*lin* , id est Cæli urbem , quoniam ædificata  
esset super montes , qui ob excelsum Cæ-  
lorum quoque donantur nomine. Quoniam  
vero Cælum totius Mundi excelsum pars  
est , ideo passim in Scripturis Cælum dicitur  
mons , & Cæli montes : *Qui fiduciam habet* Psal. 57.  
*mei , dicit Dominus , possidebit terram , &*  
*possidebit montem sanctum meum.* Vnde di-  
cit Propheta Rex , *Voce mea ad Dominum* Psal. 3.  
*clamant , & exaudivit me de monte sancto*  
*suo : Leuavi oculos meos in montes , unde* Psal. 120.  
*veniet auxilium mihi.* Et quærens ille à Do- Psal. 14  
mino , quis in Sancto eius monte requietu- Psal. 23.  
rus sit : quærens à seipso , quis in montem Psal. 14.  
Domini sit ascensurus , ipse sibi ipsi respon-  
det ; *Qui ingreditur sine macula , & opera-*  
*tur iustitiam : qui loquitur veritatem in cor-*  
*de suo , qui non egit dolum in lingua sua : In-*  
*nocens manibus & munda corde , qui non ac-* Psal. 23.  
*cepit in vanum animam suam , nec iuravit*  
*in dolo proximo suo : Certissimè sciens in*  
*Cælum , montem Domini , non intraturum*



Apoc. 21. aliquid coinquinatum, aut abominationem faciens & mendacium.

Roma Mons Cæli, quia Ecclesia Christi, ideoque Mons domus Domini in vertice mō-  
 Ifa. 3. tium, eleuata super colles: Mons Dei, mons  
 Psal. 67. pinguis, mons coagulatus, in quo beneplacitum est Deo habitare in eo: Mons sanctus, quò Propheta inuitat omnes Populos, Dominum veniant adoratum; *Exaltate Dominum Deum nostrum, & adorete in monte sancto eius.* Mons Sanctus, in quem Dominus suos inducit electos, & in quem Gentes promittit adducere; *Adducam eos in montem sanctum meum, & laudabo eos in domo orationis meae:* Mons sanctus, cuius obscuri sunt aditus, & quò qui vult peruenire, Dei luce & veritate, quæ illum deducant, omnino opus habet; vnde ad Dominum clamabat Psalmista; *Emitte lucem tuam & veritatem tuam, ipsa me deduxerunt & adduxerunt in montem sanctum tuum, & in tabernacula tua:* Mons sanctificationis, quem sibi acquisiuit Christus dextera sua, id est Fortitudine, quam in Passione demonstrauit; *Induxit eos in montem sanctificationis suæ, montem quem acquisiuit dextera eius.* Quoniam vero tam sanctum montem obliti sunt Iudæi, ideo in gladio eos numerare minatur, similique modo excipere omnes, qui ab eo sanctificationis monte recesserint: *Vos qui dereliquistis Dominum, qui obliti estis montem sanctum meum, qui ponitis fortuna mensam, & libatis super*

*eam, numerabo vos in gladio, & omnes in cade corruesis.* Quia igitur Roma est Mons Domus Dei, ideo Mons Cæli reputanda: Mons, per quem necessariò debet ascendere, qui in Cælum vult ascendere. Nullus enim in Cæli montem ascensus, nisi per montem Ecclesiæ Romanæ: Nullus in regnum Cæleste aditus, nisi iis qui adorauerint in monte sancto Dimini, quoniam nulla salus nisi in Domini monte, qui est Ecclesia. Idcirco ne Loth pereat Sodomæ cum peccatoribus, dicunt ei Angeli, *In monte saluum te fac, ne & tu simul pereas:* Monitum, quod Deus per suos præcones Ethnicorum, Infidelium, Iudæorum, Hæreticorum & Schismaticorum auribus inculcat quotidie, vt scilicet saluent se in monte, id est in Ecclesia Romana, extra quam nullam prorsus salutem sperare licet.

Gen. 19

Nec solum Roma est Mons Cæli, per quem ascenditur ad Cælum, sed & Ianua ipsa, per quam necessariò oportet vt intret qui Cælum vult intrare. Hoc significat *Ianiculum*, qui est alius Romæ mons, dictum *Ianiculum*, quasi Ianua Cæli. Et quid mirum, si Roma sit Ianua Cæli, cum illic flagellatus ac crucifixus sit Petrus? Cum in eius iaceat ædibus qui est Ianitor Cæli, qui eius seruat clauēs, & cui à Domino data est illud aperienti & claudendi suprema potestas? Deuotus ergo peregrinus, Romam Dei Ciuitatem ingressus, cum sacra beatorum Apo-

stolorum limina, aliaque tam sanctæ Urbis sanctuaria visitat, iure ac meritò cum Iacob Gen. 28. potest exclamare; *Quam terribilis est locus iste! Non est hic aliud, nisi domus Dei & porta Cali.* Similibus ferè verbis compellat Bernard. Bernardus Eugenium Papam: *Locus, inquit, in quo stas, terra sancta est; locus Petri est, locus Principis Apostolorum, ubi steterunt pedes eius; locus illius est, quem constituit Dominus Dominum domus sua, & Principem omnis possessionis sue.* Epist. 237

## MONS AVENTINVS.

**A**ventinus quasi *Aduentitius*, sic dictus, inquit Varro, ab aduentu hominum, qui ante Romam conditam Dianæ Templum, in istius montis vertice consecratum, ex Latio undique veniebant visitatum. Nec dubium quin auctori eiusmodi nomen ab ipso Dei spiritu reuelatum sit. Quandiu Roma terreno potita est Imperio, quis, amabo, terrarum locus populis frequentior? Quis in toto Orbe celebrior? Quis fama clarior? Quis in toto orbe celebrior? Quis fama clarior? Quis hominibus notior? Magna proculdubio Ciuitas, ampla, spatiosa, immensa, & quàm nec maior, nec amplior, nec spatiosior, nec immensior: Nec tamen tantæ Urbis recta, tantæ Ciuitatis ædes aduenarum illuc aduenientium frequentiæ poterant sufficere. Ex municipiis, ex coloniis, ex toto terra-



rum Orbe Romam vndique adueniebant homines, adueniebantque quasi ouantes, quod Romam conspicientes, summum totius Orbis conspicerent miraculum: quod Roma mundi esset Metropolis, quod omnium populorum communis esset Patria, omniumque hominum communis Ciuitas; in qua Indi, in qua Scythæ, in qua Hispani, in qua Germani, in qua Gentes omnes tanquam in propriis hospitiiis excipiebantur; in qua inueniebant patriam sicut in patria, Ciuitatisque fruebantur iure, sicut in propriis Ciuitatibus vnde erant oriundi: quippe lege expressa sancitum erat, vt omnes qui sub Orbe Romano essent, ciues Romani haberentur.

Roma iam non est quæ olim fuit, fateor; non tam magna, non tam ampla, non tam spatiosa, non tam immensa; nec dubium quin pristinae magnitudinis multa desiderentur; si ædificiorum moles, si ædium numerus ciuiumque multitudo spectetur: Sed si aduenientium quotidie Populorum respiciatur frequentia, fatendum erit Romam semper esse Romam, semper frequentem, semper celebrem: imo longè frequentiore ac celebriorem, à tempore scilicet quo Christi fidem professæ est, quam vnquam fuerit Gentilitatis tempore, etiam dum esset in flore: Maximè vero anno Iubilæi; quo remissionis anno Ciuitatis templorumque portæ die ac nocte patent aduenientibus, iuxta Isaiaë vaticinium; *Aperientur porta sua in-* Isa. 60.

*giter, die ac nocte non claudentur, vt afferatur ad te fortitudo gentium, & reges earum adducantur: Et ad eam vndique confluunt populi, ex China, ex Iaponia, ex Peruuiio, ex Mexico, aliisque remotissimis regionibus, vnde non legimus vllum vnquam Romam aduenisse, etiam dum Orbis teneret Imperium: Non amplius vt Dianæ, vt Iouis, vt Martis, vt Veneris, vt Apollinis, aliorumque Gentilitatis Deorum fana, sed vt veri Dei, vt Deiparæ, vt Apostolorum, vt Martyrum, vt Confessorum Virginumque templa visitent. Et iam adimpletum est quod cecinit Isaias: Et erit in nouissimis diebus*  
*Isai. 2.* *præparatus mons Domini in vertice montium, & eleuabitur super colles, & fluent ad eum omnes gentes, & ibunt populi multi, & dicent, venite vt ascendamus in montem Domini. Nec Romam aduenientibus antiquæ Romanæ maiestatis quidquam desideratur. Quo enim æuo legimus, etiam Augusti sæculo, Romæ adfuisse Legatos tantorum tamque potentium Principum, vt hodie sunt Imperator, Galliarum Monarcha, Poloniæ & Hispaniæ Reges, cuius vltimi Regis regnum, si respiciatur terrarum amplitudo, maximè dum Lusitano potiebatur regno, maius & amplius proculdubio censebitur, quam vnquam fuerit antiquum Romanorum Imperium.*

## ROMA N O M E N

## Fortitudinis.

## CAPVT VII.

**R**OMA fortitudinis nomen apud Græcos, vt sublimitatis apud Hebræos, inquit Hieronymus : Græcorum enim linguâ *Ρωμή* significat Vires, Virtutem ac Fortitudinem ; imò Robur , quæ virium validissima est , fortitudinumque fortissima : Nam vt dicit Seruius , *Omne quod omnino forte est , robur illud vocamus*. Ideo Scriptura quemuis virum , validissimis fortissimisque pollentem viribus , *robore fortem*, seu *robore fortissimum* pronuntiat.

Tantæ virtutis, tantæ fortitudinis , tantique roboris vocabulum est *Ρωμή* , vt *Έγως*, vt Amor ipse, qui sua virtute, qui sua fortitudine , qui suo robore omnia posse gloriatur vincere : qui Marti ensen, qui Neptuno tridentem , qui Ioui ipsi fulmina manibus eripit, vt his versibus annuit Torquatus Tassus, Italorum Poëtarum facilè Princeps.

*Speffor Amor fà cader di mano a Marte  
La sanguinosa spada, ed a Nettuno  
Scotior de la terra il gran tridente,*



In Amin  
ca.

*Ed i folgori eterni al sommo Giove.*

ab eo suam deduxerit appellationem : Sic Plato in Crrtylo, Ἐρως, ἀπὸ τῆς ἰούνης, & ab eadem origine vocati Hæres fortissimi illi viri, quos pro Diis, aut saltem Semidiis, habuit Ethnicismus. Refert præterea Lipsius ex Olorio, apud Orientales Indos *Romes* seu *Rumes* appellari quoscunque milites bonos & forte.

Statim atque condita fuit Roma, Fortis apparuit, & re ipsa cum tempore Fortis euasit, fortissimaque donata est fortitudine, quoniam super montibus esset ædificata: quippe montes vrbibus sunt tot castra, tot arces, tot propugnacula, secundum ipsum Poëtam Romanum, qui ideo septem Romæ montes *arces* appellat,

Aeneid.  
6.

*En huius, gnate, auspiciis illa inclyta  
Roma*

*Imperium terris, animos equabit Olympo,  
Septemque una sibi muro circumdabis arces.*

Castalio, Sibyllinorum Oraculorum interpres, in hoc secutus Maronis sensum, Sibyllæ Επταλοφον, id est *Septicollem*, Septem arces vertit.

Sibyll.  
Orac.  
lib. 2.

*Qui sydera fecit  
Concussor terra, statuarum franges amo-*

*Et Roma populum, quæ septem continet ar-*  
*ces*

*Concutiet.*

Propheta Rex summam etiam in montibus videtur collocare fortitudinem. Postquam enim dixit Psalmo 124. *Non commovebitur in æternum qui habitat in Ierusalem*, statim rationem subiungit, cur in perpetuum non commouendus sit illius sanctæ Ciuitatis incolæ; *Montes in circuitu eius, & Dominus in circuitu populi sui*. Ideo scriptum quoque inuenitur, *Firmamentum erit in terris in summis montium*. Quoniam verò Roma *ἑπτάλο-*  
*ος*, quoniam Septicollis, idcirco omnino Fortis habenda. Nam vt ad præfatum Virgilij locum annotat Nascimbænus, *Non Ciuitas non fortis esse potest, quæ septem arces habet*. Nec tantum Fortis, quin potius Fortissima censenda, vt quæ ædificata est super montibus septem; qui numerus, vt obseruarunt Scripturæ arcanorum Scrutatores, summæ fortitudinis summique roboris numerus est. Admirabilem illam fortitudinem; prodigiosum illud robur, quo donatus fuit fortissimus robustissimusque Sanson, in septem crinibus fuisse positum Sacræ testantur Historiæ. Ipse Domini Spiritus, qui omnium fortium est fortitudo, omniumque robustorum robur, imbecilibus ipsis, vt fortes euadant ac robusti, non amplius quam septem elargitur dona: Vnde vocatur à Beda *Septiformis Spiritus*, sicut & eius septem

Psal. 32.

dona ab ipsamet Ecclesia dicuntur *Septiforme munus & Septiformis gratia*.

Tempus ipsum, quo excitata fuit Roma, summam fortitudinem summumque robur illi præfagiebat. Nam ædificata, vel saltem ædificari incepta est sub Libra, quod septimum est Zodiaci signum, si Manilio licet credere;

Astron.  
lib.4.

*Hesperiam sua libra tenet, quo condita  
Roma,*

*Orbis & imperium retinet: discrimina re-  
rum,*

*Lancibus & positas gentes tollitque pre-  
mitque.*

id est mense Septembri, qui quia septimus anni mensis est, apud Hebræos fortium ideo habetur mensis: quo mense Sansonem ipsum, omnium mortalium, qui vlllo vnquam extiterint sæculo, proculdubio fortissimum, natum esse tradunt: Hocque mense natam esse constat Mariam Virginem, fortissimam illam mulierem, quæ ob suam fortitudinem Dei fortissimi Genitrix fieri merita est, quæque suo fortissimo robore Serpentis fortissimi caput conterere potuit.

Regiones etiam quatuordecim, in quas diuisa est Roma, duplicis illi roboris veluti præfagium fuere. Nec solum quatuordecim montes: primis enim septem montibus, qui sunt Palatinus, Quirinalis, Cælius, Auenti-



nus, Esquilinus & Viminalis, additi sunt postea alij septem, scilicet Ianiculus, Pincius, Citorius, Hortulorum, Iordanus, Vaticanus & Testaceus. Et quia fortitudinem roburque suum in Septenario quasi positum animaduerneret Ciuitas illa, plena iudicij, ideo non amplius quam septem Reges habere voluit: præsaga forsan se sub Regibus terrarum Imperio nunquam potituram: experientia ipsa comprobato, Polyarchiam longè plures fortes generasse quam Monarchiam, ac Imperatorum inertiam, vniusque imperantis socordiam amissum tandem fuisse, quod Reipublicæ virtute ac multorum robore fuerat acquisitum.

Adeo fortis, adeo magnanima, adeo bellicosa fuit Roma, vt Martis ipsius credita sit filia: Et hoc facilè crediderunt populi ab ea deuicti, vt saltem eiusmodi fama & opinione dolorem, quem ex libertatis iactura sentiebant, aliquo modo demulcerent, & ab vna Dea se subactos esse æquiori mitiorque ferrent animo. Idcirco Mantuanus, & alij quamplurimi Romanam vocant *Vrbem Martigenam*.

*Martigenâ summum gessit in Vrbe locum.*

Et forsitan, quia credita talis, Augustinus lib.4. de Ciuitate Dei, cap.23. in auguratione Templi Iouis Marrem, sicut & Terminum ac Iuuentam, cedere quoque noluisse

1. Sai. 26.  
Prou. 21.  
3. Reg 9.

scribit : quasi illud belli numen bellatricem  
filiam derelinquere indignum existimasset.  
Adeo fortem semper se gessit Roma , vt me-  
rito *Fortitudinis Vrbs* , *Fortissimorumque ac*  
*Palmarum Ciuitas* dici queat. Ad quod for-  
tè respexerat Nero , cum de suo nomine Ro-  
mam vocari voluit *Neropolin* , id est Urbem  
fortium & strenuorum : *Polis* enim Græcè  
significat urbem : *Nero* autem veteri Sabino-  
rum lingua significabat Fortem & Strenuum.  
In prosperis , in aduersis Roma semper ca-  
dem , semper Roma , semper fortis , semper  
magnanima , semper robusta , semper in-  
trepida ; post cladem receptam ad prælian-  
dum denuò parata , ac si victoriam ipsa re-  
portasset , vtque optimè dicit Claudianus ,

*Innumeras , uno gereret cum tempore pu-  
gnas ,*

*Et Gallum terris prosterneret , equore Pæ-  
num ;*

*Nusquam succubuit damnis , & territa  
nullo*

*Vulnere post Cannas maior Trebiamque  
fremebat.*

Cum Romæ fortitudo , cum Romæ virtus  
putabatur extincta , validior postea fortior-  
que resurgebat : Ita vt ex proprij sanguinis  
effusione nouas vires acquisuisse videretur.  
Quid mirum ? Ius ipsum postulabat , vt esset  
*Roma* , vt esset *Fortis* , vt esset *Bellatrix* illa  
Vrbs ,

Urbs, quæ tot *Ρωμαίων* ac *Ρωμαίων* Genitrix, quæ tot *Fortium* Mater, quæ tot strenuorum *Martyrum* Nutrix, quæ tot generosorum *Athletorum* Hospita, quæ Domini virtutum exercituumque Castra, quæ Dei Fortis Domus & Ecclesia, quæ Christi victoris & triumphantis Sponsa, quæ Fidei Arx, quæ Religionis Propugnaculum, quæ Dæmonis Antagonista esset futura: & cui denique in terris militandum est perpetuò, donec in consumatione sæculorum cum Christo Sponso in æternum triumphet in Cœlis. Ratio, inquam, exposcebat, ut esset Roma, ut esset omnino Fortis Ciuitas illa, quæ omnibus fortissimis subactis Ciuitatibus, quæ obtento terrarum mariumque Imperio, Cœli tandem ipsius Imperium esset adeptura. Regnum quippe Cælorum fortissimum est regnum, fortissimeque munitum. Nemini nisi robore fortissimo illud licet adire: Vim inferat necesse est, qui in eius regiones ingressum vult consequi: Scriptum est enim, *Regnum Cælorum vim patitur, & violenti rapiunt illud.* Deus ipse, Cœli terræque Dominus, qui est Fortis Fortium, & Fortissimus Fortissimorum, nec debilem duntaxat sibi immolari victimam ferre potest. Feminas, quia debiles, omnino respuit. Masculos tantum, quia fortes, sibi præcipit sanctificari: Maledicitque propterea dolum, qui habet in grege suo masculum,

Mat. 11.

Deut. 15.

Leuit. 1.  
Malac. 1.



& votum faciens immolat debile. Socordium inimicus est : Inertes ignavosque à finibus arcet regni, nec nisi à fortibus colonis finit frequentari.



VNDE HABET ROMA,  
*vt sit Pάμην vt sit Fortis, aut po-  
 tius ipsamet Fortitudo.*

CAP. VIII.

**R**OMA, secundum nomen Fortis, nec solum fortis, sed fortissima; & quia fortis & fortissima, ideo proprio Fortitudinis nomine decorari meruit. Sed vnde, amabo, tantæ Romæ virtus? vnde tantæ vires? vnde tanta fortitudo? vnde tanta magnanimitas? vnde tantum robur? Et vnde habet Roma, vt sit ipsamet fortitudo, ipsamet magnanimitas, ipsummet robur? A Petra: ab altissima Petra, à Domino ipso, qui semper fuit, & in perpetuum futurus est Romanæ Ecclesiæ Petra, Fortitudo, Virtus, Robur & Saluator. A Petra, vnde excisus est Christus, sanctissima Petra: à Virgine Maria, quæ sicut & Filius Ecclesiæ petra est, eiusque filiorum Petra refugij: Petra illa deserti, de qua loquitur Esaias, *Emitte Agnum, Domine, Dominatorem terra, de Petra deserti ad montem filia Sion*: Petra, ex qua sine manibus, & absque vlla viri opera abscissus est Christus, lapis ille, de quo fit

mentio secundo Danielis Capite, & quæ ob altitudinem sanctitatis facta est mons sicut & filius; *Abscissus est lapis de monte sine manibus, & percussit statuam, & factus est mons magnus, & impleuit uniuersam terram*: Petra, inquam, solida semper atque integra, & quæ nullam sensit in conceptu carnis illecebram, vtpote quæ ex virtute Spiritus Sancti conceperit, omnis sensus & carnalis illecebræ tam expers, vt hac in re Petra quædam insensibilis fuisse videatur: Petra, cui concipienti & parienti nihil integritatis petræ imminutum est, quoniam nec admittens conceptum, nec emittens partum nouit aperiri: Nec tantum petra, sed etiam petra Deserti, vt scilicet per Desertum ipsa Virginis exprimeretur Virginitas. Etenim Virgo sanctissima, quoad splendorem decusque Virginitatis, verè desertum fuit, nulla humana industria excultum, sed à Spiritu Sancto duntaxat diuinitus fœcundatum. Esaia superius vaticinium ita explicat Abbas Guerricus, Diui Bernardi Discipulus, serm. 2. de Annuntiatione Dominica: *Emitte*, inquit, *Domine Agnum de petra deserti, id est abscinde peirram de petra, sanctum & inuiolabilem sancta & immaculata proferat Virginitas*. Emitte agnum de petra deserti, subiungit deuotus antistes, vt Christi agni & petræ ortus respondeat occasui, & conceptio sepulturæ; vt oriatur & concipiatur in petra Virginis, qui occasurus & sepelien-



dus est in petra monumenti. A petra Eccle-  
 siæ Romanæ fundamentali, à Petro scilicet  
 Apostolorum principe, ut qui Petra est su-  
 per quam Christus Petra suam ædificauit  
 Ecclesiam, ut eius ædificium esset firmum,  
 ut esset solidum, ac in perpetuum remane-  
 ret inconcussum. Ab omnibus denique San-  
 ctis, qui sunt tot lapides Sancti, qui confi-  
 ciunt Christi diadema, qui eleuantur super  
 terram eius, in magno pretio habendi in  
 Ecclesia, cum superponantur Christo lapidi  
 fundamentali.

Zach. 9.  
 Hieron.  
 in Cap.  
 Ezech.  
 28.

Validissima quæque Virtus, fortissima quæ-  
 que fortitudo, fortissimum quodque robur in  
 petra, licet terrestri, positum est. Vnde Iob Eli-  
 sa, ut quod patitur patienter ferat, hortati his  
 respondet verbis; *quæ est fortitudo mea, ut su-  
 stineam? nec fortitudo lapidum fortitudo mea  
 est.* Vir sapiens, ne domus cadati, imò in per-  
 petuū duret, super petram ædificat eam. Ideo  
 præcipit Rex Salomon, ut tollerent lapides  
 grandes, lapides pretiosos in fundamentum  
 templi. Dauid cum Gygante Goliath certamē  
 initurus, in petris quærit & inuenit robur,  
 vnaque tantum petra superbum illum vin-  
 cit Philistæum, qui Israëlitarum fortissimis  
 erat terrori, plus vno lapide valens quam  
 Saul ipse gladio, & omnes exercitus sui for-  
 tissimi bellatores. Quia verò tam potenti pe-  
 træ potentiam verè diuinam inesse omnino  
 credit fortissimus ille opilio, exprobrata ideo  
 prius hosti superbia, antequam cum eo com-

Iob. 26.  
 Matt. 7.

3. Reg 5.

1. Reg. 17

mittat prælium, hæc subiungit verba : *Et non erit vniversa Ecclesia hæc, quia non in gladio nec in hasta saluat Dominus : Quasi Ecclesiæ ipsi vellet significare non in gladio sed in petra eius virtutem esse repositam. Arabes ipsi suam Metropolim & regiam ideo vocarunt Petram, quod esset Vrbs fortissima ac munitissima. Fortis igitur ac robusta Roma, sed eius fortitudo & robur in petra sunt : In Petra scilicet Christo, in Petra Maria, in petra Petro. Fortis est Roma, quia est Ecclesia Dei, quia est Sponsa Christi, fortissimorum fortissimi. Fortis est Roma, quia Ecclesia cuius sedes est, ipsam Christi Genitricem potentissimam habet protectricem : quia ædificata est super solidam firmam ac fortissimam petram ; quæ Petra est Petrus ipse, Apostolus verè fortis, multiplicique fortitudine fortis, fortis scilicet animo, fortis fide, fortis amore, fortis auctoritate. Verè fortis animo, qui solus contra numerosam licitorum cateruam, à Pontificibus & Phariseis, vt Iesum comprehendere-  
rent, missam, enseni distringere ausus est ; & cui satis fuit animi, ut in oculis tot armatorum ipsius Pontificis seruum percuteret, eique vnâ abscinderet auriculam. Verè fortis fide, qui primus omnium confessus est Christum filium Dei viui, qui descendit ex nauicula, & ambulauit super aquas, vt veniret ad Dominum : Et quia fide Apostolos superauit omnes, ideo totum discipulo-*

Ioan. 18.

Matt. 16.

Matt. 14.

rum cœtum in fide confirmandum & sustentandum illi commisit Dominus ; *Roganti*, Luc. 22. <sup>1</sup>  
 inquit, *pro te, ut non deficiat fides tua, & tu aliquando conuersus confirma fratres tuos.*  
 Verè fortis amore, qui cum Domino in carcerem & in mortem ire se obtulit paratissimum : qui nimio fere exanimatus dolore, quod tam amandum & tam amatum Dominum in atrio Pontificis ter negasset, ut delictum expiaret, ad extremam vsque vitæ periodum amarissimas indefinenter profudit lacrymas : Et quia plus cæteris dilexit, sicut & plus credidit ; ideo ob singularem eius fidem & dilectionem dictum est illi soli, *Tibi dabo clauēs regni Cælorum, Pasce oves meas.* Verè fortis autoritate, qui ouium Domini supremus est Pastor, qui Christi summus Vicarius, qui regni Cælorum clauium Custos ; & qui aperiendi & claudendi, ligandi & soluendi supremam habet potestatem. Paulus ipse, Petri socius, & cui Petrus societatis dextram postea dedit, ut cum eo greges Domini esset custos, fuit quoque fortis. Fortiter enim deuastauit Ecclesiam Dei, spirans minarum & cædis. Fortiter persecutus est Discipulos Domini. Fortiter egit Christus, ut eum ad se conuerteret : quippe circumfulsit eum luce, in terram deiecit & excœcauit. Conuersus fortiter egit A& 9. <sup>1</sup>  
 causam Domini, fortiter euangelizauit, fortiter prædicauit, & tam fortiter, ut Augustinus, tanquam summum admirandum,



Paulum in Cathedra vidisse desiderauerit.

Fortis est Roma, fortis est Romana Ecclesia, quoniam fundamenta eius sunt in Petra: quoniam super petram, super quam fundata est, sunt oculi septem, & super Caput eius septem lucernæ, id est septem Spiritus Dei; septem scilicet Virtutes, septem robor, quibus fortissimorum fortissimus aduersus Mundi infernique potestates eam voluit corroborare. Spiritus ille septiformis, quem post ascensionem in Cælos ad dilectissimam Sponsam misit Christus, ut cum ea maneret in æternum; ut illi esset ductor, Doctor, Rector, Consolator & Protector usque ad consumationem sæculorum; ut filios septiformi repleret gratia, ut eos doceret, ut regeret, ut confirmaret, ut consolaretur ac protegeret.

Septem Spirituum Dei, quibus confirmatur & corroboratur Ecclesia Romana, figuræ fuerant septem Romanæ Urbis montes: Montes enim, ut alibi iam diximus, sunt arces: quis autem in Vrbe, quis in Ciuitate arce fortior locus? Summum est eius propugnaculum, summa fortitudo, summum robur, extremumque asylum, quod, muris ab hostibus iam occupatis, confugiunt Ciuēs, ut extremæ consulant saluti. Sciens ergo Roma, sciens Ecclesia, in septiformis Dei Spiritus septiformi gratia totum robur suum, imò æternitatem suam esse repositam, ideo septenarium in numerum sibi delegit.

Septem sacros admittit Ordines septem agnoscit Sacramenta. Septem Psalmos Pœnitentibus recitandos imponit. Septies in die, sicut olim Rex Propheta, laudis Cantica decantat Domino, quæ ideo vocat septem Horas, earum septem Horarum ultimam appellans *ompletam* seu *ompletoriam*, ut omnia septenario completa significet, nihilque ulterius expetendum aut expectandum. Ipsemet Christus non amplius quam sex verba in Cruce protulit, quorum ultimum fuit; *Consummatum est*. Omnes nostras petitiones septenario etiam voluit concludi; utque septima peteremus liberari à malo, à Diabolo scilicet, qui est omne malum. Siquidem, ut dicit Origenes, cum liberati sumus à Diabolo, liberati sumus ab omni malo, & sic incipimus frui Deo, qui est omne bonum, & quo ulterius nihil prorsus licet aut expetere aut expectare.

Augustinus, hunc Annæ Cantici locum explanans, *Donec sterilis peperit septem*, per Annam Ecclesiam, & per Septenarium Ecclesiæ perfectionem & vniuersitatem intelligendam esse censet. Idem sentit Gregorius in istud Iob, *qui facit Arcturum*. Quid, inquit, Arcturi nomine, qui in arce constitutus septem stellarum radiis fulget, nisi vniuersalis Ecclesia exprimitur? Ideo Ioannes in Apocalypsi de septem Ecclesiis tantum mentionem facit. Ideo Paulus ad septem duntaxat Ecclesias scribit, Romanorum

videlicet, Corinthiorum, Galatarum, Ephesiorum, Thessalonicensium, Philippenſium, & Colossensium. Ideo vniuerſum Apoſtolorum Concilium ſeptem duntaxat Diaconos elegit: His omnibus ita factis. vt condiscerent Fideles, ſummam Eccleſiæ matris perfectionem, ſummam eius fortitudinem ſummumque robur in ſeptenario eſſe poſitum. Chriſtus ipſe, Eccleſiæ Sponſus & Magiſter, licet plures haberet Diſcipulos, eadem fortassis habita ratione, vltimo conuiuium, quod poſt reſurrectionem ad Tiberiadis maris oras fecit, ſeptem tantum adeſſe voluit, nimirum Petrum, Thomam, Nathanaelem, Iacobum & Ioannem Zebedei filios, & alios ex Diſcipulis duos. Petrus ipſe, cui tanquam Eccleſiæ Capiti ac ſupremo Rectori præcipuè incumberebat peccata remittere, quaſi peccatorum remiſſionem ſeptenario determinatam eſſe crederet, ideò Ieſum Dominum compellans nomine Eccleſiæ, cuius perſonam gerebat, dixit ei; *Domine, ſi peccauerit in me frater meus, quoties remittam ei? vſque ſepties?* Et Ieſus ſeptenarium per ipſummet ſeptenarium multiplicans illi reſpondit, *Non dico tibi ſepties, ſed vſque ſeptuagies ſepties*; hoc eſt multoties, aut potius ſemper, & quotieſcunque ingemeret peccator: Numerus quippe ſeptenarius in Scripturis vniuerſitatem, infinitatem perpetuitatemque designat.

Nec ſolum ſeptenarius Romanæ Eccleſiæ,



sed & Romanæ Urbis etiam numerus est; Cui numero tantæ Ciuitatis fata visa sunt quasi alligata & annexa. Super montes septem ædificata est. Septem illi fuere sacra pignora, quæ, vt ait Seruius, Romanum tenuerunt Imperium, Acus scilicet matris Deorum, Currus fictilis Veiorum, Cineres Orestis, Sceptrum Priami, Velum Ilionæ, Palladium Troiæ, & Ancilia. Et fortassis Germanus, vt Romanum Imperium apud se firmum, stabile ac immotum redderet, ideo septem Electores, qui Imperatorem eligerent, constituit. In his septem regiones Roma diuisa est. Præter Romam, quod eius proprium est nomen, alia septem obtinuit nomina, nimirum Amaryllida, Anthusam, Saturniam, Cephalon, Neropolin, Commodianam & Gothiam: de quibus nominibus superius in primo Capite. Septem Reges habuit. Et postquam annos septingentos, primò sub Regibus, atque inde sub Consulibus fuisset, quibus septingentis annis Orbis imperium adepta est, rediit tandem, Augusto imperante Reipublicæ status ad Principatum, seu vnus Imperium. Atque inde deducto ab Augusto ad alterum septingentesimum calculo, comperiemus penitus pessundatum fuisse Romanæ Urbis imperium, illudque obtinuisse Pontificem Romanum, videlicet post æuam Gregorij Magni, anno circiter septingesimo Christi, qui sub Augusto natus est. Et hoc est quod scri-

psit Plato , statam scilicet ac definitam esse magnarum Rerumpublicarum periodum ac conuersionem circa septimum sæculum. Septies capta Roma , direpta & quasi penitus euerfa. Primò à Gallis Senonensibus , anno Urbis conditæ 354. quod tempus , vt Flori iisdem vtar verbis , Populo Romano nescio vtrum clade funestius fuerit , an virtutis experimentis speciosius. Ea certè vis fuit calamitatis , vt in experimentum illatam putem diuinitus , scire volentibus immortalibus Diis , an Romana virtus imperium Orbis mereretur. Secundò à Visigothis , anno Christi 454. Tertiò à Vandalis , anno 498. Quartò ab Erulis , anno 562. Quintò ab Ostrogothis , anno 616. Sextò à Totila , anno 628. Septimò ab Imperatore Carolo-Quinto , anno 1527. die Maij sexta. Nec mirum si septies ab hostibus Roma tam crudeliter diuexata fuit , cum Septenarius sit etiam afflictionis persecutionisque numerus : Scriptum est enim , septem diebus comedes afflictionis panem. A Saule persecutiones septem passus est Dauid , & septem diebus Laban persecutus est Iacob suum generum. Gen. 31. Non mirum , inquam , si toties percussa , si toties direpta , si toties destructa fuerit illa Vrbs , quæ est Ecclesiæ Christi caput & sedes. Proprium enim Ecclesiæ est , vt afflicta & diuexata sit : Propria Ecclesiæ filiorum hæreditas , vt persecutionem ac tribulationem patiantur , vt odio habeantur , vt con-

tumeliis afficiantur , vt crucientur , vt flagellentur , vt dilanientur , vt crucifigantur propter Christum Dominum. Hæc omnia quasi in hæreditatem reliquit illis ipsemet Christus , eorum frater , pater ac Dominus :

*Non est*, inquit , *Seruus maior Domino suo*; Ioan. 15.

*Si me persecuti sunt , & vos persequentur*: Luc. 6.

*Beati autem eritis , cum vos oderint homines , & cum separauerint vos , & exprobrauerint , & eiecerint nomen vestrum , tanquam malum , propter filium hominis.* Hoc autem habet , vnde in mediis persecutionibus se consoletur Ecclesia: Descendat pluuia , veniant flumina , flent venti , latrent Schismatici , adorianatur Hæretici , persequantur Tyranni , irruant in eam omnes Inferni potestates , nunquam cadet , in æternum stabit , quia Romana est , quia fortissima est , quia fundata est super petram firmam & inconcussam , & fortissimum protectorem habet Christum , angularem eius petram , eius fortitudinem , eius robur , eius salutem & saluatorem. Romanam Ecclesiam tormentis quatiant Tyranni quantum velint , illam nunquam poterunt euertere , quoniam ipsa est Cant 8.  
tota murus , murus inexpugnabilis , & eius vbera turres munitissimæ , quæ quò magis premuntur , eò magis vim suam & fecunditatem declarant. Conentur quantum possint ei collum præcidere , eorum conatus erunt semper irriti : Collum enim eius est Cant 7.



turris eburnea , & ebur nimis fortè nimisque validum , vt gladio possit cedere. Quò durioribus diuexatur persecutionibus , eò magis in ea tuenda diuina virtus elucescit. Persequentium vires tandem frangit. Inimicus fit ille lapis oneris , de quo loquitur Zacharias, quam qui leuant confissione lacerantur. Ponam Ierusalem, scribit Hieronymus ad hunc Zachariæ locum , Ponam scilicet Ecclesiam cunctis gentibus , quasi grauissimum lapidem subleuandum : Leuabunt quidem eam , & pro virium varietate vastabunt ; sed necesse est , vt dum leuatur , in ipso nixu & leuatione ponderis , grauissimus lapis scissuram aliquam in leuantium corporibus derelinquat. Non minuitur Ecclesia persecutionibus , imò augetur. Ita Iustinus in Dialogo cum Tryphone : *Vt , inquit , Vineæ putatione ad ubertatem prouocantur , ita Ecclesia persecutionibus crescit* Ita Diuus Leo serm. 1. de SS. Petro & Paulo. *Non minuitur persecutionibus Ecclesia , sed augetur , & semper Dominicus ager segete diuiniore vestitur , dum grana , quæ singula cadunt , multiplicata nascuntur.* Ita D. Chrysostomus serm. in Iuuentium & Maximum Martyres : *Sicut planta rigata magis crescent , ita & fides nostra oppugnata magis floret , neque horti aquis irrigari ita germinant , vt Ecclesia , si Martyrum sanguine irrigentur.* Ita vt iure ac meritò de Romana

Ecclesia possimus dicere, quod olim dixit  
Claudianus de Romana Vrbe:

*Nusquam succubuit damnis, & territa  
nullo*

*Vu'nere, post Cannas maior Trebiamque  
fremebat.*



# ROMA N O M E N

*Celeritatis.*

## CAPVT IX.

**P**OMH apud Græcos velocissimus verus, summæque celeritatis nomen est. Veteribus enim *ῥώμα* festinanter celerique agitari motu significasse autor est Scapula in suo Lexico. Imo subtilis Goriopius Hermathenæ libro tertio *Romam* linguâ Cimbrica celerrimam velocissimamque significare scribit; illudque nomen compositum ex Cimbrico OM, id est motus circularis, omnium motuum proculdubio velocissimus, & liquida R, quæ litera secundum Platonem ipsum est instrumentum ad celerissimos motus designandos aptissimum.

Roma Celeris, quia est Ecclesia Christi: Ecclesia namque summa opus habet celeritate, vt celerrimè fugiat à persecutoribus, qui Aquilis ipsis sunt velociores. Quoniam vero Aquila volucrum velocissima est, ideo Ecclesiæ datæ sunt alæ duæ Aquilæ magnæ, vt volaret à facie serpentis in desertum locum, velocissimoque suo volatu à Dæmonis infensissimi ac velocissimi hostis persecutionibus se liberaret.

A Liuiio,



Roma celeris, imò celerrima: Roma velox,  
 imò velocissima, perpetuoque agitata motu.  
 Sed quodnam, quæso, motus tam celeris tam-  
 que velocis principium & fundamentum?  
*Amor*, quod est ipsius Romæ nomen pro-  
 prium, elementis inuersis. Roma, ut iam  
 probauimus, & denuo posthac sumus pro-  
 baturi, est Dei Ecclesia & Christi Sponsa:  
 Dilectissima & fidelissima Sponsa, quæ di-  
 lectissimum Sponsum tam ardenti comple-  
 ctitur amore, ut præ tanti amoris magnitudi-  
 ne quasi languore confici ipsamet fateatur?  
*Feciste me floribus, stipare me malis, quia* Cant. 2.  
*amore languero. Adiuro vos, filia Ierusalem,* Cant. 5.  
*si inueneris dilectum meum, ut nunties ei,*  
*quia amore languero.* Et quia omnino nouit  
 dilectissimum Sponsum homines tam vehe-  
 menter dilexisse, ut pro iis redimendis &  
 saluandis in cruce tanquam reus mori volue-  
 rit; ut in omnibus tam dilecti Sponsi per-  
 fecta sit imitatrix, eosdem homines singu-  
 lari quoque prosequitur amore. Operam om-  
 nem impendit, vires omnes confert, cona-  
 tus omnes adhibet, nulli parcat labori, nul-  
 lum discrimen in quod non veniat, nullum  
 periculum quod lubenti non subeat animo,  
 ut ad Deum conuertantur omnes, ut in fi-  
 lios Dei adoptentur, & aliquando possi-  
 deant regnum, quod electis ab æterno præ-  
 paratum est. Quod ut consequatur, quia  
 Celeris & Velox, celeri velocique pede per

totum discurrit Orbem. In Orientem, in Occidentem, in Meridiem, in Septentrionem velociter currit; nullusque terræ angulus, licet remotissimus, & quasi incognitus, quò celeriter non se conferat, cum de hominum agitur salute. *2. Reg. 1.* Cursores velocissimos, quasi Capreas quæ in siluis ac montibus morantur, orbis vsque fines delegat. *Isai. 18.* Ad omnes gentes, quas à Dæmone conuulsas, dilaceratas & conculcatas esse nouit, quæque eius implorant auxilium vel expectant, Angelos veloces, nuncios Aquilis ipsi velociores mittit. *2. Reg. 1.* Quid plura? Quocunque vocata, & à quocunque expectata sit Ecclesia Romana, celeris auxiliatrix celeriter aduolat: Afflictis consolatrix adest: Ægrotis Medicinam profert: Sauciis oleum balsamumque suppeditat: Pugnantibus animum corroborat: Periclitantibus manum porrigit: Peregrinaturis viaticum præbet: oues errantes & quasi perditas in ouile conatur reducere. Sed in omnibus semper velocem se gerit, & quodcunque facit celeriter facit, & meritò. Æquum enim & iustum est, ut sit celeris, quæ est Ecclesia Dei celeris, ut sit velox, quæ est Sponsa Sponsi velocis.

Deus est celer & velox, imò celerrimus & velocissimus. Maleficis testis est velox: *Malac. 3.* Reis iudex est velox: Et cum visitat, adedò *Leuit. 26* velociter visitat, ut celeritate velocitateque quosvis celerrimos ac velocissimos superet

ventos. Ideo Propheta Rex ad Dominum clamat : *Velociter exaudi me Domine , Domine ad adiuuandum me festina* ; quasi vellet dicere : Scio Domine , quia tu es Deus Velox , & Deus Festinans , ideo velociter exaudi me , festinanter festina ad adiuuandum me : Tribulor enim , & omnino deficit Spiritus meus , nisi velociter me exaudieris , & ad adiuuandum me festinanter festinaueris. Psal. 142.

Quoniam autem Deus velox est , & velociter currit , idcirco ex Etymologistis Græcis quidam nomen Dei , quod est *Θεός* , à verbo *θίω* , id est Curro , deductum volunt ; nec absque fundamento. Velocissimus enim ac celerrimus cursor est Deus. Per totum vniuersum discurret , currit ad cœlestes sphaeras , currit ad stellas , currit ad astra , currit in terram , currit in mare , currit in Infernum : Sed bone Deus ! quam mirabilis cursor , & quam terribilis ! Tot diuersos cursus vnico ac momentaneo conficit cursu : & licet indefinenter currat , semper tamen quiescit , & in vno eodemque statu permanet. Cœlum currit fateor ; Sol currit , Luna currit , Stellæ currunt , omnesque perpetuò currunt cursu : ideoque Veteres eos *Θεοὺς* vocasse , id est currentes , & pro Diis habuisse autor est diuinus Plato. Sed omnibus istis velocissimis cursoribus longè velocius currit Do-



minus. Omnium sistit & detinet cursum  
quando vult, in gratiam suorum Solis ip-  
sius cursum detinet ; Eius autem cursus à  
nullo nisi à seipso detineri potest.



# ROMA FAMÆ GLO- ria laudisque vocabulum.

## CAPVT X.

**R**OMA, sicut Hebræis sublimitatis, & Græcis fortitudinis, ita & Germanis gloriæ famæque vocabulum est. Hoc ipsum obseruat Lipsius lib. 1. de Magnitudine Romana, cap. 2. Siquidem Germanicè *Rom* seu *Rum*, vnde Becanus Goropius *Rome* nomen deductum vult, & vnde forsân Latinorum *Rumor*, gloriam ac famam significat. Sed si *Rum* gloriæ nomen est, ideo & laudis Laus enim gloriæ comes est indiuidua, & hoc proprium habet gloria, vt sit laudabilis & laudetur.

Septingentos per annos tantum operum pace belloque gessit Roma; ita latè per Orbem arma circuntulit, vt Romana virtus de Orbe Urbem, & de Vrbe Orbem fecerit, visumque sit Romanæ Urbis & Orbis idem omnino spatium. Tantam inde existimationem, tantum inde decus, tantam inde gloriam, tantum inde splendorem assecuta erat victrix & inuicta Ciuitas; apud omnes totius Orbis populos tantam inde sibi conciliauerat reuerentiam, vt Parthi ipsi, alias

Romanorum hostes infensissimi , quasi victoriæ eos pœniteret, rapta clade Crassiana, ultro signa retulerint. Eò vsque peruenerat Romæ fama , eò vsque illuxerat nominis splendor, ut ij, qui Imperij erant immunes, sentirent tamen magnitudinem, & victoriam Gentium Populi Romani reuererentur. Nam & Scytæ , & Sarmatæ , & Seres , habitantesque sub Sole Indi, quibus antea Romanorum nomen erat incognitum, ad Augustum , qui totum Orbem paci quasi templum consecrauerat, munera & legatos mittere. Sed ( mira res dictu ) quasi terræ amplitudo Romanæ gloriæ non sufficeret ; quasi terrarum mariumque totus Orbis tantum splendorem non posset capere ; quasi inferiores Sphæræ cælestes Romano nomini adhuc essent nimis angustæ Sphæræ, eius fama tam altè volauit , ut Empireum vsque peruolauerit, quasi generis Humani nuntia, quæ Patri Æterno nuntiaret , Romana virtute iam esse peccatum Orbem ; vniuersam terram iam alta pace frui , iam instare reconciliationis ac remissionis annum , iam adesse tempus quo de Cœlis in terram emitendus pacis Princeps æternus, qui tam altam pacem in eius virtute factam in perpetuum confirmaret; qui homines Deo & Deum hominibus reconciliaret, hominibusque ipsis à Deo ipso plenam peccatorum remissionem consequeretur. Ut ut sit, sub Augusto Orbis pacatore incarnatus & natus est Christus,



nec procul dubio feliciori sæculo potuisset nasci qui erat sæculorum conditor. Nunquam enim felicius administratum fuisse legimus terrarum Orbem quam Augusti temporibus. Huius Imperatoris regnum, inquit Eusebius & Sanctus Leo, à Deo ipso ita fuerat præparatum, quò facilius per totum Mundum deferretur Euangelium. Eo ipso tempore, quo natus est Christus, & tempore fortassis, quo Pastoribus Bethlehemitibus tantam natiuitatem annuntiabant Angeli, Romæ, in loco scilicet ubi iam est *Ara Cæli*, in Cælo visa mulier; infantem gestans in vlnis, visaque ipsi Augusto: quasi Cælum ipsum Romanis simili nuntiasset prodigio, Romam haud multos post annos Ecclesiam Dei fore, iamque esse natum, qui ab æterno Sponsus illi erat delectus.

Euseb.  
lib.3.  
c.9. de-  
monit.  
Euang.  
S. Leo  
serm.1.  
de SS.  
Petro &  
Paulo.

Vt nullo sæculorum ævo visa est Ciuitas, cuius fama longius altiusque peruenerit, & quæ tantum gloriæ sit adepta sicut Roma; ita nec visa, quæ tot laudibus elata, quæ tot encomiis decorata, quæ tot honoribus affecta sit. Et si Rethorum Apostrophe Ciuitates fas sit compellare, cum Propheta Rege Romæ ipsi mihi liceat dicere, *Gloriosa dicta sunt de te Ciuitas Dei*. De Roma multa quidem gloriosa dicta sunt, & quasi infinita; sed gloriosa, quæ excelsitatis sanctitatisque Romanæ tot gloriosa fuere vaticinia, & quæ ab ipso Dei spiritu videntur quasi inspirata.

A Liuiio, Plinio, Solino, Trogo, Cassiodoro, Gratio, Fortunato, Ethico, Prudentio, & aliis penè innumeris Roma appellatur Caput Mundi, Caput Orbis, imò Orbis ipse, si non totus Orbis, saltem Orbis Compendium & Epitome, eiusque summum miraculum; nec immeritò Verè enim Orbis Roma, cuius & Orbis, vt iam diximus, idem omnino spatium.

Quid. 2.  
Fall.

*Gentibus est aliis tellus data limite certo,  
Romana spatium est Vrbs & Orbis idem.*

Verè Orbis Compendium illa Ciuitas, quæ in se fere totum continebat Orbem; in qua, iuxta Athenæum & Palemonem, omnes Orbis Vrbes videbantur collocatæ, & cuius ciuium numerus vniuersorum hominum ferè adæquabat numerum. Orbis haud dubiè summum miraculum illa Vrbs, cuius mirum exiguitate principium, cuius mirificus virtute progressus, cuius admirandum imperio culmen, cuius admirabile imperandi ratione imperium, cuius singula tum publica cum priuata ædificia spectantibus aduenis tot visa sunt miracula.

*Omnia Romana cedant miracula terra,  
Natura hic posuit quicquid in Orbe fuit.*

A Seneca *Mundi Officina. omniumque hominum communis patria; ab Aristide totius ter-*

re commune oppidum : à Sophista Palamone *Vrbs Urbium* appellatur, & iure. Quomodo enim non fuisset Mundi officina illa *Vrbs*, quæ intra muros capiebat quicquid suo Mundus capiebat ambitu? Quomodo non fuisset hominum communis Patria eorumque commune Oppidum illa Ciuitas, in qua vniuersi totius Orbis Populi inueniebant patriam sicut in patria ipsa, vnde erant oriundi, & quæ quotquot in Orbe essent homines æquæ ac proprios Ciues pro Ciuibus habebat? Vnde postea dixit Rutilius.

*Fecisti patriam diuersis genibus vnã,  
Profuit inuitis te dominante capi.  
Dumque offers victis proprii consortia iuris,  
Vrbem fecisti, quæ prius Orbis erat.*

Quomodo denique non fuisset *Urbium Vrbs*, quæ cæterarum omnium Orbis *Urbium* erat *suprema Domina*?

Martiali dicitur *Terrarum Gentiumque Dea*, cui nec par nec secundum aliquid,

*Terrarum Dea Gentiumque Roma,  
Cui par est nihil, & nihil secundum.*

Quasi præsensisset ille Vates verè acserid Romam fore Deam, quæ Dei Ecclesia, quæ Christi Dei est hominis Sponsa, quæ filiorum Dei Mater esset electa: nihilque ei par aut secundum futurum;



quippe hæ sunt dignitates, quæ nec parilitatem nec dualitatem ferre queunt. Sicut enim vnus est Deus, vnus Christus, vnus Pater, tantiquè Patris filij vniuersi sunt vnum in Christo Iesu; ita & vna tantum Roma, vna tantum Ecclesia, vna tantum Sponsa, vna tantum Mater.

Ausonio dicitur *Diuum seu Deorum Domus*. Cur non Domus Deorum Roma, si ipsamet est Dea? Si tot Sanctos à Deo ipso sanctissimo Deorum nomine cohonestatos excepit & excipit hospitio?

Ammiano dicitur *Omnium virtutum Lar*, *vniversaque terra vniuersum templum*; ac meritò. Verè Roma virtutum est Lar, quæ proprio nomine est Virtus ipsa. Verè est vniuersæ terræ vniuersum templum illa Vrbs, quæ est domus Dei, Orbis vniuersi conditoris atque Domini: quæ vniuersæ Ecclesiæ sedes & Caput est: Cuius Capitis singula membra, secundum Apostolum, sunt tot templa Dei, in quibus Dei habitat Spiritus: Cuius denique ipse Deus est ipsummet templum.

Tullio dicitur *Lux Mundi & Lumen Gentium*: quasi illi Oratori, licet tenebris obuoluto, futuræ Romanæ lucis aliquis interluxisset radius. Verè enim lumen Gentium, verè lux Mundi Ciuitas illa, quæ in Montibus posita, ne abscondatur, Mundo vniuerso fax illucescit: quæ Euangelij luce totum illuminat Orbem, quæ veritatis luce

omnes illustrat populos , in cuius lumine ambulant omnes Gentes , & cuius filij ipsius lucis sunt filij. Illuscescit autem Roma , illuminat & illustrat , quia est Ciuitas Domini , & Ciuitas Domini non eget Sole Apoc. 21. neque Luna , vt luceant in ea : Claritas namque Dei illuminat illam : Dominus ipse est lux eius , & eius lucerna Agnus , id est Christus , qui est Stella matutina , qui est Sol iustitiæ , qui est lumen Gentium , qui est lux Mundi , lux vera quæ omnem hominem in hunc mundum venientem verè ac perfectè illuminat.

Claudianus Romam vocat *Matrem* , *armorumque ac legum Parentem*: Dionysius Halicarnassæus , *Matrem omnium Urbium* ; & Rutilius , *Mundi Orbisque Altricem*. Quis nisi proçax Hereticus inficiari audeat , Romam esse Matrem , esse Altricem , armorumque ac legum Parentem ? Nonne Mater quæ lactat ? Nonne Altrix quæ alit ? quæ in omnibus terræ regionibus pane ipso Angelorum nutrit filios , quæ Christi Sponsi Sanguinem proprio lacte commixtum bibendum porrigit , quæ vbera alumni indefinenter præbet sugenda , vt ex iis veritatis ac salutis lac desugant in perpetuum ? Nonne armorum Parens , quæ sibi ipsi fabricat arma , quibus Tartarei Draconis numerosæque eius cateruæ insulcibus obsistat , filiosque ab iis capitalibus inimicis defendat ? Nonne legum Parens , quæ statuit ac veluti

Isai. 2.

parit leges, quibus parère, & quas seruare debent homines, qui filiorum Dei numero volunt ascribi? Sion enim & Ierusalem, vt sciunt Doctores, in Scripturis Ecclesiæ sunt symbola, & scriptum est; *De Sion exhibet lex, & Verbum Domini de Ierusalem, & iudicabit, & arguet populos multos.*

Hieronymus pluribus in locis Romam salutat *Vrbem Potentem, Vrbem Dominam*. Si Mater est Roma, cur non & Domina? Verè ac seriò Domina est, quæ vbique dominatur, & cuius dominium nullis prorsus finibus determinatum est. Verè Potens Domina, cuius imperium in Cælum vsque protenditur, quæ in Inferis ipsis potestatem habet. Sed quia Roma Domina est, ideo & Romani sunt Domini: Hoc ipso vocabulo eos vocat Virgilius *Æneidos* 1.

*Romanos rerum Dominos, gentemque regatam.*

Dominos, vt dicit Augustinus, quorum propriæ sunt regnandi atque imperandi artes; in hoc secutus ipsum Maronem, qui ait *Æneidos* 6.

*Excitant alij spirantia mollius æra,  
Credo equidem; viuos ducunt de marmore  
vultus,*

*Orabuntque causas melius, & surgentia sidera dicent.*

*Tu regere imperio Populos Romane memento;*



*Ha tibi erunt artes , paciſque imponere  
morem ,*

*Parcere ſubiectis , & debellare ſuperbos.*

Verè Dñi , ac potentes Dñi, Eccleſiæ Romanæ  
Filij , potenterque imperandi didicerunt ar-  
tem ij, quibus montes, quibus venti, quibus  
Dæmones, quibus ipſi obediunt mortui, & ad  
quorum nutum ſanantur infirmi , ambulant  
paralytici , vident cæci, loquuntur muti, &  
audiunt ſurdi. Dummodo enim tantum ha-  
beant fidei quantum granum ſinapis , di-  
cant montibus, tranſite hinc illuc, & tran-  
ſibunt ilico : Ventis prohibeant ne flent,  
non flabunt : Dæmonibus imperent vt ex-  
eant, & ſtatim exhibunt : Præcipiant mor-  
tuis vt reſurgant , & ſtatim reſurgent. Po-  
tentia credentium potius eſt Omnipoten-  
tia quam potentia ; quippe omnipotentes  
cenſendi ſunt ij, quibus nihil eſt impoſſibile.

Atheneus Romam appellat *Vranopolin*,  
id eſt Urbem Cæleſtem , ſeu Urbem Cæli :  
forſan prænuntians Romam aliquando in  
Cælo ipſo poteſtatem habituram : nec ſolum  
hoc, ſed fore quaſi Cælum ; quod, vt opi-  
nor , voluit ſignificare Propheſia , cum di-  
xit ; *Erit Firmamentum in terris, in ſummis* Pſal. 32.  
*montium* : Dicit enim Deus , *Cælum ſedes  
mea* : Atqui Roma eſt Eccleſia, Eccleſia eſt  
Domus Dei, in Domo Dominus habet ſe-  
dem ſuam : Ergo Roma Cælum, quia Do-  
mus & ſedes Domini : Ergo Firmamentum

in summis montium , in verticibus scilicet Altarium , in tabernaculis, in sanctissimo Eucharistiæ Sacramento , in quo sicut in Cælo ipso Dominus suam constituit sedem. Nec mirum si olim Romani Romam æternam credidêre. Roma est Ecclesia Dei , & quia Deus est æternus , ideo & æterna eius Ecclesia. Ratio ipsa postulat , vt qui est Dominus æternus habeat domum æternam ; vt qui conditor est temporum habeat sedem à temporum legibus prorsus immunem. Athaulphi Gothorum Regis idem fuit sensus. Licet enim is Rex Romæ infensissimus esset hostis , *Gothiæ* tamen nomine illam insignisse dicitur : quasi iste impius Diuinam Urbem , aut potius Dei Urbem Romam confiteri fuisset coactus : Siquidem *Goth* seu *Gott* Gothorum linguâ nomen Dei est. Et fortassis de Athaalpho , sicut de aliis Romæ aduersariis intendebat loqui Propheta Isaias , cum dixit ; *Venient ad te curru filij eorum , qui humiliauerunt te , & adorabunt vestigia pedum tuorum omnes qui detrahebant tibi , & vocabunt te Civitatem Domini.*

Isai. 60.

Narrat Picrius in suis Hieroglyphicis Romam cognominatam fuisse *Anihusam* , id est Florentem , à verbo *anúsaw*, vel *anúsaw*, quod Latine sonat *Floreo*. Semper equidem , & ita floruit Roma , vt Augustinus Romam in flore videre desiderarit , tanquam admirandorum maximè admirandum , post Christum in carne , & Paulum in cathedra. Sed nul-

lo vnquam auro tantum floruit, vt quando Dei facta est vinea, domus & Ecclesia. Eo enim tempore verè ac omnino fuit *Florens*, florens Martyribus, florens Confessoribus, florens Virginibus; sanctissimis floribus, suauiterque fragrantibus, qui apparuerunt in terra sua, & quibus, quæ Christi Ecclesia & Sponsa, optauit fulciri, quod pulchrior & gratior in Sponsi veniret conspectum; *Ful-* Cant. 2.  
*cite me floribus, stipate me malis, quia amo-*  
*re languo.*

Quid plura? Tanta fuit Romæ gloria, & de illa Ciuitate gloriosa dicta sunt tot gloriosa, vt nulla prorsus inuenta sit penna, quæ de illa gloriosa non scripserit; nullus penicillus, qui gloriosas eius victorias non depinxerit; nullum scalprum, quod æri aut marmori gloriosos eius triumphos non insculpserit; nullum os, quod de illa gloriosa encomia non protulerit; nulla lingua, quæ de illa gloriosè non sit locuta; nulla vox, quæ gloriosas eius laudes gloriosè non decantaret: Nec vlla (quod mirum) inter tot voces vox vnquam extitit, quæ satis gloriosè illam potuerit laudare: quippe omnem superat laudem, nec eius laudem, vt dicit Claudianus, vox vlla potest capere:

*Quâ nihil in terris altius ather,*

*Cuius nec spatium visus, nec corda deco-*  
*rem,*

*Nec laudem vox vlla capit.*



Ad Mar-  
cellam.

Quid mirum, si reliquis Mundi Urbibus tam paucæ, si Romæ tam multæ tributæ sint laudes? Romæ totius Orbis Metropolis & Caput est: Totius autem Prouinciæ gloria, inquit Hieronymus, Metropoli vindicatur, & quicquid in membris est, omne refertur ad Caput.



CAP.

## V N D E H A B E T R O M A

vt sit Roma, id est, Laudabilis.

## CAPVT XI.

**L**AUDABILIS Roma sicut & gloriosa, laudabilisque secundum nomen, & adeo laudabilis, vt Apostoli voce etiam merita sit laudari. Ideo Hieronymus, quasi tanti honoris Romam vellet admonere, sub finem Libri secundi aduersus Iouinianum, sic illam affatur; *Vrbs potens, Vrbs Orbis Domina, Vrbs Apostoli voce laudata, interpretare vocabulum tuum.* Dominus ipse tanti Romam fecit, vt, quasi Petrum Apostolorum Principem ad eam misisse non satis esse iudicasset, Paulum quem in vas electionis sibi elegerat, illuc etiam voluerit mittere legatum. Huius legationis rescriptum habetur Actuum Apostolorum Capite vigesimo-tertio; *Constans esto, sicut enim testificatus es de me in Ierusalem, sic te oportet & Romæ testificari.* Perinde ac si dixisset Dominus; Scio, Paule, te iam multa pro meo nomine operatum & passum esse: Scio te multis iam populis Euangelium meum prædicasse: Sed quid hoc, nisi etiam & Romæ istud mihi exhibeas ministerium? Roma,

vt scis , est Caput Mundi : Membra autem ex se sunt immobilia , & à solo Capite habent , vt moueantur : quid ergo proderit meum Verbum prædicasse membris , & non prædicasse Capiti ? Egregium sanè ac præclarum de Romæ meritis testimonium. Videamus ergo vnde Romæ tantum laudis meritum ? Vnde tanta gloriæ dignitas ? Vnde tantum honoris culmen ?

A Petra habet Roma , vt fit laudabilis & lauderetur : à Petra altissima , scilicet Christo , qui est illius laus , illius gloria , illius honos , sicut & fortitudo , virtus , robur ac salus. A tempore , quo Roma facta est Ecclesia Christi , & eius Capitis visibilis suprema sedes , statim gloria Domini super illam orta est , eiusque portas occupauit laudatio.

Isai. 60.

Quia Roma est domus Maiestatis Dei , ideo glorificauit eam Deus : ideo pollicitus est illi esse in lucem sempiternam ac gloriam : Ideo attulerunt gentes , attulerunt reges , & in æternum afferent gloriam & honorem in illam. Qui est Rex gloriæ , & cui soli honor & gloria , basilicam honoris , palatium gloriæ in habitationem sibi voluit eligere.

Apoc. 21

Psal. 134.

Psal. 111.

Et quia magna est gloria Domini , ideo & magna gloria in domo eius. Iure ac meritò laudanda illa Domus , quæ est Domus Dei infinitè laudabilis ac laudandi ; in cuius domus medio laudatur Dominus à Christo Filio , laudabiturque in sæcula sæculorum à fidelibus omnibus , qui in tam sancta domo

Psal. 31.

Heb. 2.

Psal. 83.



habitant , qui tam sanctæ petrae sunt habitatores , à Propheta ipso ad hoc iuuitati ; *Laudate habitatores Petra , de vertice montium clamabunt , ponent Domino gloriam , & laudem eius in insulis nuntiabunt.* Isai. 42.

Maro , Latinorum Poëtarum facilè princeps , qui de Roma gloriosa ac laudabili tot gloriosa torque laudabilia decantauit ; quem Marcellinus vocat ideo *Vatem excelsum, Vatem eminentissimum*, fortassis quod anagrammatismo *Maro* sit *Roma* , ideoque nomine ipso vates Excelsus, vates Laudabilis , cuius tanta est gloria , secundum Macrobius , ut nullius laudibus crescat , nullius vituperatione minuatur , de hac Romæ prærogatiua , nempe quod Domus Dei futura esset, ideoque laudata ac laudanda , cuiusque laudem nulla vox posset capere , egregiè vaticinatus est Æneidos nono. Turnus , Rutulorum rex , à Iunone in Teucros instigatus , dum Æneæ Teucrorum Ducis Ciuitatem oppugnaret , Nisum portam custodiisse , custodiæque comitem fidissimum Euryalum habuisse scribit ille vates excelsus , ac summoque laudandus.

*Nisus erat porta custos.*

*Et iuxta Comes Euryalus.*

*Ambo communi portam statione tenebant.*

*His amor unus erat , pariterque in bella ruebant.*

Sed paulo post Urbem obsessam , hos duos charissimos Comites , cum in hostes erupissent , fuisse occisos tradit : ambos autem , quod pro Patris Æneæ causa defendenda obierint , verè fortunatos esse , eorumque memoriam , quamdiu immobile Capitoli Saxum accolet domus Æneæ , imperiumque habebit Romanus Pater duraturam.

*Fortunati ambo ! si quid mea carmina pos-  
sunt ,  
Nulla dies unquam in memori vos eximet  
avo ,  
Dum domus Æneæ Capitoli immobile sa-  
xum  
Accolet , imperiumque Pater Romanus ha-  
bebit.*

Quis Pater Æneas , pius ille Æneas , raptos qui ex hoste penates classe vehit secum , quique fama super æthera notus est , nisi Deus omnium creaturarum Pater ? Pater verè pius , qui quasi nutritius portat homines in brachiis suis ; verè super æthera notus , ut qui Cælo excelsior est , & super Stellarum verticem subleuatus ; verè *Amias* , id est laudabilis ; ( *Amias* siquidem deriuatum est à verbo *aita* , id est laudo ) laudabilis super omnes gentes , laudabilis super omnes Deos ; laudabilis nimis , ut qui à nulla creatura , nec ab Angelis ipsis satis dignè possit laudari.

Gfæz 11.  
Iob. 22.

Fieri enim non potest, vt satis dignè laudetur, qui maior est omni laude.

Eccl. 43.

Quæ domus *Æneæ*, quæ domus laudabilis nisi Roma? nomine proprio, vt diximus, etiam laudabilis, & de qua meritò dixit Claudianus, nullam prorsus vocem eius laudem posse capere? Ratio enim postulat, vt omnem laudem superet illa domus, quæ Domini omni laude maioris domus est. Mirum igitur, imo deplorandum, quomodo tot infames Christiani Romam, Ciuitatem laudabilem, Deique laudabilis Ciuitatem, dereliquerint, vt Geneuam aliasque vituperij Ciuitates sequerentur! Quæ, inquam, domus *Æneæ*, nisi Romana Ecclesia? Ecclesia verè laudabilis, vera & vnica domus Dei laudabilis, in qua bonus ille pater filios fouet, & in qua olim Propheta Rex tam ardentè expetebat habitare, *Vnam petij à Domino*, *Psalm. 26.*  
*hanc requiram, vt inhabitem in domo Domini omnibus diebus vitæ meæ*: Sciens ex certa scientia extra domum Dei, extra eius Ecclesiam nullam prorsus salutem esse sperandam.

Quis Nisus, nisi Petrus, fidelis domus Dei custos, qui quoniam à Christo Domino illi datæ essent clauæ, noctes diesque ad Ecclesiæ portas excubabat, sciens quod Dominus præcipit Ianitori, vt vigilet: qui verè Nisus, ac bellator fortissimus, totis viribus nisus est Ecclesiam Dei defendere, sicut & reipsa defendit, & in perpetuum de-

Marc. 13.



fendat, ac defender tam fortiter, vt aduersus eam nec Inferi portæ possint præualere.

Quis Euryalus, nisi Paulus, Petri fidissimus socius, cui Petrus ipse societatis dextram dederat, vt cum ambo essent vnus in Christo, iisque esset anima vna, cor vnum, & vnus amor, Ecclesiæ portam communi statione tenerent, ac eius custodiæ paribus inuigilarent curis. Verè Euryalus fuit Paulus: *Euryalus* enim Græcum est; compositum ex aduerbio *εὐρύ*, id est latè & amplè, & verbo *ἄλίσω*, congreco, vel *αλίσω*, piscor, vel *αλόεσμαι*, percutior, verberor, flagris cædor: Itavt Euryalus sit idem ac latè & amplè congregans, latè & amplè piscans, latè & amplè percussus, verberatus flagrisque cæsus. Quis ex Apostolis, quis ex Discipulis, qui secuti sunt Christum, tam latè Domino congregauit oues, sicut Paulus? Quis tam latè ac tam amplè piscatus est animas? Quis propter Christum tam latè ac tam sæpè percussus, verberatus & flagris cæsus? Nullus profecto: Et qui de hoc dubitarit, legat Apostolorum Actus, legat ipsius Pauli Epistolas, legat monumenta quæ de illo nobis reliquerunt Ecclesiæ primitiæ Patres, inueniet proculdubio plures Paulum congregasse ac piscatum esse, plus passum quam ipsum Petrum, imò plus quam omnes Apostolos simul. Hoc de se fatetur ipsemet Paulus in secunda Epistola, quam scribit ad Corinthios: *Ministri Christi sumus, ( vt minus sapiens dico ) Plus ego in laboribus plu-*

Galat. 2.

2 Cor. 11

rimis, in carceribus abundantius, in plagis supra modum, in moribus frequenter. *A* Iudeis quinquies quadragenas una minus accepi. Ter virgis casus sum, semel lapidatus sum, ter naufragium feci, nocte & die in profundo maris fui, in itineribus sæpè, periculis fluminum, periculis latronum, periculis de genere, periculis ex gentibus, periculis in Ciuitate, periculis in solitudine, periculis in mari, periculis in falsis fratribus: In labore & arumna, in vigiliis multis, in fame & siti, in ieiuniis multis, in frigore & nuditate: præter illa quæ extrinsecus sunt, instantia mea quotidiana, sollicitudo omnium Ecclesiarum. Ideo per excellentiam vocatus Apostolus: Cuius prærogatiuæ rationem dat D. Augustinus libro 3. ad Bonifacium: *A*postolus cum dicitur, si non exprimaturs quis Apostolus, non intelligitur nisi Paulus, quia pluribus Epistolis est notior, & plus omnibus illis laborauit. Ideo vocatus Doctor Gentium: Nam vt scribit Isidorus ad Isidorum, *Unusquisque Apostolorum, vt ita dicam, vna regione suscepta, eam optimè informauit: Paulus verò, tanquam alatus agricola, Orbem penè vniuersum perlustrauit, & ad ipsos terra fines peruenit; unde Gentium Doctor.* Verum de Petro & Paulo, iis duobus generosis commilitationibus, quid tandem actum est? Diabolus, quasi altera Iuno contra Paridem aliosque Troianos implacabili insaniens rabie, & cui

Lib. 3.

Epist. 176

*Nec dum etiam causæ irarum, sanique dolores*

*Exciderant animo : Manet alta mente repostum*

*Iudicium Paridis, spreteque iniuria forme,  
Et genus inuisum;*

Christicolæ capitali prosequeretur odio ; futuræ Romanæ Ecclesiæ inuidebat excelsitati ; sæuiebat in Patrem Æternum , sæuiebat in Filium , sæuiebat in homines genus inuisum , & rabie ferè disrumpebatur , quod cum Angelus & Homo essent ambo rei , alter superbiæ , alter gulæ , Deus tamen illum damnasset , & huic remisisset peccatum : quod Diuinitas naturam humanam , tam deformem , naturæ Angelicæ , tam pulchræ , ante potuisset : quod Deus hominem se fecisset potius quam Angelum , ut hominem aureo beatitudinis æternæ pomo donaret. Ventis tempestatibusque quamplurimis , in excidium domus Dei , in exitium Ecclesiæ Christi eiusque Athletarum necem diu concitatis , Nerone alterum Turnum instigauit , aduersus quem cum pro tam Sancta domo defendenda fortiter pugnassent Petrus & Paulus , portæ custodes , tandem in agone à satellitibus , à tortoribus , à carnificibus Tyranni persecutoris interfecţi sunt , alter nimirum in crucem actus , alter capite plexus. Magnanimi athletæ , fortissimi bellatores , sanctissimi socij , quos æuo memori nulla dies unquam eximet ,



*Dum domus Æneæ Capitolii immobile Saxum*

*Accolet, imperiumque Pater Romanus habebit.*

Imò permanebit in æternum gratissima illorum memoria. Domus enim Æneæ est domus Dei, est Ecclesia Christi in æternum omnino permansura, quoniam æterna sunt eius fundamenta. Quid enim Capitolij immobile Saxum aliud quam Petra? Petra illa solida, Petri immobilis & inconcussa petra, super quam ædificata est Ecclesia, cui Christus ipse factus est lapis in caput anguli: Super quem lapidem qui ceciderit confringetur: Super quem vero ceciderit lapis iste, conteret eum. *Saxum* autem idem esse ac *Petram* aut *Lapidem*, hoc sciunt Grammatici, hoc docent Vocabularia, hoc fatentur Synonymorum periti. Nam quod Latini dicunt *Saxum*, Græci dicunt *πέτρα* & *πέτρος*. Bellarminus ipse lib. 1. de Pontifice Romano, cap. 10. *πέτρα* nihil aliud quam *Saxum* significare scribit. Ideo Ambrosius serm. 47. Petrum vocat *Saxum* immobile: *Pro soliditate*, inquit, *deuotionis Ecclesiarum Petra dicitur, sicut ait Dominus, Tu es Petrus, &c. Petra enim dicitur, eo quod primus in actionibus fidei fundamenta posuerit, & Saxum immobile totius operis Christiani compagem molemque contineat.*

Quid Capitolium ipsum nisi ipsemet Pe-

trus? Petrus verè Capitolum, verè Caput, Ecclesiæ scilicet Caput visibile, sicut Christus est eius Caput inuisibile. Quoniam verò Petrus non est Caput Ecclesiæ nisi sub Christo Capite primario, ideo rectius dicitur Capitolum quam Caput *Capitolium* enim diminutivum est à *Caput*, idemque sonat ac *Capitellum* seu *Capitulum*, id est parvum Caput. Quis autem non videt Petrum Ecclesiæ parvum esse Caput respectu Christi, qui magnum est eius Caput? Tanta profecto differentia inter Petrum & Christum, quanta inter terram & aurum optimum. Hoc constat ex Canticorum septimo, ubi Sponsus dicit ad Sponsam, *Caput tuum sicut Carmelus*; Sponsa verò dicit de Sponso, *Caput eius aurum optimum*. Sponsus comparat Caput Sponsæ Monti-Carmelo; quoniam etsi Petrus, & si Summus Pontifex, Petri successor, ingens sit mons, tamen nihil aliud est quam terra, id est homo. Sponsa comparat Sponsi Caput auro optimo, quia Christus, qui est eius Sponsus, Deus est sicut & homo. Ita ratiocinatur Bellarminus lib. 1. de Pontif. Romano, cap. 9.

Quis Pater Romanus nisi Pontifex Romanus, qui tanquam verus ac legitimus successor Petri Domus & Ecclesiæ Dei supremus est rector & administrator? quique summum in ea habet & habebit imperium, quandiu illa domus laudabilis immobile Capitoli-  
lij saxum accolet; quandiu scilicet perma-

nebit in petra, hoc est in æternum. In hac sancta ac verè laudabili domo Pater Romanus, qui est Paterfamilias, in perpetuum recordaturus est Beatorum Apostolorum Petri & Pauli, vt quorum meritis ligandi & soluendi suprema potestas in Cælo & in terra illi data est à Christo.

In lege veteri Abraham credentium fuit Pater. In lege noua Pontifex seu Pater Romanus, quoniam successor est Petri; qui Petrus, vt Euangelicæ legis Pater esset, à Christo idcirco in Apostolatum primus vocatus est, confirmatusque in fide, vt ipse suos fratres confirmaret. Quia Domino obediuit Abraham, ideo credentium Pater factus. Petrus eadem donatus est prærogatiua, quia cum vocatus est à Domino, relictis statim Matt. 4. retibus, secutus est eum. Quomodo autem tam benignæ tamque honorificæ vocationi non obediuisset, qui nomine ipso erat Obediens, id est *Simon*, quod Syris summæ obedientiæ nomen est? Magnificatus est Abraham, quia simplex, & coram Domino in simplicitate cordis semper ambulauit. Magnificatus est Petrus, quia sicut erat *Simon*, erat etiam *Barjona*, id est Filius Columbæ, ideoque simplex, imò simplicissimus. Summa enim simplicitas in Columbis est; vnde Matt. 10. dicit simplicium simplicissimus, *Estote simplices sicut Columbae*. Et quia Petrus fuit Barjona, filius Columbæ, imò Columba, idcirco voluit Christus, vt sua vnica Columba,



quæ est Ecclesia, in Columbæ Petra nidum  
 poneret, & in istius petrae foraminibus illi  
 suam ostenderet faciem; *Surge amica mea,  
 & veni Columba mea; in foraminibus petrae  
 ostende mihi faciem tuam.* Hieronymus ipse  
 Epistola sexagesima ad Terentiam, de vera  
 Circuncisione, Abrahamo Petrum comparat.  
 Abrahamo, inquit, generatio larga promitti-  
 tur, Petro generatio larga pascenda datur.  
 Ab illo iustificata procedunt, in hoc iustifica-  
 ta fundantur. Itaque ille sperat, hic accipit.  
 Illi dicitur, *Faciam te in Gentem magnam;*  
 Huic dicitur, *Faciam te piscatorem homi-  
 nam.* Illi dicitur, *In semine tuo benedicentur*  
*parva gentium;* huic dicitur, *Iudicabis duo-*  
*decim tribus Israel.* Illi dicitur, *In stellis erit*  
*nomen tuum;* Huic dicitur, *Tibi dabo cla-*  
*ves regni Cælorum;* Ac per hoc ille fecun-  
 ditate seminis benedicti impletur; hic ante  
 semē ipsum euangelizaturus assistitur. Abra-  
 hæ pro filiis claritas monstratur astrorum,  
 sed Petro traduntur regna Cælorum, vide-  
 licet ut in ea sine Petro nec ipsi filij Abrahæ  
 possint intrare. Hactenus Hieronymus. Quid  
 plura? Abraham ipse Pontificis Romani ve-  
 ra & perfecta figura fuit. Quid aliud enim  
*Abram*, primum illius Patriarchæ nomen,  
 quam Pater Excelsus? Et quid Pater Excel-  
 sus aliud quam Pater Romanus? Nec du-  
 bium, quin Pontifici Romanotribuendum  
 sit istud Virgilij,

*Dum domus Æneæ Capitoli immobile Sa-  
xum*

*Accolet, imperiumque Pater Romanus ha-  
bebit.*

A Iulio Cesare ad nostrum usque tempus, qui Romano præfuerunt Imperio, omnes vocati quidem sunt *Cæsares*, *Imperatores*, *Augusti*; adjuncto quandoque alio quodam titulo, veluti *Germanicus*, *Illiricus*, *Parthicus*, &c. Secundum scilicet Prouincias ab Imperatoribus Romanæ ditioni subactas vel restitutas: Sed *Patris Romani* nomen nullum prorsus sibi vindicasse legimus. Quia ferè omnibus dominatus est superbix Spiritus, noluit Dominus, ut tam honorifico titulo titulorum seriem decorarent Imperatores. Ut quis verè sit Pater Romanus, ut quis sit Pater Excelsus & Pater Exaltatus, debet esse humilis sicut & Christus. Christus semetipsum exinaniuit, formam serui accipiens; humiliavit semetipsum, factus obediens usque ad mortem, & propterea exaltauit illum Pater. Summus Pontifex, successor Petri, & Christi summus Vicarius, *Patris Romani*, *Patris Excelsi* nomen consecutus est; super omnes Ecclesiæ Patres exaltatus est, ac per excellentiam *Beatissimi sanctissimique Patris* insignitus nomine, quia exinaniuit se, quia humiliavit se; non solum *Serui*, sed *Serui seruorum Dei* nomen accipiens: Dictusque simpliciter *Pa-*

- Eccl. 32. *pa* id est *Pater*, quoniam est *Pater Patrum*,  
 vt superius ostendimus in tertio Capite. Quia  
 rectorem illum posuit Dominus, ideo ma-  
 gnificis non vult extolli titulis: quanto ma-  
 ior est, eò magis se humiliat in omnibus,  
 sciens quod Dominus dixit Discipulis, ea  
 scilicet die qua contendebatur inter eos, quis  
 eorum reputandus esset maior; *qui maior*  
 Luc. 22. *est in vobis, fiat sicut minor, & qui preces-*  
*sor est sicut ministrator*: Scriptum est enim,  
 Gen. 25. *Maiores seruiet minori.*





*ROMA QVASI RVMA,*  
*id est Mamma imò Tonitruum,*  
*ideoque Roma Mater censenda, Do-*  
*minaque tonans ac fulminans.*

## CAP. XII.

**V**RBS, secundum quosdam, dicta  
*Roma quasi Ruma*, quod pro *Mam-*  
*ma* dixerunt Antiqui, sicut & *Ru-*  
*mare* pro *Lactare*: & à *Ruma* factum *Ro-*  
*ma*, sicut ab *humo homo*, mutando scilicet  
 V in O. A *Ruma* Romæ conditorem eius-  
 que fratrem, quod ambos lupa lactasset,  
 iis præbens rumam, Romuli ac Remi nomi-  
 na etiam sortitos autor est Festus. Sed quia  
 apud arborem, quam dicunt fuisse Ficum,  
 reperti sunt infantes gemini, dum Lupa iis  
 rumam admoueret, à *Ruma* idcirco vocata  
*mina* seu Ruminalis illa ficus, quæ postea  
*Romula*, iuxta Nasonem Fastorum secundo.

*Arbor erat, remanent vestigia, quæque*  
*vocatur*

*Romula nunc ficus, Rumina ficuserat.*

Ideo vocatus quoque *Ruminalis* vicus ille,

fendat, ac defendat tam fortiter, ut aduersus eam nec Inferi portæ possint præualere.

Galat. 2. Quis Euryalus, nisi Paulus, Petri fidissimus socius, cui Petrus ipse societatis dextram dederat, ut cum ambo essent unus in Christo, iisque esset anima una, cor unum, & unus amor, Ecclesiæ portam communi statione tenerent, ac eius custodiæ paribus inuigilarent curis. Verè Euryalus fuit Paulus: *Euryalus* enim Græcum est; compositum ex aduerbio *εὖ*, id est latè & amplè, & verbo *ἄλίσω*, congreco, vel *αλίσσω*, piscor, vel *αλόωμαι*, percutior, verberor, flagris cædor: Ita ut Euryalus sit idem ac latè & amplè congregans, latè & amplè piscans, latè & amplè percussus, verberatus flagrisque cæsus. Quis ex Apostolis, quis ex Discipulis, qui secuti sunt Christum, tam latè Domino congregauit oues, sicut Paulus? Quis tam latè ac tam amplè piscatus est animas? Quis propter Christum tam latè ac tam sæpè percussus, verberatus & flagris cæsus? Nullus profecto: Et qui de hoc dubitarit, legat Apostolorum Actus, legat ipsius Pauli Epistolas, legat monumenta quæ de illo nobis reliquerunt Ecclesiæ primitiux Patres, inueniet proculdubio plures Paulum congregasse ac piscatum esse, plus passum quam ipsum Petrum, imò plus quam omnes Apostolos simul. Hoc de se fatetur ipsemet Paulus in secunda Epistola, quam scribit ad Corinthios: *Ministri Christi sumus, ( ut minus sapiens dico ) Plus ego in laboribus plu-*

2 Cor. 11

rimis, in carceribus abundantiis, in plagis supra modum, in mortibus frequenter. *A* Iudaïs quinquies quadragenas una minus accepi. Ter virgis casus sum, semel lapidatus sum, ter naufragium feci, nocte & die in profando maris fui, in itineribus sæpè, periculis fluminum, periculis latronum, periculis de genere, periculis ex genibus, periculis in Ciuitate, periculis in solitudine, periculis in mari, periculis in falsis fratribus: In labore & arumna, in vigiliis multis, in fame & siti, in ieiuniis multis, in frigore & nuditate: præter illa quæ extrinsecus sunt, instantia mea quotidiana, sollicitudo omnium Ecclesiarum. Ideo per excellentiam vocatus Apostolus: Cuius prærogatiuæ rationem dat D. Augustinus libro 3. ad Bonifacium: *A*postolus cum dicitur, si non exprimaturs quis Apostolus, non intelligitur nisi Paulus, quia pluribus Epistolis est notior, & plus omnibus illis laborauit. Ideo vocatus Doctor Gentium: Nam ut scribit Isidorus ad Isidorum, *Unusquisque Apostolorum, ut ita dicam, una regione inscepta,* eam optimè informauit: Paulus verò, tanquam alatus agricola, Orbem penè vniuersum perlustrauit, & ad ipsos terra fines peruenit; unde Gentium Doctor. Verum de Petro & Paulo, iis duobus generosis commilitationibus, quid tandem actum est? Diabolus, quasi altera Iuno contra Paridem aliosque Troianos implacabili insaniens rabie, & cui

Lib. 3.  
Epist. 176



*Nec dum etiam cause irarum, sanique dolores*

*Exciderant animo : Manet alta mente repostum*

*Iudicium Paridis, spreteque iniuria forme,  
Et genus inuisum;*

Christicolas capitali prosequabatur odio; futura Romanæ Ecclesiæ inuidebat excelsitati; sæuebat in Patrem Æternum, sæuebat in Filium, sæuebat in homines genus inuisum, & rabie ferè disrumpebatur, quod cum Angelus & Homo essent ambo rei, alter superbiæ, alter gulæ, Deus tamen illum damnaasset, & huic remisisset peccatum: quod Diuinitas naturam humanam, tam deformem, naturæ Angelicæ, tam pulchræ, ante potuisset: quod Deus hominem se fecisset potius quam Angelum, ut hominem aureo beatitudinis æternæ pmo donaret. Ventis tempestatibusque quamplurimis, in excidium domus Dei, in exitium Ecclesiæ Christi eiusque Athletarum necem diu concitatis, Nerone alterum Turnum instigauit, aduersus quem cum pro tam Sancta domo defendenda fortiter pugnassent Petrus & Paulus, portæ custodes, tandem in agone à satellitibus, à tortoribus, à carnificibus Tyranni persecutoris interfec̃ti sunt, alter nimirum in crucem actus, alter capite plexus. Magnanimi athletæ, fortissimi bellatores, sanctissimi socij, quos æuo memori nulla dies vnquam eximet,

*Dum domus Æneæ Capitolii immobile Saxum*

*Accolet, imperiumque Pater Romanus habebit.*

Imò permanebit in æternum gratissima illorum memoria. Domus enim Æneæ est domus Dei, est Ecclesia Christi in æternum omnino permansura, quoniam æterna sunt eius fundamenta. Quid enim Capitolij immobile Saxum aliud quam Petra? Petra illa solida, Petri immobilis & inconcussa petra, super quam ædificata est Ecclesia, cui Christus ipse factus est lapis in caput anguli: Super quem lapidem qui ceciderit confringetur: Super quem vero ceciderit lapis iste, conteret eum. *Saxum* autem idem esse ac *Petram* aut *Lapidem*, hoc sciunt Grammatici, hoc docent Vocabularia, hoc fatentur Synonymorum periti. Nam quod Latini dicunt *Saxum*, Græci dicunt *πέτρα* & *πέτρος*. Bellarminus ipse lib. 1. de Pontifice Romano, cap. 10 *πέτρα* nihil aliud quam *Saxum* significare scribit. Ideo Ambrosius serm. 47. Petrum vocat Saxum immobile: Pro soliditate, inquit, devotionis Ecclesiarum *Petræ* dicitur, sicut ait Dominus, Tu es Petrus, &c. *Petra* enim dicitur, eo quod primus in actionibus fidei fundamenta posuerit, & *Saxum* immobile totius operis Christiani compagem molemque contineat.

Quid Capitolium ipsum nisi ipsemet Pe-

trus? Petrus verè Capitolum, verè Caput, Ecclesiæ scilicet Caput visibile, sicut Christus est eius Caput inuisibile. Quoniam verò Petrus non est Caput Ecclesiæ nisi sub Christo Capite primario, ideo rectius dicitur Capitolum quam Caput *Capitolum* enim diminutivum est à *Caput*, idemque sonat ac *Capitellum* seu *Capitulum*, id est paruum Caput. Quis autem non videt Petrum Ecclesiæ parvum esse Caput respectu Christi, qui magnum est eius Caput? Tanta profecto differentia inter Petrum & Christum, quanta inter terram & aurum optimum. Hoc constat ex Canticorum septimo, ubi Sponsus dicit ad Sponsam, *Caput meum sicut Carmelus*: Sponsa verò dicit de Sponso, *Caput eius aurum optimum*. Sponsus comparat Caput Sponsæ Monti-Carmelo; quoniam etsi Petrus, & si Summus Pontifex, Petri successor, ingens sit mons, tamen nihil aliud est quam terra, id est homo. Sponsa comparat Sponsi Caput auro optimo, quia Christus, qui est eius Sponsus, Deus est sicut & homo. Ita ratiocinatur Bellarminus lib. 1. de Pontif. Romano, cap. 9.

Quis Pater Romanus nisi Pontifex Romanus, qui tanquam verus ac legitimus successor Petri Domus & Ecclesiæ Dei supremus est rector & administrator? quique summum in ea habet & habebit imperium, quandiu illa domus laudabilis immobile Capitoliij saxum accolet; quandiu scilicet perma-



nebit in petra, hoc est in æternum. In hac sancta ac verè laudabili domo Pater Romanus, qui est Paterfamilias, in perpetuum recordaturus est Beatorum Apostolorum Petri & Pauli, vt quorum meritis ligandi & soluendi suprema potestas in Cælo & in terra illi data est à Christo.

In lege veteri Abraham credentium fuit Pater. In lege noua Pontifex seu Pater Romanus, quoniam successor est Petri; qui Petrus, vt Euangelicæ legis Pater esset, à Christo idcirco in Apostolatum primus vocatus est, confirmatusque in fide, vt ipse suos fratres confirmaret. Quia Domino obediuit Abraham, ideo credentium Pater factus. Petrus eadem donatus est prærogatiua, quia cum vocatus est à Domino, relictis statim Matt. 4. retibus, secutus est eum. Quomodo autem tam benignæ tamque honorificæ vocationi non obediuisset, qui nomine ipso erat Obediens, id est *Simon*, quod Syris summæ obedientiæ nomen est? Magnificatus est Abraham, quia simplex, & coram Domino in simplicitate cordis semper ambulauit. Magnificatus est Petrus, quia sicut erat *Simon*, erat etiam *Barjona*, id est Filius Columbæ, ideoque simplex, imò simplicissimus. Summa enim simplicitas in Columbis est; vnde Matt. 10. dicit simplicium simplicissimus, *Estote simplices sicut Columba.* Et quia Petrus fuit Barjona, filius Columbæ, imò Columba, idcirco voluit Christus, vt sua vnica Columba,

quæ est Ecclesia, in Columbæ Petra nidum poneret, & in istius petræ foraminibus illi suam ostenderet faciem; *Surge amica mea, & veni Columba mea; in foraminibus petre ostende mihi faciem tuam.* Hieronymus ipse Epistola sexagesima ad Terentiam, de vera Circuncisione, Abrahamo Petrum comparat. Abrahamo, inquit, generatio larga promittitur, Petro generatio larga pascenda datur. Ab illo iustificata procedunt, in hoc iustificata fundantur. Itaque ille sperat, hic accipit. Illi dicitur, *Faciam te in Gentem magnam;* Huic dicitur, *Faciam te piscatorem hominum.* Illi dicitur, *In semine tuo benedicentur patria gentium;* huic dicitur, *Iudicabis duodecim tribus Israel.* Illi dicitur, *In stellis erit nomen tuum;* Huic dicitur, *Tibi dabo claves regni Cælorum:* Ac per hoc ille fecunditate seminis benedicti impletur; hic ante semē ipsum euangelizaturus assistitur. Abrahamæ pro filiis claritas monstratur astrorum, sed Petro traduntur regna Cælorum, videlicet ut in ea sine Petro nec ipsi filij Abrahamæ possint intrare. Hactenus Hieronymus. Quid plura? Abraham ipse Pontificis Romani vera & perfecta figura fuit. Quid aliud enim *Abram*, primum illius Patriarchæ nomen, quam Pater Excelsus? Et quid Pater Excelsus aliud quam Pater Romanus? Nec dubium, quin Pontifici Romanotribuendum sit istud Virgilij,

*Dum domus Æneæ Capitoli immobile Sa-*  
*xum*

*Accolet, imperiumque Pater Romanus ha-*  
*bebit.*

A Iulio Cesare ad nostrum vsque tempus, qui Romano præfuerunt Imperio, omnes vocati quidem sunt *Cæsares*, *Imperatores*, *Augusti*; adjuncto quandoque alio quodam titulo, veluti *Germanicus*, *Illiricus*, *Parthicus*, &c. Secundum scilicet Prouincias ab Imperatoribus Romanæ ditioni subactas vel restitutas: Sed *Patris Romani* nomen nullum prorsus sibi vindicasse legimus. Quia ferè omnibus dominatus est superbix Spiritus, noluit Dominus, vt tam honorifico titulo titulorum seriem decorarent Imperatores. Vt quis verè sit Pater Romanus, vt quis sit Pater Excelsus & Pater Exaltatus, debet esse humilis sicut & Christus. Christus semetipsum exinaniuit, formam serui accipiens; humiliavit semetipsum, factus obediens vsque ad mortem, & propterea exaltauit illum Pater. Summus Pontifex, successor Petri, & Christi summus Vicarius, *Patris Romani*, *Patris Excellsi* nomen consecutus est; super omnes Ecclesiæ Patres exaltatus est, ac per excellentiam *Beatissimi sanctissimique Patris* insignitus nomine, quia exinaniuit se, quia humiliavit se; non solum *Serui*, sed *Serui seruorum Dei* nomen accipiens: Dictusque simpliciter *Pa-*



ROMA QUASI RVMA,  
*id est Mamma imò Tonitruum,*  
*ideoque Roma Mater censenda, Do-*  
*minaque tonans ac fulminans.*

## CAP. XII.

**V**RBS, secundum quosdam, dicta  
*Roma quasi Ruma, quod pro Mam-*  
*ma dixerunt Antiqui, sicut & Ru-*  
*mare pro Lactare : & à Ruma factum Ro-*  
*ma, sicut ab humo homo, mutando scilicet*  
*V in O. A Ruma Romæ conditorem eius-*  
*que fratrem, quod ambos lupa lactasset,*  
*iis præbens rumam, Romuli ac Remi nomi-*  
*na etiam sortitos autor est Festus. Sed quia*  
*apud arborem, quam dicunt fuisse Ficum,*  
*reperiti sunt infantes gemini, dum Lupa iis*  
*rumam admoueret, à Ruma idcirco vocata*  
*mina seu Ruminalis illa ficus, quæ postea*  
*Romula, iuxta Nasonem Fastorum secundo.*

*Arbor erat, remanent vestigia, quasque*  
*vocatur*

*Romula nunc ficus, Rumina fuserat.*

Ideo vocatus quoque *Ruminalis* vicus ille,

qui in tantæ charitatis memoriam inibi postea fuit excitatus. Ideo *Rumurius* dictus mons Auentinus. Hinc ipse Fluius Tiberis cognominatus *Rumo*. Hinc *Rumina* Dea; cui Deæ, vt rumis, vt mammis, vberibus puerisque lactentibus præesset, fanum deinde votum atque consecratum. Hinc Roma nudo & exerto pectore rumam gestans pingi solita: Vnde Sidonius Apollinaris Paneg. ad Maioranum V.

*Sederat exerto bellatrix pectore Roma.*

Et Clarius Corippus libro primo.

*Addidit antiquam tendentem brachia Romanam,*

*Exerto & nudo gestantem pectore mammam.*

Quoniam verò tum matres cum nutrices filios alumnosve fouent atque tuentur, mammarumque sunt veluti montes, veluti arces & propugnacula, quod tanquam in asylum confugiunt lactentes infantuli, dum in matrum aut nutricum gremio aliquo percutiuntur metu, fortassis à *Ruma* Græcè dixere *ῥύμα* vt tutamen ac munimentum significarent. Hippocrati præterea *ῥύμα* sunt illa remedia præsentissima, quæ hominem è mortis periculo possunt conseruare. *Rumex*, secundum Festum, significat *telum*, teli scilicet genus, simile spari Gallici. Antoniusque Nebrissenis, sui æui Grammaticus haud dubiè illustris, in suo Regio Vocabulario *ru-*

*mā* veteribus *ionitruum* etiam significasse scribit.

Si à Ruma Roma, si *Roma* idem sit ac *Ruma*: Si matris aut nutricis instar nudo pectore rumas lacte turgentes exerit Roma, verè igitur mater est, & verè nutrix. In omni namque animantium genere quænam, oro, femina, nisi quæ rumas lacte refertas gestet, matris vel nutricis nomen sibi arrogare audeat? Dionysio Halicarnasseo Mater Roma dicitur; nec nudo duntaxat titulo Mater, sed omnium Mater Urbium, *Μήτηρ πατῶν πόλεων*. A Rutilio vocatur Mater Mundi & Altrix Orbis. Et quia in gremio victos & victores æquo foueret amore, ideo Claudianus humani generis Matrem potiusquam Dominam habendam esse censeret.

*Hac est, in gremium victos quæ sola recepit,*

Claud.  
in Stil-  
cone,

*Humanumque genus communi nomine fo-*  
*nit;*

*Matris, non Domina ritu, cinesque vo-*  
*cavit*

*Quos domuit, nexuque longinqua reuinxit.*

Illustris ac generosa proculdubio Roma, imo illustrissima & generosissima, quod domitos etiam populos pro ciuibus haberet, omnesque totius Orbis homines in filios benigna mater ascisceret. Sed eò illustrior, eò generosior, quod nec seruos nec barbaros vellet



habere ciues. Siquidem ex Imperatoris Antonini constitutione , solis seruis ac barbaris exclusis , ciues Romani facti sunt quicunque in Orbe essent , etiamsi Romam nunquam vidissent , nec Italiae fines duntaxat essent ingressi. Vt quis esset Ciuis Romanus, Romanae ditioni subditum esse sufficiebat. Ideo Sidonius libro primo Romam appellat Patriam libertatis , vnicam totius Mundi Ciuitatem in qua soli barbari & serui peregrinantur.

Ante aduentum , ante passionem Christi erat quidem Mater Roma , sed filiorum hominum erat tantum mater. Postquam vero passus est Christus , vbi resurrexit , vbi Caelos ascendit , vbi ad Patrem reuersus est , vbi Paraclerum ad suos misit Apostolos , filiorum Dei tandem facta est mater. Et ab eo tempore , quo tanta maternitate donata est Roma , alios quam Romae filios pro filiis Pater Aeternus habere noluit. Caeteros omnes , vt spurios & ex ancilla procreatos omnino rejicit : Nec spuriiis illis vlla prorsus in patris haereditate speranda portio , nisi prius Romae se subiecerint , eosque in filios illa adoptarit.

Sed vnde tantus honos ? Vnde tanta Romae gratia , vt filiorum Dei Mater fieri merita sit ? A Petra , & in virtute Petrae : à Domino , qui est altissima Petra , factum est istud , & est mirabile in oculis nostris : A Petro Apostolorum Principe , à Petro Eccle-

fixa fundamentali petra, & Clauium summo custode, qui ab Ecclesiæ incunabulis Cathedram & sedem Romæ constituit. Filij Dei tantum sunt; qui sunt filij Ecclesiæ; nemoque Deum patrem habere potest, qui Ecclesiam matrem habere noluerit. Filij Dei tantum sunt, qui habitant in domo Dei. Domus enim Dei est ipsamet Ecclesia. In domo Dei habitant ij soli, qui habitant in petra, quia petra ipsa est domus Dei: quippe dixit Iacob per prophetiam, *Lapis iste, quem erexit in titulum, vocabitur domus Dei.* In petra habitant tantum ij, qui Romæ habitant, id est qui Romanæ obediunt Ecclesiæ, eiusque orthodoxa ac sacrosancta sequuntur dogmata: Romæ etenim tantummodo firma, solida, fundamentalis immobilisque consistit Petra, super quam Christus, qui est petra angularis, suam ædificauit Ecclesiam. Verum ut quis Dei filiorum ascribatur numero, ut sanctæ Ciuitatis recipiatur Cuius, quam requiritur conditio? Debet esse liber, debet esse fidelis, debet omnino cauere ne mortaliter peccet; per peccatum namque homo amittit libertatem, quoniam qui facit peccatum seruus est peccati: Imò per peccatum fit barbaris, infidelis, inimicus Dei, Satanæ mancipium, ideoque Ciuitates Domini iure indignus: nulla enim conuentio Christi ad Belial, neque pars fidei eum infidei.

Gen. 29.

2. Cor. 6.

Roma vetus nudum pectus proferebat, nu-

dasque exerebat rumas. Roma noua (Ecclesia nimirum Christi, quæ Romæ & fundamentum & Caput habet) nudas quoque exponit mammas: sed quare nudas? Quia per pulchræ sunt, & in iis conspiciendis oblectatur eius dilectissimus Sponsus, oblectaturque tam vehementer, vt lætitia quasi gestiens, & hinnuli instar subsiliens, exclamet

Cant. 4. præ gaudio; *quàm pulchræ sunt mammae tuæ, soror Sponsa.* Nuda proponit vbera, vt lactet

quicumque petierit mamam, & voluerit lactari: vt ex vberibus defluat veræ doctrinæ lac, quo Filios Dei, quorum est mater, inebriet omni tempore. Christus, Ro-

Cant. 5. manæ Ecclesiæ Sponsus, apertum profert latus, vt inde tanquam à torculari manet sanguis, imò vinum iucundissimum, quod cum lacte dilectissimæ Sponsæ misceat, vtque fauo ac melle saturati filij obedientes, amicique charissimi, de nectare tam dulci tam-

Cant. 5. que suauiter bibant, donec inebrientur: *Comedi fauum meum cum melle, bibi vinum cum lacte meo: Comedite amici, & bibite, & inebriamini.* Romæ rumæ, Romanæ Ecclesiæ mammæ sola sunt vbera, vnde fluit lac veritatis, lac salutis & gratiæ, lac vitæ æternæ. Hereticæ rumæ, Schismaticæ mammæ sunt vbera putrida, vbera tabe affecta, & vlceribus vndique scatentia, vnde non potest manare aliud quam lac erroris ac mendacij, lac iniquitatis & damnationis, lac amarissimum, lac fetidum ac sanie plenum, lac ve-



nenatum & omnino mortiferum ; quod lac quicumque fugit moritur, & moritur in æternum , nisi ad Romanam confugiat Ecclesiam , quæ *συμμετα* , quæ antidotum sola asseruat & potest præbere.

Romana Vrbs tendebat brachia : Romana Ecclesia omnibus projicit vlnas , Infidelibus porrigit manum , Hæreticis complexum offert , Schismaticos ad pristinam vocat concordiam , eosque omnes , vt filios legitimos , in gremio fouere pollicetur , dummodo relinquant Ciuitates Moab , & veniant habitatum in petra , quæ est sola Dei domus & Ecclesia : Domus vberissima , domus abundantissima , omnique bonorum genere affluens , imò redundans , & à cuius vbertate inebriantur qui habitant in ea : Sancta domus , sacra apotheca , in qua asseruantur Sacramenta , Christi Sponsi sacra pignora ; pretiosa illa salutariaque *συμμετα* , quæ infirmo sanitatem restituunt , quæ saucio vulnera curant , quæ moribundum è mortis periculo conseruant ; imò iam mortuum , iam fetidum , & in peccati sepulchro iacentem in vitam reuocant , eique tandem conciliant vitam , quæ morti amplius non sit obnoxia.

Roma est mater , mater benigna , mater suauis , mater amabilis , mater amatrix , quæ singulari summoque amore suos filios complectitur. Nec mirum si tam vehementer amat illa mater , quæ nomine ipso est *Amor* , & Amor ipse. Christus Dominus , qui cum

Patre mundum summopere diligente vnus  
 est , quique adeo dilexit homines , vt pro  
 iis mori voluerit , priusquam cum Roma fœ-  
 dus inear, priusquam in Sponsam eam sibi de-  
 ligat , vult vt Petrus , Romæ futurum Caput  
 & Oeconomus , eiusque in hac causa stipula-  
 tor , de illius amore fidem præstet ; nec se-  
 mel tantum , nec bis , sed ter : Ter enim  
 quærit à Petro , an seriò illum amet ; *Simon*  
*Ioannis , diligis me plus his ? Simon Ioannis ,*  
*diligis me ? Simon Ioannis , amas me ?* Ter  
 respondet Petrus pro Ecclesia , se omnino il-  
 lum amare ; *Etiā Domine , tu scis quia amo*  
*te ; Etiā Domine , tu scis quia amo te ; Do-*  
*mine tu omnia nosti , tu scis quia amo te.* Et  
 post fidem amoris acceptam etiā ter Christi  
 & Ecclesiæ Romanæ promittuntur nuptiæ ;  
*Pasce agnos meos , Pasce agnos meos , Pasce*  
*oues meas.* Pasce agnos meos , id est noui-  
 tios ; Pasce oues meas , id est prouectos ; vt  
 discant Christiani , non solum nouitios , &  
 in fide instituendos subesse Petro , & Ponti-  
 fici Romano eius successori , sed & prouectos ,  
 & quoscunque Christiani gregis primores ,  
 quantumuis spirituales , eruditos & sanctos ;  
 nec posse esse Christianum , quicumque sit ,  
 qui dicit se non esse sub cura Petri Pastoris .  
 Petro autem bis dicitur , *Pasce agnos meos ,*  
*Pasce agnos meos* , vt intelligat duos populos  
 pascendos sibi commissos , Iudaicum scilicet  
 & Gentilem . Ter interrogatur , *Simon Ioan-*  
*nis , diligis me ?* Vt trina responsione eius in

Christum amoris exprimeretur magnitudo. Qui enim ter dicit, *Amo te*, dicit se amare in gradu superlatiuo : quem gradum nostrates ideo declarant numero ternario, dicentes verbi gratia, *tres-bon*, *tres-beau*, *tres-heureux*, quasi *ter bonus*, *ter pulcher*, *ter felix*, id est *optimus*, *pulcherrimus*, *feliciſſimus*. Ter interrogatur Petrus, vt trina confessione amoris & fidei trinam diluat negationem, quam admisit. Ter examinatur, quod tribus modis oues teneretur curare, doctrinæ verbo, vitæ exemplo, atque temporali subsidio. Quia igitur plus omnibus diligit Petrus, ideo Princeps Pastorum, ideo magnus ouium Pastor gregem pascendum illi committit: ideo Principem Apostolorum Ecclesiæque Caput illum constituit, & dat illi clauēs regni Cælorum. Quia, inquam, plus omnibus amat Petrus, ideo ter confirmatur ouium Domini supremus Pastor & Rector, *Pasce*, *Pasce*, *Pasce*, vt inrelligat Petrus tantæ dignitatis collationem non solum ab vna sanctissimæ Triadis persona, sed à Tribus, Patre videlicet, Filio & Spiritu Sancto, esse approbatam. Quia omnium amorem & fidem superauit eius amor & fides, tanta tamque singulari gratia meretur donari, vt qui prius fuit *Simon Bar-Iona*, filius Ionæ, filius Columbæ, Christi gratia iam sit *Simon Ioannis*, filius gratiæ, & domicilium, in quo residet ipsamet gratia : Hocquæ factum, vt inde discat Petri successor se debere Co-



lumbinam simplicitatem præ se ferre, & multis ornari gratiis.

Veram si Roma est Mater, ergo & Domina : Nullum quippe legitimus, nec rationi magis consentaneum, quam Matrum in filios dominium. A Creatore, à Natura ipsa æquè ac Patribus Matribus in filios summum concessum est imperium. Dominus ipse Iesus Christus, qui non vt solueret, sed adimpleret legem, in mundum venerat, licet dominantium Dominator, licet terræ Cælique supremus Dominus, quia filius Mariæ, quia Iosephi creditus filius, ambobus ideo subditus fuit : idque conceptis verbis testatur ipsa Scriptura ; *Descendit cum eis, & venit Nazareth, & erat subditus illis.* Æquum est, vt sit Domina, & Domina electa, quæ Domini Sponsa est. Nomine ipso Roma est Domina : nam si elementa duo, quibus Hebraicè constat *Roma*, ordine legeris inuerso, habebis vel *Mora*, vel *Mara*, vel *Mira*, quæ vocabula Syriacè, Chaldaicè & Arabicè reipsa significant Dominam,

Sed Romæ Domina quantum, quæso, Dominium? quanta eius amplitudo? Quovsq; protenditur? Quibus determinatur finibus? Quibus circumscribitur terminis? Quanta Terra, quantum Cælum, tantum Romæ Imperium. Dominatur à Mari vsque ad Mare, & à flumine vsque ad terminos Orbis terrarum. Coram eius Summo Pontifice, quia Christi Summus est Vicarius, procidunt

Luc. 2.  
Ioan. 3.  
Ep. 1.

Psal. 71.

Æthiopes, & inimici eius terram lingunt, & adorant eum omnes reges. Datus est ei principatus & honor & regnum, & omnes populi seruiunt ei. Romæ obtigit quod Abrahami coniugi, quæ prius vocata *Sarai*, id id Domina mea, seu Domina domus meæ, vt exponit D Hieronymus; & post pactum à Deo fædus, & promissum filium, appellata *Sarah*, hoc est absolutè Domina, addit idem Sanctus Interpres. Dum Roma filiorum hominum Mater tantum fuit, solius terræ, quæ hominum est habitatio, Domina tantum fuit. Sed à tempore, quo filiorum Dei Mater est facta, nec solum remansit terræ Domina, sed salutata est Domina Cæli, quod est filiorum Dei hæreditas & regnum; ideoque totius Vniuersi facta est Domina, & in sempiternum futura est. Regni quippe Christi, cuius est Sponsa Romana Ecclesia, non erit finis, nec vlli nisi Romano tradetur populo. Comminuet quidem, & consumet vniuersa Mundi regna, sed ipsum nullo vnquam æuo dissipabitur, imò stabit in æternum, quoniam regnum Christi regnum est omnium sæculorum, & eius generatio in omni generatione & generationem.

Quid autem filiis præuaricantibus sperandum? Quid expectandum contumacibus, qui Matri Domine precipienti denegant obsequium? Quid supplicij præparatur ingratis, qui Matri pacis osculum præbenti in faciem expuunt, qui vbera admoventem viperino

dente mordent , qui mammas porrigentem lacerant , qui vt lac euomant tantummodo lactent , qui corripientem contumeliis afficiunt , qui eorum causa lacrymantem irrident , qui panem Cælestem in alimentum supeditatum proiiciunt canibus , qui vt meretrices sequantur ex tam benignæ matris gremio fugiunt , qui in eius excidium eum hostibus fœdus ineunt , qui vt eam interficiant die nocteque illi insidiantur ? Tonabit de Cælo Dominus , rumæ suæ rumicibus percutiet eos , capita eorum confringe fulmine , & quia obliti sunt Deum , qui nutriuit eos , & contristauerunt Romam Ecclesiam , Matrem Nutricemque suam ; quia Petram , in qua habitabant , reprobauerunt , ideo obruentur petris , ideo contundentur lapidibus. Tonabit Roma , tonabit Ecclesia , iureque tonabit ; illi enim *rumam* , *rumicem* , tonitruum , telum & fulmen in manu dedit Altitonans , vt quoscunque gygantes qui in eam insurrexerint , vt filios ipsos etiam fulminet , si ab ea defecerint , aut deficere moliti sint. Si enim Ecclesia pulchræ dilectionis est mater , timoris etiam est mater , terribilis vt castrorum acies ordinata. Fulminandi potestatem habet Roma , quia est Ecclesia Dei ; quia est Sponsa Christi Iesu , cui Pater fulmina dedit sicut & omnia ; & quia Sponsus eadem potestate , qua donauit illum Pater , suam dilectissimam Sponsam etiam donare voluit. Ecclesiæ tonantis *ruma* , Ecclesiæ fulminan-



his *rumices* formidandi sunt; nunquam enim feriunt quin sauciant : plagæ omnes , quas imprimunt eius fulmina , sunt tot vulnera lethifera , quibus oportet moriantur feriti, nisi resipiscant, nisi penitentiam agant, nisi reuertantur ad Dominam , & humiliant se sub manu illius : nisi citò in Matris gremium redeant , vt iis applicet sacra illa & salutaria *rumata*, quæ sola pristinam possunt restituere salutem , & è mortis æternæ periculo conseruare.



Ρῶμν quasi Ρόμν , id est Vicus seu  
Ruina, quod est nomen inclina-  
tionis & humiliationis.

## CAP. XIII.

**D**IVVS Hieronymus lib.2. aduersus Iouinianum, sub finem, Romam sic alloquitur. Vrbs potens, Vrbs Orbis Domina, Vrbs Apostoli voce laudata, interpretare vocabulum tuum. *Roma* aut fortitudinis nomen apud Græcos, aut sublimitatis iuxta Hebræos. Serua quod diceris, virtus te *Excelsam* faciat, non voluptas *Humilem*. Maledictionem, quam tibi Saluator in Apocalypsi comminatus est, potes effugere per pœnitentiam, habens exemplum Niniuitarum. Caue Iouiniani nomen, quod de Idolo deriuatum est. Nam de Roma scriptum est, *Vox in Rama audita est*: Hactenus Hieronymus.

Quod de Rama igitur dictum, ex sententia ipsa huius sanctissimi Doctoris de Roma dictum esse censendum est: nec absque fundamento. Siquidem Hebraicè *Rama* & *Roma* iisdem planè constant elementis, *Excelsam*que ac *Sublimem* ambo significant. Hoc

ex ipsa liquet Scriptura : quamvis enim Matthæus vernaculo *Rama* utatur vocabulo ; *Vox in Rama audita est , ploratus & ululatus multus* : Interpres tamen Ieremiæ, excuius prophetia deductum est istud vaticinium, *Rama in Excelsum* vertit ; *Vox in Excelsa audita est lamentationis , luctus & fletus Rachel plorantis filios suos* : Verisimileque existimo Prophetam Bethlehẽm potiusquam Rama dixisse , *Vox in Bethlehẽm audita est*, nisi Romæ sicut & Ramæ eiusmodi lamentationem , luctum & fletum prænuntiare illius fuisset animus. Occisio quippe puero-  
rum in Bethlehẽm incepta est , & propter illam præcipuè facta, quod in ea natum esse Regem Iudæorum Herodes rescivisset.

Luctuosæ illæ calamitates , calamitosæ illæ fortunarum direptiones , desolatæ illæ Ciuium cædes , sacrilegæ illæ templorum pollutiones , deploranda illa ædium excidia & incendia , quæ à Vitige, à Genserico, ab Alarico, ab Athaulpho, à Totila, aliisque Imperij Romani hostibus toties perpeffa est Roma, & quæ eius magnitudinem ad nihilum ferè rede-  
gere, à Prophetis omnia illi fuisse prænuntiata : Nec solum sub *Rama*, verum etiam sub *Bosra* nomine, secundum ipsummet Hieronymum, ut apud Ieremiam ; *Quia per metipsum iuravi , dicit Dominus , quod in solitudinem , & in opprobrium , & in desertum , & in maledictionem erit Bosra* : Et sub *Babylonis* , maximè à Ioanne , in Apo-



calypsi, Capitibus scilicet 14. 16. 17. & 18.  
Vbi inter alias hæ habentur maledictiones.

Apoc. 18. *Va, va Ciuitas illa magna Babylon, Ciuitas illa magna, quæ amicta erat bysso, & purpura, & cocco, & deaurata erat lapide pretioso & margaritis; quoniam una hora destituta sunt tanta diuitie. Va, va Ciuitas illa magna, in qua diuites facti sunt omnes, qui habebant naues in mari, de pretiis eius, quoniam una hora desolata est. Et de Regibus, scilicet Gothorum, Vandalorum, Hunorum & Longobardorum, per decem cornua figuratis, quibus Romanorum Imperium euerrendum commiserat Dominus, dictum est;*

Apoc. 17. *Hi odient fornicariam, & desolatam facient illam & nudam, & carnes eius manducabunt, & ipsam igni concremabunt. Quod autem Ioannes in Apocalypsi per Babylonem intelligat Romam, id probat Tertullianus lib. 3. contra Marcionem, & lib. contra Iudæos: aperteque colligitur ex ipsius Apocalypsis Capite septimo, vbi dicitur Babylon magna sedere supra septem montes, & habere imperium super Reges terræ. Nulla enim alia Ciuitas quam Roma Ioannis tempore imperium habuit super Reges terræ; & notissimum est Romam supra septem montes ædificatam esse. Petrus ipse in priori Epistola Romam vocat Babylonem, salutem vos*  
1. Pet. 5. *Ecclēsia in Babylone collecta, & Marcus filius meus. Hanc autem Epistolam ex Roma, quæ dicitur Babylon, scriptam esse testis est*

Papias, Apostolorum Discipulus, apud Eusebium, Hist lib. 2. cap. 15. Papias, inquit Eusebius, & hoc dicit, quod Petrus in prima sua Epistola, quam de Vrbe Roma scripsit, meminerit Marci, in quâ tropicè Romanam Babylona nominauit, cum dicit; *Salutat vosea, quæ in Babylone collecta est Ecclesia, & Marcus filius meus.* A Sibylla etiam Roma dicitur Babylon: Sic enim ait, de Nerone Vaticinans.

*Anfugiet de Babylone malus Rex horribilisque,*

Sibyll.  
Orac.  
lib. 5.

*Quem malè mortales omnes odère bonique.*

Quod adhuc clarius patet ex sequentibus; dicit enim ipsam Babylonem esse Italiæ terram, per quam Sancti periêre.

*Deque polo veniet sidus magnum in mare magnum,*

*Alumque exuret Pontum, atque ipsam Babylone,*

*Italia terram, per quam periêre frequentes Sancti Hebraorum fidi, delubraque vera.*

Sed hic notent Hæretici, neque Ioannem, neque Petrum, neque Sibyllam vocare *Babylonem* Romanam Ecclesiam, sed Romanam duntaxat Urbem, qualem Ioannis tempore fuisse constat. Nam, vt exponit Tertullianus lib. 3. contra Marcionem, quemadmo-

Psal. 125.

dum vera Babylon fuerat Caput Imperij, & Regem habuerat Nabuchodonosor, qui populum Dei persequebatur, & in captiuitatem adducebat; Ita quoque & Roma tempore Apostolorum erat Caput Imperij, & Imperatorem habebat Neronem, qui populum Dei crudelissimè persequebatur. Nullam præterea Romæ maledictionem sub nomine *Roma* fuisse prænuntiata legimus, sed sub alio quodam suppositio vocabulo, veluti *Bosra* & *Babylonis*: Et licet hoc Ieremiæ vaticinium, *vox in Rama audita est, ploratus & ululatus multus*, de Roma intelligatur, non inde propterea arguenda est maledictio, sed potius benedictio, cum scriptum sit, *Qui seminant in lacrymis, in exultatione metent*: & Christus ipse dixit, *Beati qui lugent, quoniam ipsi consolabuntur*: ita vt per Rachel intelligenda sit Ecclesia Romana, plorans suos filios, plorans Martyres à persecutoribus occisos.

Non solum Ioannes Apostolus, sed & ex Sibyllis vna, quam Erythræam aut Cumæam fuisse ferunt, de Romæ futura inclinatione futuroque excidio ex ipso nomine vaticinata est, *Esaï Ράμν ῥύμν*, Erit Róma vicus, erit Roma ruina, sicut & de Deli Samique deletionem.

Sibyll.  
Orac.  
lib 3.

Εσαϊ ἡ Σάμος ἄμμος, ἐσθται δὲ Δῆλος ἄδης-  
λος,  
καὶ Ράμν ῥύμν, id est;

Fiet



*Fiet arena Samus, Delus deleta latebit,  
Fies Roma ruina.*

Quasi eiusmodi vaticinio significare voluisset illa vates, Romam Ciuitatem, quæ omnes omnino totius Orbis Ciuitates amplitudine ac magnitudine superabat,

*Et quæ tantum alias inter caput extulit  
Vrbes,  
Quantum lenta solent inter Viburna Cu-  
pressi,*

Vt dicit Maro, à Deo propter superbiam eò inclinationis inclinandam, eò humiliationis humiliandam fore, vt vicus, vt pagulus, vt parietinarum aceruus potiusquam Vrbs spectantibus videretur: Nec reuera falsum successit Oraculum. Veteris namque Romæ illius, quæ habebat Imperium super Reges terræ, & quæ dicebat, *Sedeo Regina, & Apoc.17  
vidua non sum, & luctum non videbo,* adeo Apoc.18  
paucæ supersunt reliquæ, adeo pauca tantæ Ciuitatis apparent vestigia, vt de illa meritò possit dici, quod de Veiorum Vrbe dicit Florus; *Laborat annalium fides, vt Romam fuisse credamus.* Vnde Ianus Vitalis.

*Vrbs cecidit, de qua si dignum dicere quid-  
quam*

*Moliar, hoc puto dicere, Roma fuit.*

*Qui Romam in media quæris nouus aduena  
Româ,*

*Et Roma in Roma nihil reperis mediâ ;  
 Aspice murorum moles , præruptaque saxa ,  
 Obrutaque ingenti vasta theatra situ.  
 Hæc sunt Roma. Viden' velut ipsa cada-  
 uera tanta*

*Vrbis adhuc spirent imperiosa minas ?*

Romanorum olim Cesarum , vt ita dicam , nasutum fuit Imperium , & adeo nasutum , vt ab Occidente in Orientem , & à Septentione in Meridiem naso potuerit attingere. Sed iam finum est , & adeo finum , vt à Rheno vsque Danubium vix peruenire queat. Et forsan Hispani , quibus erga Romam nec studium multum , nec reuerentia multa vnquam fuit , quasi Vrbi voluissent illudere , *Romo* & *Roma* dixere , quod Latini dicunt *Simus* & *Sima*.

Verum , quam , quæso , potentia ( humana dico seu terrestri ) inclinata & deiecta est Romana potentia ? aut quibus viribus potuit cadere tanta imperij moles , quæ firmitate sua de perennitate cum sæculis ipsis videbatur posse contendere ? Propria , non aliena potentia deiecta est Roma potens : propriis , non alienis viribus cecidit Vrbs fortis. In fatis erat , vt à nullo nisi à seipsa vinceretur Ciuitas victrix. Ideo prosequitur Vitalis.

*Vicit ut hæc mundum , nixa est se vincere :  
 vicit ,*

*A se non victum ne quid in Orbe foret.*

triumphans nomine. 163

*Nunc Roma inuicta, Roma illa inuicta se-  
pulta est,*

*Et victrix eadem victaque Roma fuit.*

*Albula Romani restat nunc nominis index,*

*Et rapidis atrum fertur in aquor aquis.*

*Disce hinc quid possit Fortuna: Immo-  
labascunt,*

*Et quæ perpetuò sunt agitata manent.*

Romam suis propriis corruisse viribus, con-  
ceptis verbis id Horatius affirmat

*Suis & ipsa Roma viribus ruit.*

Epod.  
Od. 16.

Similemque tandem obtinuisse sortem ex ip-  
sorum Parthorum voto.

*Sed ut secundum vota Parthorum suâ  
Vrbs hæc periret dexterâ.*

Epod.  
Od. 7.

Totum Orbem vicerat Roma, sed quia  
Orbis potiusquam Vrbs, ideo seipsam vicit,  
ut dicit Vitalis, ne quid foret in Orbe quod  
à se non esset victum. Sed Roma se vicit ar-  
mis longè diuersis ab iis, quibus Orbem vi-  
cerat. Vicerat alios laborum grauitate, ani-  
mi fortitudine, virtutis robore, gloriæ stu-  
dio, ærariiue æconomica administratione.  
Vicit seipsam segnitie, socordia, mollitie,  
lautitia, profusione, deliciis, libidine, om-  
nibusque vitiis ac voluptatibus, quæ huma-  
num superant ingenium, & quæ vix possunt



Geop.  
Herm.  
lib. 5.

cogitatione fingi. Cecidit Romanum Imperium, cum Imperatores ex Augustis facti sunt Sardanapali. Cecidit Roma, cum desinit esse *Roma*, id est fortis & magnanima: Cum Martis Palladisque ludos in Veneris lustra, in Cupidinis prostibula, in Bacchi popinas commutauit. Perit tam gloriosæ Urbis gloria, euauit tam splendidæ Urbis splendor, cum ex *Rom*, quod Cimbrorum linguâ *Velocem* ac *Celerem* significare diximus, facta est *Mor*, id est, lenta, tarda, languida, torpida ac veteriosa. Nimium otium eneruauit illi vires, nimia mollities infirmauit illi robur, nimix delicia singulis eius membris induxerunt torpedinem, ita vt facta sit veluti paralytica. Quia à virtute amplius *Excelsa* fieri noluit, ideo *Humilem* fecit illam voluptas, sicut de illa prædixerat Hieronymus. Quia Roma proprii vocabuli oblita est, idcirco de *Póum* facta est *ρῶμ*, de Vrbe vicus, de forti Ciuitate debilis pagus, de excelsa domina humilis ancilla, & quæ prius erat Mundi Caput & gloria, facta est duntaxat Orbis miserum membrum, gentiumque barbararum miserandum ludibrium.

Εσται *Ρῶμ* *ρῶμ*, inquit Sibylla. Magna profecto affinitas inter hæc duo vocabula *Ρῶμ* & *ρῶμ*: Videamus igitur in quo discrepent. Vna tantum differunt vocali. Primum, quod est magnitudinis ac fortitudinis nomen, scribitur per *ω*, *Ρῶμ*: alterum, quod exiguita-

tis & debilitatis est vocabulum, scribitur per  $\tau$ ,  $\rho\iota\upsilon\omega$ , quid autem  $\omega$ ? & quid  $\tau$ ?  $\Omega$ , vt sicut Græcæ linguæ periti, est aduerbium vocantis & hortantis; imo vnum ex vocabulis ipsius Saluatoris, qui est  $\omega$ , sicut &  $\alpha$ , *Ego sum Alpha & Omega*.  $\tau$  (pace Pythagoræ dixerim) est vox Coquinaria, vox Cauponaria, vox Cupedinaria, facta ad expri-mendum sonum, quem edere solet qui carnes olfacit; vt ille helluo apud Aristophanem, suillas olfaciens carnes,  $\tau$ ,  $\tau$ ,  $\tau$ ,  $\tau$ , &c. Qui est  $\alpha$  &  $\omega$ , per Apostolos, per Discipulos, per præcones Verbi sui Romæ curauit Euangelium prædicari, vocauit ad electionem, inuitauit ad nuptias Agni, hortatus est ad pœnitentiam: Sed nec prædicationem, nec vocationem, nec inuitationem, nec hortationem audire voluit: quinimo occidit prædicantes, interfecit vocantes, interemit inuitantes, mactauit hortantes: Nec contenta hoc, euangelizantium, prædicantium, vocantium, inuitantium, & hortantium vocibus obediens etiam trucidauit. Nares habuit, & admodum patulas, nec tamen voluit aliud quam Mundi cupedia & carnis illecebras tunc temporis olfacere. Angelorum delicias, cæleste illud manna, spiritua-lem illum panem, exquisitam illam escam, sanctissimam illam carnem, suauissimum illud vinum, quibus Christus, vocans & inuitans, volebat saturare ac inebriare eius Ciues, nec odorari, nec degustare curauit: quinimo fi-

Apoc. 18.

Apoc. 17.

Mat. 23.

Luc. 13.

Apoc. 18

deles, tam delicatum cibum odorantes, tamque suauem degustantes potum, inhumanis, crudelibus, horrendis cruentisque persecutionibus per totum Orbem plurimis sæculis diuexauit, comprehendit, in carceres detrussit, flagris excepit; tortoribus cruciandos, dilaniandos, ultimoque supplicio afficiendos commisit. Et quia in ea sanguis Prophetarum & Sanctorum inuentus est, & omnium qui intefecti sunt in terra: quia inebriauit se sanguine Sanctorum, & de sanguine Martyrum Iesu: Quia occidit Prophetas, & lapidauit eos qui ad eam missi sunt, Ecce relictæ sunt ei domus desertæ; ideo facta est de *Ρώμην πύμν*, ideo cecidit, & in nihilum redacta est Babylon, Ciuitas illa magna, & ultra iam non inuenietur.

Verum itaque Sibylla edidit Oraculum, cum dixit, *Εσται Ρώμην πύμν*: illud comprobauit tempus, illud confirmauit experientia, eiusque complementum non sine luctu præterita vidēre sæcula. Roma facta est Vicus, facta est ruina, facta est luctuosus ac defensus parietinarum acervus. Et quis credidisset, inquit Hieronymus, ut totius Orbis extructa victoriis Roma corruisset? ut ipsa suis populis & mater facta esset & sepulchrum?

Cecidit Roma, fateor, sed cecidit, ut postea resurgeret gloriosior. Destructa est, sed destructa, ut reedificaretur pulchrior. Combusta est, sed combusta, ut ex propriis cineribus renasceretur illustrior. Scriptum est



enim ; *Incenderunt electam sanctitatis Civitatem, & desertas fecerunt vias ipsius in manu Jeremia : nam malè tractaverunt illum, qui a ventre matris consecratus est Propheta ; enervare, erigere & perdere, & iterum adificare & renovare.* Et ipsamet Sibylla, quæ Romæ veluti mortem prædixerat, prædixit etiam & eius resurrectionem.

*Et penas repetens ad terram sternet ab alto,* Sibyll.  
*Rursus & à terra sublimem tollet in altum.* Orac.  
lib. 3.

Resurrexit Roma quæ tot annis in sepulchro iacuerat. Denuò ædificata est Vrbs quæ quasi sale conspersa, & in perpetuum putabatur extincta. Renata est Civitas, quæ in nihili vterum credebatur reversa. Vetera transierunt, ecce facta sunt omnia nova. Renovata est Roma, renovati Ciues, renovata Temppla, renovatus Senatus, renovatum Imperium, renovatus Imperator, renovata Sedes, renovatum ipsummet Flumen, quod eius muros alluit.

Renovata Roma in Christo, & per Christum ; & quæ priùs fuit Babylon meretrix, Civitas Belzebuh, Civitas menda ij Civitas abominationis & habitationis Demoniorum, facta est Civitas sancta, Civitas Dei, Civitas veritatis, Civitas sanctificationis, & Sanctorum domicilium : quippe blasphemiam, quam in fronte habebat scriptam, Christi confessione deleuit. Renovati Ciues,

Renouatus fluuius , renouatus Tiberis , & eius aqua antea non potabilis , potabilis facta est , eaque tantò purior quantò diutius in cisterna seruatur , etiam ad annos reposita.

Sed à quo quæso factæ sunt tantæ renouationes ? A Petro Petrus renouauit Romam per Euangelium : renouauit eius Ciues per prædicationem & baptismum , proprioque sanguine Christo Domino consecrauit Urbem , quæ erat habitatio Demoniorum , & custodia omnis Spiritus immundi ; quæ cum omnibus dominaretur gentibus , etiam & gentium omnium seruiebat erroribus. Petrus renouauit Templum per benedictionem. Petrus renouauit Senatum suo martyrio ; & sicut antiqui Senatus Senatores gentium purpura decorabantur ; ita & noui Senatus Principes Petri aliorumque Martyrum cruore iam incedunt purpurati. Petrus renouauit Imperium , & dilectus à Domino suo Prophetâ Domini vnxit Principes in gente sua. Imperium terrestre in Cæleste commutauit , qui à Domino regni Cælorum accepit clauës , & cui à Christo Cæli terræque supremo Domino in Cælis sicut in terra data est ligandi & soluendi suprema potestas. Petrus renouauit sedem , propriamque ex Christi beneficio sibi & Pontificibus successoribus constituit Cathedram , quæ Neronis erat solium : hacque renouatione effecit , vt non ampliùs homines , vt non ampliùs Cæsares nec Augusti , sed Deus solus Romæ dominaretur : Vt

S. Leo.  
serm. i.  
de Nat.  
Apost.

Ecclesi. 46.

Episcopus Romanus , Summus à Deo Pontifex institutus , tanquam supremus Christi Vicarius , legitimusque successor Petri regni Cælorum Clauigeri , nomine ac voce Dei per vniuersas Orbis plagas veram Theocratiam solus administraret. Petrus renouauit Romanum flumen , renouauit Tiberim , de eo fecit Iordanem in quo baptizaret , & iumentorum aquaria piscinam fecit probaticam , aquas damnationis salutis effecit aquas , & fluuius qui Ciuitatis Belzebuh alluebat mœnia , Ciuitatis Dei iam muros alluit.

Verum quia Petrus in Apostolatu Coadiutorem habuit Paulum , ideo & Paulo Romanæ renouationis tribuenda portio : Romæ enim euangelizauit , prædicauit , docuit , passus est sicut & Petrus ipse. Nec dubitarunt Ecclesiæ Patres Paulum æquè ac Petrum Romæ Patrem Pastoremque vocare. De hoc illustris Decretalium locus. *Petrus & Paulus illi sunt , per quos Euangelium Roma resplenduit. Isti sunt eius Patres. Isti sunt , quos electio pares , & labor similes , & finis fecit æquales. Isti sunt qui una die pro merito , uno loco pro gloria , sub uno persecutore pro parili virtute compassi Urbem ipsam glorioso cruore Martyrii Christo Domino consecrarunt. Isti sunt qui illam in hanc gloriam prouexerunt , ut sit gens sancta , populus electus , Ciuitas Sacerdotalis & regna , per sacram Beati Petri sedem Caput totius Orbis effecta. Christus ipse voluit ut huius renouationis partem haberet*



Paulus: ideo dixit illi; *Constans esto, sicut enim testificatus es de me in Ierusalem, sic te oportet & Roma testificari*: Nec dubitauit ipse Paulus quin tantæ prærogatiuæ portio illi esset concedenda, cum dixit, *Et postquam fuero ibi, oportet me & Romam videre.* A&. 19.

Et sicut à Remo & Romulo Roma fuerat condita, ita & à Petro Pauloque fuit renouata. Cum natus est Christus, imago Lupæ cum Remo & Romulo consecrata in Capitolio, veluti de Cælo tacta cecidit; vt scilicet Lupa, vera Ethnicismi figura, cederet Ecclesiæ nascituræ; vtque Remus ac Romulus, Romanæ Urbis conditores, Petro & Paulo, Romanæ Ecclesiæ fundatoribus, darent locum. Dio. Ro. Hist. l. 37

In indignatione sua Romam percusserat Dominus, & in reconciliatione sua misertus est eius. Exiit illam stolâ luctus & vexationis, & honore decoreque induit illam. Circumdedit illam diploide iustitiæ, & imposuit mitram Capiti honoris æterni. Venerunt ad eam curui filij eorum, qui humiliauerunt illam, & adorauerunt vestigia pedum eius omnes qui detrahebant illi, & vocauerunt illam Ciuitatem Domini. Pro eo quod fuit derelicta & odio habita, & non erat qui per eam transiret, posuit eam Dominus in superbiam sæculorum, gaudium in generationem & generationem, & suget lac gentium, & mamilla Regum lactabitur. Ablatum est Romæ terrarum Imperium, Isa. 60. Baruc. 5.

ablatum illi mundi regnum , ablata in corpora dominatio , necessarioque auferenda fuit : imò iis omnibus debuit ipsamet renunciare eo ipso momento , quo facta est Christi Ecclesia , & Christiani regni Metropolis ; quoniam regnum Christi non est de hoc mundo , nec ullus in animas potestatem habet præter Christum , & Pontificem Romanum , supremum eius Vicarium , aut quos supremus ille Vicarius tantæ potestatis vult fieri participes. Negotiatio est , inquit Tertullianus , aliquid amittere , vt maiora lucremur. Terrena amisit Roma , Leuitarum portione contenta , vt cælestia lucraretur. Sed quantò terra excelsius Cælum , quantò corpore nobilior anima , veteri Romæ imperio nouum tantò sublimius ac dignius censendum est ; æquiorique iure Caput Orbis habenda Roma , vt quæ religione obtinuit , quod prius armis erat consecuta , iuxta istud Prosperi.

Lib. de  
Ingratis.

*Sedes Roma Petri , quæ pastoralis honoris  
Facta Caput mundi , quicquid non possidet  
armis*

*Religione tenet :*

Quam quidem supremam prærogatiuam Beatorum Apostolorum beneficio ac meritis obtinuit , vt his versibus annuit Paulinus.

Nam prins imperio tantum & vistricibus  
armis,

Natal. 3.  
S. Felicis

Nunc & Apostolicis terrarum es prima se-  
pulcris.

Vnde Beatus Leo Romam ita compellat. *Pe-* De Na-  
*trus & Paulus sunt patres tui, verique pasto-* tal. Petri  
*res, qui te regnis celestibus inferendam mul-* & Pauli.  
*to melius multoque felicius condiderunt, quam*  
*illi quorum studio prima mœnium tuorum*  
*fundamenta locata, ex quibus qui tibi nomen*  
*dedit, fraterna cade te fœdavit. Isti sunt qui*  
*te ad hanc gloriam prouexerunt, ut gens sancta,*  
*populus electus, Civitas Sacerdotalis & re-*  
*gia, per sacram Beati Petri sedem Caput Or-*  
*bis effecta, latius præsideres religione divina*  
*quam dominatione terrena. Quamvis enim*  
*multis antea victoriis ius Imperij tui terra*  
*marique protuleris, minus tamen est quod ti-*  
*bi bellicus labor subdidit, quam quod pax*  
*Christiana subiecit. Obtigit Romæ Iobifor-*  
*tunata Sors: nouissimis eius benedixit Do-*  
*minus magis quam principio. Per peccatum,*  
*per falsam religionem Roma de Póμν facta*  
*fuerat Póμν, de forti Ciuitate debilis vicus,*  
*de vrbe amplissima deploranda parietinarum*  
*congeries: per gratiam, per veram religio-*  
*nem de Póμν, de vico debili, facta est ite-*  
*rum Póμν, Ciuitas fortis; imò Póμν, Póμν,*  
*Póμν; Fortis, Fortis, Fortis; & vbiq̃ue for-*  
*tis; fortis in cælis, fortis in terra, fortis in*  
*inferis. Quippe fortitudine sua in Cælo &*



in Terra quodcunque vult ligare & soluere  
potest eius Summus Pontifex, eademque  
fortitudine à Purgatorio animas liberare. Qui  
autem dicit *Ter fortem* dicit *fortissimam* in  
gradu superlatiuo. Roma vetus, Roma à Re-  
mo & Remulo condita fortis; Romana noua,  
Roma à Petro & Paulo renouata fortissima,  
supraque omnem fortitudinem fortis, quia  
est Turris gregis, quia est Cathedra Petri,  
quia est Arx Ecclesiæ Christi; imo Ecclesia  
ipsa, quam nec Mundi nec Diaboli fortissi-  
mæ potestates vnquam poterunt concutere:  
quippe Ecclesia est Romana, est fortissima;  
& Romana est atque fortissima, quia super  
petram firmam & inconcussam est fundata.



*QVÆ DE ROMA IN  
Roma Anagrammatismi ratione  
lateant Mysteria.*

CAPVT XIV.

**C**ONVERTE elementa & quid  
queris inuenies, inquit Arabs Rha-  
siez, idque rectè dictum. Quippe  
verum ac compertum est conuersione ele-  
mentorum, quibus nomina constant, mul-  
ta & recondita de nominatis arcana posse  
retegi, quæ non ex solo hominum instituto,  
sed & ex Dei ipsius decreto nomina signifi-  
care satis indicant. Si Hebræorum primum  
Dei nomen, quod est *Al*, ordine legatur in-  
uerso, orietur *la*, quæ est particula negati-  
ua *Non*; imò *Nihil*: Hocque nos docet,  
Deum respectu nostri negationem potius  
esse quam affirmationem, meliùs sciri Deum  
nesciendo quam sciendo, sanctiùs ac reue-  
rentiùs de actis Deum credere quam scire,  
enque tam immensum negatione rectiùs  
quam affirmatione definiri. Si cum diuino  
Platone dico, *quid Deus sit non noui, quid  
non sit noui*; Si cum Diuo Augustino, *Deus  
non est Calum, non est Terra, non est Angelus,*

A L.

L A.

August.  
TACITUS.

*non est Homo, non est Sol, non est Luna, aut aliud quodcunque in mundo tum elementari, tum Calesti, tum intelligibili mens potest cogitare, verum dico, nec diuinæ essentia in- iuriosæ sunt eiusmodi definitiones. Et si Deo aliquid comparare liceat, quid rectius, qua- so, ei possum comparare quam Nihil? Deus enim est infinitus, & post Deum nihil po- test excogitari quod sit infinitum quam ni- hil ipsum: Nam vt docent Philosophi, Deus est Nihil infinita duo. Deus cum creauit Mun- dum, & in eo creando nulla prorsus vsus est materia: ex nihilo creauit illum, imo de- buit creare. Opifici namque infinito materia infinita opus est, & si Deus in suis productio- nibus aliqua materia opus haberet, non esset Deus, quia non esset Omnipotens; & ne- cessariò oportuisset, vt quis alius potentior illo illam primam præparasset materiam ex nihilo, cum ante Mundi creationem nulla planè dicatur fuisse materia.*

Hai.  
lag.

*Hai* significat vitam, & *Iah*, quod huius vocabuli est anagramma, est etiam vnum ex nominibus Dei apud Hebræos, & quo Deum solent nominare, cum eius cantandæ sunt misericordiæ, inuitandique populi, vt Do- minum tam misericordem die ac nocte re- cordentur laudare; *Alleluiah*, Laudate Do- minum: *Laudate Dominum omnes gentes, laudate eum omnes populi, quoniam confir- mata est super nos misericordia eius.* Egre- gia sanè conuersio, excelsa proculdubio Me-  
tathesis



tathesis, misteriumque supra modum mirabile; In *Hai* inuenimus *Iah*, in *Iah* inuenimus *Hai*; in vita inuenimus Deum, & in Deo inuenimus vitam. In Deo solo reperitur vita, absque Deo nulla datur vita, quia Deus est ipsamet vita, sicut & via & veritas: vita, quæ dat vitam Mundo; vita quæ est Deus ipse, in quo viuimus, mouemur & sumus.

Ioan. 14.  
Ioan. 8.  
Ag. 17.

Græcum Saluatoris nomen, quod est *Ἰησοῦς*, Metathesis ratione hunc reddit sensum *Σὺ ὁ δὲ*, id est, *Tu tanquam Omnis*, quod est ipsius Isaia de Christo vaticinium; *Sicut Omnis ad occisionem ducetur, & quasi agnus coram tudente obmutescet, & non aperiet os suum.* Latinum, quod est *Iesus*, eadem seruata conuersione facit *Ius es*; & rectè quidem. Verè enim Ius est, qui est finis legis ad iustitiam omni credenti verè ius est, qui est iustitia ipsa, & qui factus est nobis Sapientia à Deo & Iustitia. Verè Ius est, per cuius fidem iustitia Dei in omnes & super omnes, qui credunt in eum. Verè Ius est, qui viuorum & mortuorum constitutus est Iudex, & qui in die iudicij vnicuique ius suum redditurus est.

Isai. 53.

Rom. 10.  
1. Cor. 1.

Ag. 10.

Cum dixisset Christus Pilato, *Omnis qui est de veritate audit vocem meam*, statim Pilatus quæsiuit ab illo, *Quid est veritas?* Christus autem obmutuit, nec interrogationi voluit respondere, quoniam in interrogatione continebatur responsum, *Est vir qui adest.*

Si harum duarum vocum, *Sacramentum Eucharistia*, transponamus elementa, inue-

deles, tam delicatum cibum odorantes, tamque suauem degustantes potum, inhumanis, crudelibus, horrendis cruentisque persecutionibus per totum Orbem plurimis sæculis diuexauit, comprehendit, in carceres detrussit, flagris excepit; tortoribus cruciandos, dilaniandos, vltimoque supplicio affi-

ciendos commisit. Et quia in ea sanguis Prophetarum & Sanctorum inuentus est, & omnium qui intefecti sunt in terra: quia inebriauit se sanguine Sanctorum, & de sanguine Martyrum Iesu: Quia occidit Prophetas, & lapidauit eos qui ad eam missi sunt, Ecce relictæ sunt ei domus desertæ; ideo facta est de *Πάυμ πύμν*, ideo cecidit, & in nihilum redacta est Babylon, Ciuitas illa magna, & vltra iam non inuenietur.

Verum itaque Sibylla edidit Oraculum, cum dixit, *Εσται Πάυμ πύμν*: illud comprobauit tempus, illud confirmauit experientia, eiusque complementum non sine luctu præterita vidēre sæcula. Roma facta est Vicus, facta est ruina, facta est luctuosus ac deflendus parietinarum aceruus. Et quis credidisset, inquit Hieronymus, vt totius Orbis extructa victoriis Roma corruisset? vt ipsa suis populis & mater facta esset & sepulchrum?

Cecidit Roma, fateor, sed cecidit, vt postea resurgeret gloriosior. Destructa est, sed destructa, vt reedificaretur pulchrior. Combusta est, sed combusta, vt ex propriis cineribus renasceretur illustrior. Scriptum est

enim ; *Incenderunt electam sanctitatis Cinitatem, & desertas fecerunt vias ipsius in manu Jeremie : nam malè tractauerunt illum, qui a ventre matris consecratus est Propheta ; euertere, eruerè & perdere, & iterum adificare & renouare.* Et ipsamet Sibylla, quæ Romæ veluti mortem prædixerat, prædixit etiam & eius resurrectionem.

*Et penas repetens ad terram sternet ab alto, Rursus & à terra sublimem tollet in altum.*

Sibyll.  
Orac.  
lib. 3.

Resurrexit Roma quæ tot annis in sepulchro iacuerat. Denuò ædificata est Vrbs quæ quasi sale conspersa, & in perpetuum putabatur extincta. Renata est Ciuitas, quæ in nihili vterum credebatur reuersa. Vetera transierunt, ecce facta sunt omnia noua. Renouata est Roma, renouati Ciues, renouata Tempia, renouatus Senatus, renouatum Imperium, renouatus Imperator, renouata Sedes, renouatum ipsummet Flumen, quod eius muros alluit.

2. Cor. 5

Renouata Roma in Christo, & per Christum ; & quæ priùs fuit Babylon meretrix, Ciuitas Belzebuh, Ciuitas menda iij Ciuitas abominationis & habitationis Demoniorum, facta est Ciuitas sancta, Ciuitas Dei, Ciuitas veritatis, Ciuitas sanctificationis, & Sanctorum domicilium ; quippe blasphemiam, quam in fronte habebat scriptam, Christi confessione deleuit. Renouati Ciues,



Renouatus fluuius , renouatus Tiberis , & eius aqua antea non potabilis , potabilis facta est , eaque tantò purior quantò diutius in cisterna seruatur , etiam ad annos reposita.

Sed à quo quæso factæ sunt tantæ renouationes ? A Petro Petrus renouauit Romam per Euangelium : renouauit eius Ciues per prædicationem & baptismum , proprioque sanguine Christo Domino consecrauit Urbem , quæ erat habitatio Demoniorum , & custodia omnis Spiritus immundi ; quæ cum omnibus dominaretur gentibus , etiam & gentium omnium seruiebat erroribus. Petrus renouauit Templum per benedictionem. Petrus renouauit Senatum suo martyrio ; & sicut antiqui Senatus Senatores gentium purpura decorabantur ; ita & noui Senatus Principes Petri aliorumque Martyrum cruore iam incedunt purpurati. Petrus renouauit Imperium , & dilectus à Domino suo Propheta Domini vnxit Principes in gente sua. Imperium terrestre in Cæleste commutauit , qui à Domino regni Cælorum accepit clauës , & cui à Christo Cæli terræque supremo Domino in Cælis sicut in terra data est ligandi & soluendi suprema potestas. Petrus renouauit sedem , propriamque ex Christi beneficio sibi & Pontificibus successoribus constituit Cathedram , quæ Neronis erat solium : hacque renouatione effecit , vt non amplius homines , vt non amplius Cæsares nec Augusti , sed Deus solus Romæ dominaretur : Vt

S. Leo.  
serm. i.  
de Nat.  
Apost.

Eccli. 46.

Episcopus Romanus, Summus à Deo Pontifex institutus, tanquam supremus Christi Vicarius, legitimusque successor Petri regni Cælorum Clauigeri, nomine ac voce Dei per vniuersas Orbis plagas veram Theocratiam solus administraret. Petrus renouauit Romanum flumen, renouauit Tiberim, de eofecit Iordanem in quo baptizaret, & iumentorum aquaria piscinam fecit probaticam, aquas damnationis salutis effecit aquas, & fluuius qui Ciuitatis Belzebuh alluebat mœnia, Ciuitatis Dei iam muros alluit.

Verum quia Petrus in Apostolatu Coadiutorem habuit Paulum, ideo & Paulo Romanæ renouationis tribuenda portio: Romæ enim euangelizauit, prædicauit, docuit, passus est sicut & Petrus ipse. Nec dubitarunt Ecclesiæ Patres Paulum æquè ac Petrum Romæ Patrem Pastoremque vocare. De hoc illustris Decretalium locus. *Petrus & Paulus illi sunt, per quos Euangelium Romæ resplenduit. Isti sunt eius Patres. Isti sunt, quos electio pares, & labor similes, & finis fecit æquales. Isti sunt qui una die pro merito, uno loco pro gloria, sub uno persecutore pro parili virtute compassi Urbem ipsam glorioso cruore Martyrij Christo Domino consecrarunt. Isti sunt qui illam in hanc gloriam prouexerunt, ut sit gens sancta, populus electus, Ciuitas Sacerdotalis & regia, per sacram Beati Petri sedem Caput totius Orbis effecta. Christus ipse voluit ut huius renouationis partem haberet*

Paulus: ideo dixit illi; *Constans esto, sicut enim testificatus es de me in Ierusalem, sic te oportet & Roma testificari*: Nec dubitauit ipse Paulus quin tantæ prærogatiuæ portio illi esset concedenda, cum dixit, *Et postquam fuero ibi, oportet me & Romam videre.* A. 19.

Et sicut à Remo & Romulo Roma fuerat condita, ita & à Petro Pauloque fuit renouata. Cum natus est Christus, imago Lupæ cum Remo & Romulo consecrata in Capitolio, veluti de Cælo tacta cecidit; vt scilicet Lupæ, vera Ethnicismi figura, cederet Ecclesiæ nascituræ; vtque Remus ac Romulus, Romanæ Urbis conditores, Petro & Paulo, Romanæ Ecclesiæ fundatoribus, darent locum. Dio. Ro. Hist. l. 37

In indignatione sua Romam percusserat Dominus, & in reconciliatione sua misertus est eius. Exiit illam stolâ luctus & vexationis, & honore decoreque induit illam. Circumdedit illam diploide iustitiæ; & imposuit mitram Capiti honoris æterni. Venerunt ad eam curui filij eorum, qui humiliauerunt illam, & adorauerunt vestigia pedum eius omnes qui detrahebant illi, & vocauerunt illam Ciuitatem Domini. Pro eo quod fuit derelicta & odio habita, & non erat qui per eam transiret, posuit eam Dominus in superbiam sæculorum, gaudium in generationem & generationem, & suget lac gentium, & mamilla Regum lactabitur. Ablatum est Romæ terrarum Imperium, Isa. 60. Baruc. 5.



*Nam prius imperio tantum & visticibus  
armis,*

Natal. 3.  
S. Felicis

*Nunc & Apostolicis terrarum es prima se-  
pulcris.*

Vnde Beatus Leo Romam ita compellat. *Pe-  
trus & Paulus sunt patres tui, verique pasto-  
res, qui te regnis celestibus inferendam mul-  
tò melius multoque felicius condiderunt, quam  
illi quorum studio prima mœnium inorum  
fundamenta locata, ex quibus què tibi nomen  
dedit, fraterna cede te fœdavit. Isti sunt qui  
te ad hanc gloriam pronexerunt, ut gens sancta,  
populus electus, Civitas Sacerdotalis & re-  
gia, per sacram Beati Petri sedem Caput Or-  
bis effecta, latius præsidere religionem divina  
quam dominatione terrena. Quamvis enim  
multis aucta victoriis ius Imperij tui terra  
marique protuleris, minus tamen est quod ti-  
bi bellicus labor subdidit, quam quod pax  
Christiana subiecit. Obtigit Romæ Iobi for-  
tunata Sors: nouissimis eius benedixit Do-  
minus magis quam principio. Per peccatum,  
per falsam religionem Roma de Πόμῃ facta  
fuerat Πύμῃ, de forti Ciuitate debilis vicus,  
de vrbe amplissima deploranda parietinarum  
congeries: per gratiam, per veram religio-  
nem de Πύμῃ, de vico debili, facta est ite-  
rum Πόμῃ, Ciuitas fortis; imò Πόμῃ, Πόμῃ,  
Πόμῃ; Fortis, Fortis, Fortis; & vbique for-  
tis; fortis in cælis, fortis in terra, fortis in  
inferis. Quippe fortitudine sua in Cælo &*

De Na-  
tal. Petri  
& Pauli.

in Terra quodcunque vult ligare & soluere  
potest eius Summus Pontifex, eademque  
fortitudine à Purgatorio animas liberare. Qui  
autem dicit *Ter forem* dicit *fortissimam* in  
gradu superlatiuo. Roma vetus, Roma à Re-  
mo & Remulo condita fortis; Romanoua,  
Roma à Petro & Paulo renouata fortissima,  
supraque omnem fortitudinem fortis, quia  
est Turris gregis, quia est Cathedra Petri,  
quia est Arx Ecclesiæ Christi; imo Ecclesia  
ipsa, quam nec Mundi nec Diaboli fortissi-  
mæ potestates vnquam poterunt concurere:  
quippe Ecclesia est Romana, est fortissima;  
& Romana est atque fortissima, quia super  
petram firmam & inconcussam est fundata.



QVÆ DE ROMA IN  
Roma Anagrammatismi ratione  
lateant Mystéria.

CAPVT XIV.

**C**ONVERTE elementa & quid  
queris inuenies, inquit Arabs Rha-  
siez, idque rectè dictum. Quippe  
verum ac compertum est conuersione ele-  
mentorum, quibus nomina constant, mul-  
ta & recondita de nominatis arcana posse  
reteri, quæ non ex solo hominum instituto,  
sed & ex Dei ipsius decreto nomina signifi-  
care satis indicant. Si Hebræorum primum  
Dei nomen, quod est *Al*, ordine legatur in-  
uerſo, orietur *la*, quæ est particula negati-  
ua *Non*; imò *Nihil*: Hocque nos docet,  
Deum respectu nostri negationem potius  
esse quam affirmationem, meliùs sciri Deum  
nesciendo quam sciendo, sanctiùs ac reue-  
rentiùs de actis Deum credere quam scire,  
enſque tam immensum negatione rectiùs  
quam affirmatione definiri. Si cum diuino  
Platone dico, *quid Deus sit non noui, quid  
non sit noui*; Si cum Diuo Augustino, *Deus  
non est Calum, non est Terra, non est Angelus,*

AL.

LA.

August.  
Tacticus.



*non est Homo, non est Sol, non est Luna, aut aliud quodcunque in mundo tum elementari, tum Caeleſti, tum intelligibili mens poteſt cogitare, verum dico, nec diuinæ eſſentiæ iniurioſæ ſunt eiufmodi definitiones. Et ſi Deo aliquid comparare liceat, quid rectius, quaſo, ei poſſum comparare quam Nihil? Deus enim eſt infinitus, & poſt Deum nihil poteſt excogitari quod ſit infinitum quam nihil ipſum: Nam vt docent Philoſophi, Deus eſt Nihil infinita duo. Deus cum creauit Mundum, & in eo creando nulla prorsus vſus eſt materia: ex nihilo creauit illum, imo debuit creare. Opifici namque infinito materia infinita opus eſt, & ſi Deus in ſuis productionibus aliqua materia opus haberet, non eſſet Deus, quia non eſſet Omnipotens; & neceſſariò oportuiſſet, vt quis alius potentior illo illam primam præparaſſet materiam ex nihilo, cum ante Mundi creationem nulla planè dicatur fuiſſe materia.*

Hai.  
lag.

*Hai ſignificat vitam, & Iah, quod huius vocabuli eſt anagramma, eſt etiam vnum ex nominibus Dei apud Hebræos, & quo Deum ſolent nominare, cum eius cantandæ ſunt miſericordiæ, inuitandique populi, vt Dominum tam miſericordem die ac nocte recordentur laudare; Alleluiah, Laudate Dominum: Laudate Dominum omnes gentes, laudate eum omnes populi, quoniam confirmata eſt ſuper nos miſericordia eius. Egregia ſanè conuerſio, excelsa proculdubio Metatheliſis*

tathesis, misteriumque supra modum mirabile; In *Hai* inuenimus *Iah*, in *Iah* inuenimus *Hai*; in vita inuenimus Deum, & in Deo inuenimus vitam. In Deo solo reperitur vita, absque Deo nulla datur vita, quia Deus est ipsamet vita, sicut & via & veritas: vita, quæ dat vitam Mundo; vita quæ est Deus ipse, in quo viuimus, mouemur & sumus.

Ioan. 14.

Ioan. 8.

Ag. 17.

Græcum Saluatoris nomen, quod est *Iesous*, Metathesis ratione hunc reddit sensum *Ed ñ dis*, id est, *Tu tanquam Ovis*, quod est ipse Iſaix de Christo vaticinium; *Sicut Ovis ad occisionem ducetur, & quasi agnus coram rudente obmutescet, & non aperiet os suum.* Latinum, quod est *Iesus*, eadem seruata conuersione facit *Ius es*; & rectè quidem. Verè enim Ius est, qui est finis legis ad iustitiam omni credenti verè ius est, qui est iustitia ipsa, & qui factus est nobis Sapientia à Deo & Iustitia. Verè Ius est, per cuius fidem iustitia Dei in omnes & super omnes, qui credunt in eum. Verè Ius est, qui viuorum & mortuorum constitutus est Iudex, & qui in die iudicij vniciusque ius suum redditurus est.

Iſai. 53.

Rom. 10.

1. Cor. 1.

Ag. 10.

Cum dixisset Christus Pilato, *Omnis qui est de veritate audit vocem meam*, statim Pilatus quæsiuit ab illo, *Quid est veritas?* Christus autem obmutuit, nec interrogationi voluit respondere, quoniam in interrogatione continebatur responsum, *Est vir qui adest.*

Si harum duarum vocum, *Sacramentum Eucharistia*, transponamus elementa, inue-

niemus quid & quale sit tantum & tam augustum Sacramentum, *Chara Ceres in Iesum mutata* Hæc duonomina, *Maria Virgo*, anagrammatismo reddunt *Mira Virago*; indeque discimus Mariam Virginem re ipsa esse Miram Viraginem. *Mira* profecto *Virago*, quæ sola inter vniuersos Adami posteris ab originali peccato immunis concipi meruit. *Mira Virago*, quæ virum egit absque opera viri, quæ concepit, quæ peperit Virgo, & post partum sicut & ante partum inuiolata Virgo permansit. *Mira Virago*, quæ sola inter vniuersas Matres hanc obtinuit prærogatiuam, vt esset Mater filij, qui erat eius pater & conditor. *Mira Virago*, quæ gestauit in vtero qui totum Mundum continet pugillo, & quæ ventris sub arca clausit quem Celi ipsi nõ possunt capere.

In *Maria Magdalena* pari ratione ipsius *Magdalenz* legimus confessionem & conuersionem, *Grandia mala mea*. In *Catherina de Medicis*, quod illa Hetrutiz Ducis illustrißima filia vnus è nostris Henricis casta Dea esset futura, *Henrice mei casta Dea*: In *Cornelius Iansenus*, quod eius Doctoris doctrina aliquo modo redoleat Calvinismum, sitque veluti Calvinus alter, *Est Ioannes Calvinus*: In *Henri de Nemours*, quod ille Princeps, tanquam Rhemensis Archiepiscopus, illius Urbis maximus honos esset futurus, *Honneur de Reims*: In *Marse de Vignerot*, quod illa Heroïna, licet matrimo-



nio iuncta, à marito remansura foret intacta, *Vierge de son mari*: In *André Puion*, quod eo dictus nomine Rioni aliquando patibulo esset suspendendus, *Pendu à Rion*, ut re quidem ipsa fuit; quod observauit Causinus in Aula Sancta.

In *Virgo* reperimus *Vigor*, ut inde constet verum & vegetum vigorem in virginitate & Venerei actus abstinencia esse repositum. In *Corpus* legimus *Porcus*; quod significat Corpus, licet humanum, esse naturæ porcine; & sicut porcum in luto voluptatum, in cœno deliciarum se volutare, nisi cohibeatur à Spiritu, qui idcirco à Deo eius constitutus est Dominus. In Græco *Agên*, id est Virtus, continetur *Egên*, id est amabilis, ut sciant homines Virtutem ex se ipsa amabilem & amandam esse, ut quæ omnium rerum amabilissima est, & quâ nihil amabilius potest excogitari. In Italico *Donna*, id est *Mulier*, inuenimus *Danno*, quod significat & *Damnum* nomen, & *Damno* verbum, atque *Dant*, quæ est tertia pluralis à Verbo *Do*: Ut inde appareat mulierem nostrorum damnorum esse fontem & originem; imo causam ipsam, cur sæpius damnetur homo; & quod si aliquid illi dat, solum dat illi damnum.

Rupellani, cum murorum fortitudine Ciuiumque aduersis conatibus iam tot regum obsidiones irritas effecissent, inde Ciuitatem suam quasi iudicantes inexpugnabile, Deum.

que esse eius brachium & protectorem, hoc dictum portis curauerunt incidi, *Vrbs sub oculo divino*; eoque, licet inscientes, tantæ arcis euerfionem vaticinati sunt: quippe sub elementis ipsius dicti latebat *Ludovicus Borbonius*, nomen scilicet illius Regis, qui illam inexpugnabilem ex Cæli decreto erat expugnaturus. Sed hæc pauca, quæ de Anagrammatismo protulimus, ad corroborandam eius sufficientiam potestatem. Videamus iam quid notitiæ de Roma in *Roma* hac inuestigandi ratione poterimus inuenire.

Primum, quod Nominis *Roma* mihi occurrit Anagramma, est *Maro*; nomen illius vatis celeberrimi, qui dictionis cultu, qui eruditionis sublimitate, qui excelsa scribendi ratione Latinæ Poeseos principatum obtinere meruit. Sed quare *MARO* in *ROMA*? A superis hoc ita dispositum, hoc ita factum, ut *Roma* proprium intuens vocabulum, in eo veluti in speculo perspiceret nomen illius, qui eius encomiastes, qui eius genealogus, qui eius vates, qui eius Orphæus, qui eius Apollo esset futurus. *Maro* ex officio, & quasi ex proprii nominis præcepto, Romam & Romanæ gentis conditorem celebrare, Ciuitatem & Ciues laudibus & encomiis decorare debuit, quia tantæ prouinciæ munus ante illum nemo ausus erat suscipere. *Vrbs* excelsa scriptorem poscebat excelsum, gens sublimis vatem pe-tebat sublimem, conditor insignis enco-

miaſten poſtulabat inſignem. Quis autem Marone ſcriptor excellior? Quis poëta ſublimior? Et quod vnquam ſæculum vatem nouit inſigniore? Nec ſolum fuit emi-nens, ſed & eminentium eminentiſſimus; *Excelfus, eminentiſſimus vates, poëta præclarus*, ait Marcellinus: *Pater & Princeps* Lib. 15.  
*Carminum*, iuxta Velleium; *Et Latinorum* & 19.  
*Poëtarum primus*, ſecundum Lactantium. Lib. 1.  
 Eius denique gloria tam excelfa eſt, inquit Macrobius, *Vi nullius laudibus creſcat, nullius vituperatione minuat*. Verum ſicut Sat. c. 24.  
 ex vngue leo, & ex fructu arbore, ita & ex opere cognoscitur opifex. Prætermiſſis aliis Maronis ſcriptis, videamus tantummodo quid de ſola eius Æneide ſentiant auctores. Si credimus Naſoni, *Nullum Latio clarius extat opus*: Si Statio, arduum quid feciſſe arbitrabimur, qui tanti operis elegantiam quodammodo duntaxat potuit imitari;

*Nec tu diuinam Æneida tenta,  
 Sed longè ſequere, & veſtigia ſemper adora.*

Magna eſt Homeri Ilias, fateor & fatentur omnes, & adeo magna, vt maximus inter magnos, qui fuit Alexander Macedo, in Darij capsula, quæ tanti Regis præcipuum æſtimabatur ſpolium, illam recludi voluerit. Sed Iliade maior eſt Æneis; ideoque iure ac meritò de illa dixit Poëta.



*Cedite Romani scriptores, cedite Gray,  
Nescio quid mains nascitur Iliade.*

Secundum Anagramma est *MORA* : & fortassis ad hanc nominis conuersionem respexerat Fabius , cum de prælio aduersus Annibalem committendo meditaretur ; in rebus bellicis *mora* aliquando opus esse iudicans ; illa duntaxat tempestate patriæ salutem in *mora* esse repositam , tamque potentem hostem *mora* longè faciliùs quam celeritate profligatum iri : Nec fefellit illum expectatione : sua enim *mora* & cunctatione restituit Rempublicam , quam fortè pessundidisset , si celeritate & præcipatione hoc in bello esset vsus. Vnde de illo postea dixit Ennius.

*Vnus homo nobis cunctando restituit rem.*

Huius anagrammatis rationem inuestigans Guillelmus Blancus , in suo Tractatu de Anagrammatismo , sic ait ,

*Cur varios tamdiu remoratur Roma clientes ?*

*Fortè quod inuerso nomine Roma Mora est.*

Et rectè quidem , si de Curia Romana tantum habeatur sermo : Mora enim Romanæ Curia sicut & aliis Curiis consueta est , &

quasi perpetua. Verum si de Ecclesia, nihil absurdus, nihil ineptius dictum aut ex cogitatum. Nonne celeris, nonne velox est Aquila? Sanè, & ita velox, ut volucres omnes velocitate dicatur superare. Romana autem Ecclesia Aquila est, aquilæque comparatur à Ioanne in Apocalypsi: & cum de fi- Apoc. 12 liorum agitur salute, potius volat quam currit. Quid plura? Si *Roma* est *Mora*, hoc intelligendum per antiphrasin: *Romam* scilicet, esse *Moran*, quod minimè *Mora* sicut *Bellum* dicitur *Bellum* quod minimè *bellum*; aut si *Mora* sit, *Moram* tantum esse, & mora seu cunctatione duntaxat uti, cum de corripiendis aut castigandis filiis, cum de contumacibus ex gremio eiiciendis agitur, ut eiusmodi benigna & patienti morâ respiscendi tempus habeant.

Sed dicet Schismaticus, dicet Hæreticus, dicet Infidelis, si *Roma Mora*, ergo & *fatua*, ergo *stulta*, id enim est quod significat Græcè *Μωρὰ*. Consequentiam absolutè non nego, solum utor distinctione. *Roma fatua*, dum dixit, *Sedeo regina, & vidua non sum, & iustum non videbo*: dum in auro, dum in argento, dum in equis, dum in curribus, dum in legionibus, dum in classibus, dum in Civium duntaxat viribus imperium salutemque reposuit. *Stulta Roma*, dum *Dæmones* & spiritus immundos excepit hospitio, dum gentium Deos coluit, adoravitque simulachra, quæ nec loquebantur, nec vide-

bant, nec audiebant, nec odorabant, nec palpabant, nec ambulabant, licet & os, & oculos, & aures, & nares, & manus, & pedes haberent. Et quia confisa est in diuitiis, in principibus, in filiis hominum, in quibus non erat salus, ideo cecidit, ideo corruit, & ut alibi iam diximus, veteris Romæ tam paucæ tamque exiguæ supersunt reliquæ, ut vix illa fuisse credatur. Verum defuit esse fatua, defuit esse stulta, & re ipsa facta est sapiens, cum se humiliavit, ac Domina gentium titulum in Seruæ seruorum Dei commutavit insigne: quum Dæmonis abegit lupam, ut Christi hospitaretur Ecclesiam: quum pro Remo & Romulo conditoribus Petrum & Paulum in restauratores assumpsit: quum desciuit ab Ethnicismo, ut Christianismum profiteretur: quum Deorum exauguravit templa, ut ea vero Deo postea inauguraret: quum terreno imperio se abdicavit, ut à Deo ipso impertiretur Cælesti: quum denique Mundo diffidit, eiusque diuitias & potestates despexit, ut in Christo solo confideret, ac in eius & Matris & Sanctorum meritis spem suam in æternum collocaret.

Tertium Anagramma est *AMOR*, quod Scaliger sic explicuit hoc Disticho,

*Roma, quod in verso delectaretur amore,  
Nomen ab in verso nomine cepit Amor:*



Fortassis quod Paulus istius præposteri amoris Romanos videatur insinulasse, cum dixit: *Femina eorum immutauerunt naturalem* Rom. 1. *usum in eum usum qui est contra naturam: Similiter & masculi, relicto naturali usu femina, exarserunt in desideriis suis in inuicem, masculi in masculos turpitudinem operantes.* Sed de huiusmodi nominis inuersione & saniores & veriores dabimus rationem. Ut aggrediretur Romana Vrbs quod aggressæ est, ut faceret quod fecit, ut omnes terrarum reges superaret; ut totum Orbem suo subbiiceret imperio, amore proculdubio opus habuit, amore scilicet virtutis, amore gloriæ, amore famæ æternæ, qui ad tam egregia suscipienda Ciuium animos incitaret. Hic amor verus est amor: ille artium & scientiarum primus Magister est, inquit Orpheus; & ut Philosophiæ, ut Theologiæ, ut Mathematici, ut Iurisprudentiæ quis nauet operam, earum scientiarum amore captus sit oportet. Nullum egregium facinus, quod hunc amorem non habeat autorem: nihil tam arduum & difficile, quod non superet tam perfectus amor, recteque dixit qui prius dixit,

*Omnia vincit Amor, & nos cedamus  
amori.*

Maxima bona, secundum Platonem, sunt tot riui, qui ex huius amoris limpido oriun-

tur fonte : Et ea sola fuit ratio , quæ olim Athenienses adduxit , vt in medio Academia templum amori consecrarent. Romana Vrbs terreno languit amore , sed Romana Ecclesia amore cælesti languet. Languet amore Christi , cuius est dilectissima Sponsa. Languet amore gregis , quem Christus dilectissimus Sponsus dedit illi pascendum. Languet amore filiorum , quos alendos , quos educandos , quos fouendos commisit illi qui est eorum Pater & Dominus. In hoc incumbit hæc charissima Sponsa , vt ametur , vt colatur Christus suus charissimus Sponsus. In hoc inuigilat hæc benigna Pastrix , vt bene pascatur & feliciter saluetur Grex sibi commissus. In hoc desudat illa pia Mater , vt quouis tempore bene se habeant filij. Aberrantes in rectam viam reducere conatur. Prodigos domum redeuntes benignè excipit. Perditos quærit , & si quis perierit deflet eum amarissimè. Succurrit periclitantibus , lapsis fert opem , manum præbet per-euntibus , refocillat languidos , curat saucios , sospitat peregrinantes , consolatur afflictos , docet ignorantes , corrigit peccantes , consilio iuuat indigentes , fert patienter iniurias , remittit offensas , orat pro defunctis sicut & pro viuis , & quod summæ charitatis mirum est indicium , orat etiam pro persecutoribus. Pascit esurientes , potat sitientes , colligit hospites , operit nudos , visitat

infirmos, conuenit reclusos in carcere, redimit captiuos, sepelit mortuos, ad extremas terræ regiones se confert, per maria nâgât ignota, nulli denique parcit labori, nihil tam arduum & difficile quod non suscipiat, nullum periculum quod non subeat, cum agitur de filiorum salute: quæ omnia, vt dicunt Hispani, *Finezas son de amor tan estremadas, que no ay mas que dessear ò esperar*, amoris tam perfecta sunt argumenta, vt nihil ultra possit desiderari aut expectari. Et fortassis Maro, cuius nomen, vt diximus supra, in Roma est sicut & Amor, Romanæ Urbis, aut potius Romanæ Ecclesiæ in suos futurum amorem & pietatem præsagens, ideo Æneam, Romanæ gentis conditotem, primo Æncidos ita loquentem induxit.

*Sum pius Æneæ, raptos qui ex hoste penates*

*Classe uelò mecum.*

Ideo ipsemet Poëta passim vocat Æneam *Pium, Patrem & Parentem*, quæ quidem epitheta summi amoris euidentia sunt signa.

Quartum anagramma est *ARMO*, idque legitimum, ac Romanæ magnitudini maximè consentaneum. Debuit armare & armari Roma, quoniam Martis, armorum



summi præfecti & administratoris , filia  
esset credita. Debuit armare & armari  
Vrbs , quæ aduersus omnes totius Or-  
bis bellicosissimas nationes erat bellatu-  
ra. Debuit armari potenter , & poten-  
tes armatos sibi conscribere Ciuitas illa , quæ  
armis potentissimos terræ populos suo im-  
perio erat subiectura. Fortibus armis muni-  
ri debuit , quæ facta tandem Ecclesia Chri-  
sti victoris , aduersus Mundi & Inferni po-  
testates indefinenter erat certatura. Arma-  
ta igitur Roma , & secundum nomen ; sed  
quibus armis , quæso , armata ? Non semper  
iisdem armis armata fuit : pro tempore &  
pro dignitate diuersis & dissimilibus armis  
debuit armari. Romana Vrbs temporali gla-  
dio fuit armata , Romana Ecclesia spiritua-  
li gladio incedit munita. Illa ferro domuit  
populos , hæc verbo Dei vincit illos. Illa,  
vt Prouincias sibi subiiceret , Consules & Le-  
giones misit armatas : Hæc , vt eundem con-  
sequatur finem , Apostolos excalceatos &  
inermem Discipulorum cateruam delegat.  
Illa , vt expugnaret Ciuitates , arietibus  
aliisque machinis vsa est : Hæc , vt Christo  
lucretur illas , sola Euangelij vtitur prædi-  
catione. Illa in insigne sibi delegerat Aquil-  
lam , hæc in vexillum sibi constituit Cru-  
cem. Illa lorica suos tegebat milites , hæc  
cilicio. Illa suos hastis & ensibus armabat ;  
Hæc breuiario , precaria corolla & scutica.  
Et quantumuis debilia ac inualida Mundo

videantur hæc Romanæ Ecclesiæ arma, certum est tamen illam longè fortiùs & gloriôsùs similibus armis pugnauisse, quam vnquam suis pugnauerit Romana Vrbs. Ab incunabulis ad nostrum vsque tempus tam fortiter ac tam gloriosè omni sæculo decertauit, vt latius iam præsideat Roma religione diuina, quam vnquam præfederit dominatione terrena, & minus sit quod illi bellicus labor subdidit quam quod Christiana pax subiecit.

Quintum & vltimum Romæ anagramma, quo nimirum hoc nostri opusculi penultimum Caput volumus concludere, est *Ramo*, Ablatiuus à Nominatiuo *Ramus*, cuius significatum victoriæ & pacis est symbolum. Armata fuit Romana Vrbs, & armata permansit indefinenter pugnans, donec toto Orbe deuicto victoriæ pacisque *Ramo* fuerit donata, nempe sub Augusto, quo tempore natus est Christus; Christus princeps pacis, & in cuius virtute aliquot iam annos ante natalem eius diem facta erat pax per vniuersam terram. Armata est Romana Ecclesia; armati sunt eius athletæ; explorant eius vigiles, ne veniant Schismatici, ne irruant Heretici, ne improuisam illam occupent Infideles; ne Diabolus, Leo rugiens, eius deuoret filios. Armata est, & armata permanebit vsque ad consumationem sæculi, quo tempore Chri-

stus , dilectissimus Sponsus , cuius est Columba dilectissima , oliuæ *Ramo* donabit illam , vt æternæ pacis ramo coronata , in æternum triumphet in Cælis.





ARCANA, QUÆ DE RO-  
ma in Roma Siglarum ratione  
possunt reperiri.

CAPVT VLTIMVM.

VETERIBVS mos fuit scribere  
per Notas, quas dicebant *Siglas*,  
quasi *Sigillas* seu *Singulas*, quod sin-  
gulæ pro vocibus integris ponerentur, verbi  
gratia S. P. D. pro *Salutem Plurimam Dicit*.  
Huius compendiosæ scribendi rationis habita-  
ratione, Romani tesseris, signis vexillisque  
has quatuor apponebant literas S P Q R.  
vt quaque litera vocabulum integrum signi-  
ficante, idem essent ac *Senatus Populus Que  
Romanus*. Federicus tertius, Imperator, Au-  
striacæque magnitudinis conditor, eodem  
fortassis innixus fundamento, pro symbolo  
vexillis curauerat depingi quinque Vocales,  
A. E. I. O. V. quas sic ipsemet explicuit, *Au-  
stria Erat In Orbe Ultima*: licet modo pror-  
sus dissimili, veroque comprobato, postea  
fuerint expositæ; *Austria Erat In Odio Vbi-  
que*. Carolo quinto, eiusdem gloriosæ stir-  
pis glorioso palmiti, vt rectius inuentum,  
feliciter successit, quod Vexillis inscribi ius-

ferat, nimirum *Adfit*; cuius vocabuli quinque literis hoc ipsemet indidit significatum, *Adiuuante Deo Superabo Imperatorem Turcarum*: quod victoriæ proximæ fuit veluti vaticinium: Commisso enim prælio Solimannum, Turcarum Imperatorem, cum numerofo ac potentiffimo exercitu Viennam oppugnantem, feliciter superauit, Urbemque obfefsam obfidiõne liberauit.

Quoniam vero per Notas vt plurimum fcribere folerent Libelliones feu Tabelliones, ideo à Notis dicti funt *Notarij*: Et quia vna duntaxat litera plurium crebrò vocum erat fignvm, indeque fæpius obueniebat error, ideo à Latinis Iuris Codicibus fustulit Imperator Iuftinianus, & à Græcis Bafilius. Vt vt fit, & qualifcumque fit facultas & vſus integram declarandi vocem vnâ duntaxat literâ, hoc tamen modo tum Hebræos, tum Græcos & Latinos, arcana quamplurima & reconditiſſima retexiſſe certum eſt.

Hunc tertij Dauidici Pfalmi verficulum, *Multi insurgent aduerſum me*, textus Hebraicus vnico declara vocabulo, ſcilicet *Rabim*, ex quatuor elementis conflato, *Res*, *Beth*, *Iod*, *Mem*: per quæ huius ſanctæ linguæ Doctores intelligunt populos quatuor, qui poſt multas vexationes Iudaicum tandem deleuerunt regnum, nimirum Romanos, Babylonios, Iones & Medos.

In nomine *ADAM*, quod quatuor conſtat elementis, quatuor Mundi partium nominata,

mina inueniant Græci ; quæ nomina sunt  
*Anatole, Dysis, Arctos, Mesembria*, id est  
 Oriens, Occidens, Septentrio, Meridies.  
 Idque significat, vt obseruauerunt Isidorus  
 ac Eusebius, Adamo ex Eden expulso, eius  
 posteros per quatuor Mundi partes postea  
 fuisse diffusos. Huius arcani meminit etiam  
 Sibylla libro secundo.

Isid. Etym.  
 lib. 7. c. 6.  
 Euseb.  
 præp.  
 Euang.  
 lib. 11.  
 cap. 9. &  
 lib. 7. c. 3.  
 Sibyll.  
 Or. c.  
 lib. 3.

*Nimirum Deus is finxit tetragrammaton*  
*Adam,*

*Qui primus filius fuit, & qui nomine*  
*complet*

*Orium, Occasum, Austrum, Boreamque*  
*rigentem.*

Isdem Græcis Piscis dicitur ΙΧΘΥΣ, huius-  
 que vocabuli quinque literis Saluatoris de-  
 clarantur nomina, videlicet Ιησους χριστος Θς  
 υιος, Σωτηρ, Iesus Christus Dei Filius Ser-  
 uator. Idcirco Tertullianus Christum Ιχθυς,  
 id est Piscem, & Christianos *Pisciculos* ap-  
 pellat: Sed nos *pisciculi secundum Ιχθυς no-*  
*strum Iesum Christum in aqua nascimur.*  
 Optatus, vt Christum *Piscem*, ita & Baptis-  
 matis sacros fontes *Piscinam* vocat: *Hic est*  
*piscis, qui in Baptismo per invocationem*  
*fontalibus undis inseritur, vt qua aqua fue-*  
*rat, à Pisce etiam Piscina vocetur: Cuius*  
*Piscis nomen secundum appellationem Græcam*  
*in uno nomine per singulas literas urbem*  
*Sanctorum nominum continet. Christo Ιχθυς*

Lib. de  
 Bapt.

Lib. 3.  
 adu. Par-  
 ment.



§ de  
rad. P.  
2.c.39.

nomen etiam tribuit Prosper, cum dicit;  
*Sariat ex seipso in litore Discipulos, & co-  
ti offerens se mundo Ictur, piscis sua passione  
decoctus, cuius ex interioribus remediis quo-  
tidie illuminamur & pascimur.*

Lorinus in primum Actuum Caput, & Vega  
in Apocalypsis duodecimum, elementa quin-  
que, quibus constat *MARIA*, quinque ve-  
teris legis viraginibus illustrissimis attribuunt  
voluntque intelligi per *M. Mariam*, Moisis  
Sororem: per *A. Abigail*, prius Nabal, po-  
stea Dauidi nuptam: per *R. Rebecca*, Isaac  
coniugem: per *I. Iudith* viduam: & per  
vltimum *A. Annam*, Samuelis matrem. Nam  
sicut olim pictor Zeuxis, cum Helenæ pul-  
cherrimæ figuram suscepisset effingendam,  
pulcherrimas quinque puellas, quæ in tota  
Græcia potuissent inueniri, curauit accersi,  
mutuatusque est à singulis quodcunque pul-  
chrius & formosius, quodcunque speciosius  
ac venustius in iis obseruasset. Ita Conditor  
Æternus, in efformanda Virgine, Filij Ge-  
nitricæ, illas quinque clarissimas mulieres,  
quasi quinque perfecta archetypa, sibi pro-  
posuisse videtur, ex iisque singulis illam de-  
sumpsisse excellentiam, quam ad tam per-  
fectum opus condendum iudicauit aptiorem.  
A Maria videlicet prudentiam, ab Abigail  
humilitatem, à Rebecca pulchritudinem, à  
Iudith fortitudinem, & ab Anna sanctita-  
tem accipiens. Nec tantum hoc, sed & alia  
quamplurima, longèque reconditiora rete-

gentur arcana de Maria, si *MARIA* singulis literis singulæ voces dentur significandæ. Ut sunt sequentia, quæ si in tempore Præterito aut Præsenti proferantur, ferè totam Mariæ prodent Historiam.

*Mundum Admirando Radio Illustravit  
Anna,*

*Mariam Amicam Redemptionis Inducens Auroram.*

*Maria Atri Rupit Ianuam Auerni;  
Magnanima, Animosæ, Reum Iugla-  
uit Aduersarium.*

*Malis Adami Remedium Infallibile At-  
tulit.*

*Maria Adest Robusta, Indefessa Aux-  
liatrix.*

*Magnificè Adiuvat, Robur Inimicis  
Adimit.*

*Mirificè Auxiliatur, Robur Imbecillis  
Addit.*

*Mariam Amabilem Religiosus Ioseph  
Accipit.*

*Maritam, Amat, Reueretur Illam Ad-  
modum.*

*Missus Angelus Refert Illi Admiranda.  
Mundi Autorem Reclaudit In Aluo,  
Merita Ante Reliquos Illum Adorare.*

*Maria Alumnum Reges Iure Adorant.  
Mater Alma Redemptoris Iesu Altrix,  
Miro Amore Rumas Illi Admouet,  
Magnopere Amat, Reueretur, Intuetur,  
Admiratur.*

*Maria Admonita Refugit In Aegyptum,  
Monitu Angeli Redemptorem Illuc Ap-  
portat,  
Mortuo Aduersario Reuertitur In Aedes.  
Miracula Admiranda Redemptoris Iesu  
Admiratur.*

*Maria Amabilem Redemptorem Ieroso-  
lima Amittit,  
Mox Admodum Reuertitur Illuc Af-  
flicta,  
Mysteria Agitantem Reperit In Aede.  
Morti Atroci Redemptorem Iudaei Ad-  
dicunt.*

*Maria Autem Recipit In Anima  
Magnam Amaritudinem, Respiciens Ie-  
sum Affixum.*

*Mater Amabilis Relicta Ioanni Apostolo.  
Matrem Agnoscit, Reueretur Illam  
Apostolus.*

*Magistra Apostolorum Rectè Instituit  
Apostolos.*

*Mortuam Angeli Referunt In Astra,*



*Meretur Angelorum Regina Impera-  
trixque Appellari.*

Sed hæc sufficiant. Videamus iam quid de Roma in *Roma* Notarum seu Siglarum ratione possimus reperire ; siue de se ipsamet loquatur, siue pro ea loquatur Historia. Ab ipso principio principio ducto, quatuor scilicet elementorum, quibus constat *ROMA*, cuique integrum vocabulum signandi data facultate; Amulium, quum primum Rheam neptem grauidam comperisset, eam in carcerem coniecisse ex Romæ ipso patet nomine.

*Rheam Ob Metum Amulius  
Recludi Opaca Mandat Arce.*

Eius imperio postea Remum Romulumque ex ea natos in profluentem aquam abiectos, quod vereretur tyrannus ille, ne aliquando fratres gemini Numitoris avi ultores euaderent,

*Remum Romulumque  
Obicit Obstupescit  
Miro Metu  
Aquis Amulius.*

Sed ne possent extinguì, Tiberinum, Amulio humaniorem factum, amnem repressisse.

*Repente Repressus  
Oppressis Opitulatur  
Maleuolo Mitior  
Amnis Amulio.*

Et quod mirum, relictis catulis Lupam, aut potius Accam meretricem ( dictam fortassis Lupam, quod omnibus eius regionis vulgaretur Pastoribus ) infantium secutam vagitum, vbera misellis benignam admouisse.

*Romam Obtulit Misellis Acca.*

Romulum deinceps, ætate prouectum, Romam condidisse, eamque vallo seu aggere cinxisse: Remum iussu fratris occisum, dum valli irrideret angustias: Romulum Urbem nouam asylum fecisse, ab eoque paulo post interfectum Actonem, Caninensium Regem.

*Romulus Occepit Me Aedificare.  
Raptim Obnallauit Me Aggere.  
Remus Occisus Mandato Adelphei.  
Reis Obtulit Mox Asylum.  
Romuli Occisus Manu Acton.*

Romam in infantia sub Regibus fuisse, Ancumque Martium, ex illis quartum, mœnia

muro amplexum; sed vnus ob tyrannidem  
Ciues regum Dominium fastidentes Re-  
gem tyrannum expulisse.

*Regunt Reges,*

*Omnia Ordinant,*

*Muro Mænia*

*Amplectitur Arcus.*

*Reges Oderunt Mei Accola.*

*Regem Odiosum Mænibus Arcem.*

Gallos Senonenses sub Brenno, Alabri filio,  
duce Romam oppugnasse & expugnasse, Ci-  
uibusque occisis eam in cineres rede-  
gisse; tandem arcem adortos, prius acceptis mille  
auri pondo, castra mouisse.

*Repente Occupat Me Alabrides.*

*Romanos Occidunt Milites Alabridis*

*Rogo Omnia Mea Absumunt.*

*Robustè Oppugnant Meam Arcem,*

*Remouet Omnino Magnum Aurum.*

Romam Rempublicam factam ardua ince-  
pisse moliri, eiusque Ciues aggressos ado-  
riri Reges: Suorum virtute totius Orbis  
moderamen assecutam: Aquilam, eius in-  
signe, ab omnibus veneratam: Opum deni-  
que affluentia, populorum concursu, æ-  
diumque magnificentia factam veluti vni-



uerſam totius Orbis officinam , matrem ac  
miraculum.

*Reſpublica Opera Molitur Ardua.  
Romani Opera Mirabilia Aggrediun-  
tur.*

*Robore Orbis Moderamen Aſſequor.  
Rerum Omnium Moderamen Acci-  
pio.*

*Regna Omnia Mihi Arrogo.  
Regiones Omnes Mihi Adipiſcor.  
Reliquæ Obediunt Mihi, Auſcultant.  
Reuerentur Omnes Meam Aquilam.  
Requirunt Omnes Meam Amicitiam.  
Reginam Orbis Me Acclamant.  
Romam Omnibus Mirificè Affluen-  
tem*

*Rebus, Officinam Mundi Appellant.  
Romam Omnes Mortales Aduolant.  
Roma Orbis Miraculum Appellatur.  
Roma Omnium Mater Aeſtimatur.*

Diu rectam à Conſulibus , tandem ad prin-  
cipatum, ſeu vnius imperium , regnante ſci-  
licet Auguſto, rediiſſe: eam Aurelianum ma-  
gnificè ornaffe & ampliaffe ; eique poſtea  
ob occiſos Chriſti athletas Imperium Or-  
bis ablatum.

*Roma Obtinuit Moderamen Augu-  
stus.*

*Romam Ornauit Magnificè Aurelia-  
nus,*

*Reuera Omnium Maximè Ampliauit.*

*Roma, Occisis Messie Athletis,*

*Regnum Orbis Mox Ablatum.*

Sed Omnipotentis beneficio tandem restitutum, administrationem Religionis consecutam, supremamque illi tanquam Matri ac Dominæ concessam potestatem lactandi filios Dei, aperiendi iis ianuam Cæli, eosque anathematizandi, cum fuerint contumaces.

*Restituit Omnipotentis Manus Au-  
xiliatrix.*

*Religionis Oblata Mihi Administra-  
tio.*

*Romas Omnibus Meis Adhibeo.*

*Refero Olympum Meis Alumnis.*

*Rebelles Omnes Mihi Anathematizo.*

Gemere tamen ac lugere, quoties proprii fluminis exundationum meminit; quoties Ostrogothorum, quoties Alarici, quoties Atilæ, quoties Caroli Austriaci direptionum & incendiorum recordatur.

ferat, nimirum *Adfit*; cuius vocabuli quinque literis hoc ipsemet indidit significatum, *Adiuuante Deo Superabo Imperatorem Turcarum*: quod victoriæ proximæ fuit veluti vaticinium: Commisso enim prælio Solimannum, Turcarum Imperatorem, cum numerofo ac potentiffimo exercitu Viennam oppugnantem, feliciter superauit, Urbemque obfefsam obfidiōe liberauit.

Quoniam vero per Notas vt plurimum fcribere folerent Libelliones feu Tabelliones, ideo à Notis dicti funt *Notarij*: Et quia vna duntaxat litera plurium crebrò vocum erat fignvm, indeque fæpius obueniebat error, ideo à Latinis Iuris Codicibus fustulit Imperator Iuftinianus, & à Græcis Bafiliius. Vt vt fit, & qualifcumque fit facultas & vfus integram declarandi vocem vnâ duntaxat literâ, hoc tamen modo tum Hebræos, tum Græcos & Latinos, arcana quamplurima & reconditiffima retexiffe certum eft.

Hunc tertij Dauidici Pfalmi verficulum, *Multi insurgent aduerfum me*, textus Hebraicus vnico declara vocabulo, fcilicet *Rabim*, ex quatuor elementis conflato, *Res, Beth, Iod, Mem*: per quæ huius sanctæ linguæ Doctores intelligunt populos quatuor, qui poft multas vexationes Iudaicum tandem deleuerunt regnum, nimirum Romanos, Babylonios, Iones & Medos.

In nomine *ADAM*, quod quatuor conftat elementis, quatuor Mundi partium no-

mina,



mina inueniant Græci ; quæ nomina sunt *Anatole, Dysis, Arctos, Mesembria*, id est Oriens, Occidens, Septentrio, Meridies. Idque significat, vt obseruauerunt Isidorus ac Eusebius, Adamo ex Eden expulso, eius posteros per quatuor Mundi partes postea fuisse diffusos. Huius arcani meminit etiam Sibylla libro secundo.

Isid. Etym.  
lib. 7. c. 6.  
Euseb.  
prep.  
Euang.  
lib. 11.  
cap. 9. &  
lib. 7. c. 1.  
Sibyll.  
Or. c.  
lib. 1.

*Nimirum Deus is finxit tetragrammaton  
Adam,*

*Qui primus filius fuit ; & qui nomine  
complex*

*Ortum, Occasum, Austrum, Boreamque  
rigentem.*

Iisdem Græcis Piscis dicitur ΙΧΘΥΣ, huiusque vocabuli quinque literis Saluatoris declarantur nomina, videlicet Ιησους Χριστος Θεος Υιός, Σωτήρ, Iesus Christus Dei Filius Seruator. Idcirco Tertullianus Christum Ιχθυς, id est Piscem, & Christianos Pisciculos appellat : Sed nos pisciculi secundum Ιχθυς nostrum Iesum Christum in aqua nascimur. Optatus, vt Christum Piscem, ita & Baptismatis sacros fontes Piscinam vocat : Hic est piscis, qui in Baptismo per inuocationem fontalibus undis inseritur, vt qua aqua fuerat, à Pisce etiam Piscina vocetur ; Cuius Piscis nomen secundum appellationem Græcam in uno nomine per singulas literas inrbam Sanctorum nominum continet. Christo Ιχθυς

Lib. de  
Bapt.

Lib. 3.  
adu Par-  
ment.

§ de  
rad. P.  
2.c.39.

nomen etiam tribuit Prosper, cum dicit;  
*Sariat ex seipso in litore Discipulos, & ro-  
ti offerens se mundo Ixur, piscis sua passione  
decoctus, cuius ex interioribus remediis quo-  
tidie illuminamur & pascimur.*

Lorinus in primum Actuum Caput, & Vega  
in Apocalypsis duodecimum, elementa quin-  
que, quibus constat *MARIA*, quinque ve-  
teris legis viraginitibus illustrissimis attribuunt  
voluntque intelligi per *M. Mariam*, Moisis  
Sororem: per *A. Abigail*, prius Nabal, po-  
stea Dauidi nuptam: per *R. Rebecca*, Isaac  
coniugem: per *I. Iudith* viduam: & per  
vltimum *A. Annam*, Samuelis matrem. Nam  
sicut olim pictor Zeuxis, cum Helenæ pul-  
cherrimæ figuram suscepisset effingendam,  
pulcherrimas quinque puellas, quæ in tota  
Græcia potuissent inueniri, curauit accersi,  
mutuatusque est à singulis quodcunque pul-  
chrius & formosius, quodcunque speciosius  
ac venustius in iis obseruasset. Ita Conditor  
Æternus, in efformanda Virgine, Filij Ge-  
nitricæ, illas quinque clarissimas mulieres,  
quasi quinque perfecta archetypa, sibi pro-  
posuisse videtur, ex iisque singulis illam de-  
sumpsisse excellentiam, quam ad tam per-  
fectum opus condendum iudicauit aptiorem.  
A Maria videlicet prudentiam, ab Abigail  
humilitatem, à Rebecca pulchritudinem, à  
Iudith fortitudinem, & ab Anna sanctita-  
tem accipiens. Nec tantum hoc, sed & alia  
quamplurima, longèque reconditiora re-  
-

gentur arcana de Maria, si *MARIA* singulis literis singulæ voces dentur significandæ. Ut sunt sequentia, quæ si in tempore Præterito aut Præsenti proferantur, ferè totam Mariæ prodent Historiam.

*Mundum Admirando Radio Illustravit  
Anna,*

*Mariam Amicam Redemptionis Inducens Auroram.*

*Maria Atri Rupit Ianuam Auerni;  
Magnanima, Animosa, Reum Iugulavit Aduersarium.*

*Malis Adami Remedium Infallibile Attulit.*

*Maria Adest Robusta, Indefessa Auxiliatrix.*

*Magnificè Adiuuat, Robur Inimicis Adimit.*

*Mirificè Auxiliatur, Robur Imbecillis Addit.*

*Mariam Amabilem Religiosus Ioseph Accipit.*

*Maritam, Amat, Reueretur Illam Admodum.*

*Missus Angelus Refert Illi Admirandæ.*

*Mundi Autorem Recluserit In Aluo,*

*Merita Ante Reliquos Illum Adorare.*



*Maria Alumnum Reges Iure Adorant.  
Mater Alma Redemptoris Iesu Altrix,  
Miro Amore Rumas Illi Admouet,  
Magnopere Amat, Reueretur, Intuetur,  
Admiratur.*

*Maria Admonita Refugit In Aegyptum,  
Monitu Angeli Redemptorem Illuc Ap-  
portat,  
Mortuo Aduersario Reuertitur In Aedes.  
Miracula Admiranda Redemptoris Iesu  
Admiratur.*

*Maria Amabilem Redemptorem Ieroso-  
lima Amittit,  
Mox Admodum Reuertitur Illuc Af-  
flicta,  
Mysteria Agitantem Reperit In Acde.  
Morti Atroci Redemptorem Iudei Ad-  
dicunt.*

*Maria Autem Recipit In Anima  
Magnam Amaritudinem, Respiciens Ie-  
sum Affixum.*

*Mater Amabilis Relicta Ioanni Apostolo.  
Matrem Agnoscit, Reueretur Illam  
Apostolus.*

*Magistra Apostolorum Rectè Instituit  
Apostolos.*

*Mortuam Angeli Referunt In Astra,*

*Meretur Angelorum Regina Impera-  
trixque Appellari.*

Sed hæc sufficiant. Videamus iam quid de Roma in *Roma* Notarum seu Siglarum ratione possimus reperire ; siue de se ipsamet loquatur, siue pro ea loquatur Historia. Ab ipso principio principio ducto, quatuor scilicet elementorum, quibus constat *ROMA*, cuique integrum vocabulum signandi data facultate; Amulium, quum primum Rheam neptem grauidam comperisset, eam in carcerem coniecisse ex Romæ ipso patet nomine.

*Rheam Ob Metum Amulius  
Recludi Opaca Mandat Arce.*

Eius imperio postea Remum Romulumque ex ea natos in profluentem aquam abiectos, quod vereretur tyrannus ille, ne aliquando fratres gemini Numitoris avi ultores euaderent.

*Remum Romulumque  
Obicit Obstupefactus  
Miro Metu  
Aquis Amulius.*

Sed ne possent extinguì, Tiberinum, Amulio humaniorem factum, annem repressisse.

*Repente Repressus  
Oppressis Opitulatur  
Maleuolo Mitior  
Amnis Amulio.*

Et quod mirum, relictis catulis Lupam, aut potius Accam meretricem ( dictam fortassis Lupam, quod omnibus eius regionis vulgaretur Pastoribus ) infantium secutam vagitum, ybera misellis benignam admouisse.

*Romam Obtulit Misellis Acca.*

Romulum deinceps, ætate prouectum, Romam condidisse, eamque vallo seu aggere cinxisse: Remum iussu fratris occisum, dum valli irrideret angustias: Romulum Urbem nouam asylum fecisse, ab eoque paulo post interfectum Actonem, Caninensium Regem.

*Romulus Occepit Me Aedificare.  
Raptim Obnallauit Me Aggere.  
Remus Occisus Mandato Adelphi.  
Reis Obtulit Mox Asylum.  
Romuli Occisus Manu Acton.*

Romam in infantia sub Regibus fuisse, Ancumque Martium, ex illis quartum, mœnia



muro amplexum; sed vnus ob tyrannidem  
Ciues regium Dominium fastidientes Re-  
gem tyrannum expulisse.

*Regunt Reges,*

*Omnia Ordinant,*

*Muro Mœnia*

*Amplectitur Ancus.*

*Reges Oderunt Mei Accola.*

*Regem Odiosum Mœnibus Arcent.*

Gallos Senonenses sub Brenno, Alabri filio,  
duce Romam oppugnasse & expugnasse, Ci-  
uibusque occisis eam in cineres rede-  
gisse; tandem arcem adortos, prius acceptis mille  
auri pondo, castra mouisse.

*Repente Occupat Me Alabrides.*

*Romanos Occidunt Milites Alabridis*

*Rogo Omnia Mea Absumunt.*

*Robustè Oppugnant Meam Arcem,*

*Remouet Omnino Magnum Aurum.*

Romam Rempublicam factam ardua ince-  
pisse moliri, eiusque Ciues aggressos ado-  
riri Reges: Suorum virtute totius Orbis  
moderamen assecutam: Aquilam, eius in-  
signe, ab omnibus veneratam: Opum deni-  
que affluentia, populorum concursu, æ-  
diumque magnificentia factam veluti vni-

*Roma Obtinuit Moderamen Augu-  
stus.*

*Romam Ornauit Magnificè Aurelia-  
nus,*

*Reuera Omnium Maximè Ampliauit.*

*Roma, Occisis Mesiæ Athletis,*

*Regnum Orbis Mox Ablatum.*

Sed Omnipotentis beneficio tandem restitu-  
tum, administrationem Religionis consecu-  
tam, supremamque illi tanquam Matri ac  
Dominæ concessam potestatem lactandi fi-  
lios Dei, aperiendi iis ianuam Cæli, eosque  
anathematizandi, cum fuerint contumaces.

*Restituit Omnipotentis Manus Au-  
xiliatrix.*

*Religionis Oblata Mihi Administra-  
tio.*

*Romas Omnibus Meis Adhibeo.*

*Resero Olympum Meis Alumnis.*

*Rebelles Omnes Mihi Anathematizo.*

Gemere tamen ac lugere, quoties proprii  
fluminis exundationum meminit; quoties  
Ostrogothorum, quoties Alarici, quoties  
Atilæ, quoties Caroli Austriaci direptionum  
& incendiorum recordatur.

*Romam Obruit Metu Albula.*

*Repente Ostrogothi Me Adoriuntur.*

*Romam Ostrogothi Merore Afficiunt.*

*Rex Obsidet Me Attila.*

*Rex Oppugnat Me Alaricus*

*Romam Occupat Maio Austriacus.*

Licet quæ de Roma hoc ultimo diximus Capite, obiter potius quam ex instituto dicta velim, dictaque tantummodo, ne arcanorum Romæ nomen spectantium aliquid intactum videar prætermisisse, minimè tamen spernenda censeo; nec desunt autores, qui autoritate sua Siglarum confirment autoritatem. Et ut infinitos prætereamus, vnius & dignissimi & integerrimi Præsulis nobis sufficiat autoritas, nimirum Reuerendissimi Patris Ioannis Nasi, Episcopi Bellinensis Brixienfisque Suffraganei, qui Chartaceam Luteranorum discordantem Concordiam, à Doctore Iacobo Andrea conscriptam, iam inde à principio, seu titulo libri, Siglarum ratione aggreditur confutare, ita exponens singula elementa, quibus constat vocabulum **CONCORDIA**.

*Contra Omnes Nationes Cudit Odio-*  
*sam*

*Recôciliationem Doct̃or Iacob André.*



Quem illustrissimi Antistitis conceptum vt  
clariorem redderet Ioannes Enguius, Car-  
minum Hexametrorum condidit seriem,  
quorum omnes prorsus voces ab inceptiua  
*Concordia* incipiunt litera.

*Calicolûm Contra Cultum, Christum-  
que Colentes*

*Catholicos, Calo Charos Calique Ca-  
terua,*

*Cedere Cæperunt Clypeum Cyclopea  
Castra,*


*Constituât Cuius Celsum Concordia  
Gulmen.*

*Cyclopumque Caput Clamat: Concur-  
rite Cives*

*Cimmerij, Clypeum Concordem Cu-  
dite Cuncti.*

Cætera septemdecim quæ supersunt eiusdem  
texturæ Carmina, apud ipsum Nasum sub  
finem Concordiæ Examinis videre licet.

FINIS.



550,259

